

Observationum anatomico-chirurgicarum centuria. Accedit catalogus rariorum, quae in museo Ruyschiano asservantur / [Frederik Ruysch].

Contributors

Ruysch, Frederik, 1638-1731.

Publication/Creation

Amstelodami : Jansson-Waesberge, 1721.

Persistent URL

<https://wellcomecollection.org/works/d85medmg>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

FREDERICI RUYSCHII,

Anatomæ, Chirurgiæ, & Botanices Professoris,

(3)

OBSERVATIONUM

ANATOMICO-CHIRURGICARUM


C E N T U R I A.

Accedit

CATALOGUS RARIORUM,

Quæ in Museo RUYSCHIANO affervantur.

Adiectis ubique Iconibus æneis, naturalem
magnitudinem repræsentantibus.



AMSTELODAMI,

Apud J A N S S O N I O - W A E S B E R G I O S .
M. D. C. C. X X I.

LIBRARY OF THE
UNIVERSITY OF TORONTO LIBRARIES
OBSERVATORIUM
ANATOMICO-CHIRURGICARUM
M. I. K. J. A. R.
CATALOGUS
M. I. K. J. A. R.

Afgelegte apidie. Zool. med. series. 1. 1870
Afgelegde apidie. Zool. med. series. 2. 1871



AMATOZAMAL
ASSONI-MASSEY CO.
MDCCCLXV

V I R I S
Illustribus & Amplissimis

D^N. JOHANNI HUYDEKOOPER,
Equiti, Domino in Maarseveen & Neerdyk, &c.

D^N. JOHANNI HUDDDE,
Domino in Waveren, &c.

D^N. NICOLAO WITSEN, I.C.

D^N JOANNI de VRIES,

Consulibus & Senatoribus Reipublicæ Amstelodamensis, optimè meritis ac merentibus,

Dominis, Fautoribus ac Patronis perpetim Venerandis,

Salutem & perpetuam Felicitatem precor

FREDERICUS RUY SCHIUS.

Illustres & Amplissimi Domini,


Uam Illustrium Amplitudinum Vestrarum benignis auspiciis, & favore jam ab Annis viginti & ultra exerceo Anatomes & Chirurgiae Professionem, ejus labores & qualescumque fructus jure meritissimo, Inclyto Nomini Vestro consecrantur. Postulat, imò jubet hoc debitum pro singulari toties immerenti exhibita benevolentia Vestrâ gratæ mentis officium. Ne enim tum alia

innumera & continua Vestra in me meosque beneficia,
tum imprimis quoque illud, quo præter mox memoratum
ad huc alio, Botanices scilicet, Professorio munere nuper
me dignati estis, ingrato obruantur silentio, nunquam
non summoperè mibi enitendum & existimo & profiteor.
Ecquod verò grati animi testimonium isti meæ Anatomen
Chirurgiamque docendi provinciæ magis affine (licet Ve-
stris insignibus erga me meritis plane impar) depromere
possem, quām curiosorum non minus ac utilium Observ-
atorum hanc supellecilem Vestro non solum conspectui
exponendam, sed & Amplissimo Nominis inscribendam;
præsertim, postquam Vestro indultu insuper obtinui exop-
tatam in publico Nosocomio Cadavera aperiendi, eorum-
que intimos Viscerum recessus rimandi libertatem. Sic
igitur eorum, quæ tum ibi tum & alibi animadvertere
licuit, historiam & enarrationem typis exscriptam Vo-
bis, Illustres & Amplissimi Viri, demissè offero &
in sinum Vestræ tutelæ & benevolentiæ devolvo; cer-
tâ fiduciâ, hoc devoti erga vos obsequii mei monu-
mentum exceptum à Vobis iri benignis vultibus, &
eâ comitate, quâ me ipsum nunquam non respicere
consuevistis. Quod quidem è magis sperare me
jubet ista, quam nullo non tempore sincerè contesta-
ri Voluistis, benigna conatum meorum approbatio.
Precor Deum Opt. Max. Viri Illustres, ut bono pu-
blico quām diutissimè Vos servet incolumes, & feli-
cem hujus Reip. gubernationem, saluberrima consi-
lia & prosperrimos negotiorum quorumvis successus
Vobis omnibus & singulis constanter largiatur. Amste-
lodami die XXIII. Mart. clo loc xc.

Lector

Lectori Benevolo.

M

Edicinam non originem tantum, verum etiam incrementum ab Experientia sumpsiisse, nullamque proinde artem esse, cui tum stabiliendæ tum perficiendæ eadem experientia adeò sit necessaria, jam olim ab Hippocrate, aliisque postmodum gravissimis Authoribus est demonstratum.

Qum autem *Experientia*, teste Galeno, sit *observatio & memoria ejus, quod saepe & eodem modo visum est*, mearum equidem putavi partium, nonnulla eorum, quæ per viginti tres annos (quibus in vastâ ac populosâ hâc Urbe non solùm Medicam Praxin exercui, sed & frequentissimas Cadaverum tâm privatum in Nosocomio nostro, quâm publicè in Theatro Anatomi-
co, peregi dissectiones) observare mihi contigit, in lucem emittere: sicque hâc etiam viâ Artis nostræ incrementa pro viribus promovere. Qui certè scopus, nemini non è Medicorum Filiis cordi esse debet, simul ac & obscuritatem & imperfectionem, quibus unâ cum tot aliis scientiis & ipsa adhucdum Medicina laborat, seriò expenderit. Sordidum enim imò vilis animæ haud fallax indicium foret, proprio solùm lucello in exercenda Praxi invigilare, tantâque aviditate loculis implendis esse deditum, ut ipsius etiam Artis ægritudines & infirmitates nihil ipsum afficiant. His verò, qui sterilibus quibusdam otiosi ingenii figmentis, & macris speculationum ratiocinationibus subvenire anni-
teretur, næ ille ægræ Medicinæ Medicum sese proderet. Mallem igitur phænomena & memorabiles rerum eventus sedulò notare, ac fideli observatorum commemoratione Reip. Medi-
cæ inservire, quâm neglectio Experientiæ fulcro, caducas ratiociniorum chimæras in aëre fabricari. Detinuit me hactenus ab opere isthoc temporis scribendi, per Praxin satis fervidam imprimis erepti, penuria; & forsan diutius detinuisse, ni sinceræ quorundam exhortationes, imò preces, me dudum ur-
sissent, & tergiversanti calcar addidissent. Quapropter tandem negotio huic me accingere, & passim consignatas obervationes ex angulis conquerire volui; quarum nunc fasciculum hic tibi, *Lector Benevole*, exhibeo, longè majorem futurum, nisi quidam scriptitandi libidine æstuantes, ac interim rerum copia sufficiente destituti subinde curiosa quædam observata ac expe-

A D L E C T O R E M.

rimenta mihi tacitè surripiissent , ac me inconsulto imò nec nominato , publica luce jam antè donassent . Quod an pio scopo me labore editionis exonerandi , an verò nuditatem suam alienis plumis contegendi illisque vanè superbiendi proposū effecerint , haud arduum erit hariolari omnibus iis , qui arrogantiæ humanæ genium & quid non turgiduli quorundam homuncionum spiritus audeant , penitus cognoverint . Gaudeant interim suā sordidè & iniquè acquisitā gloriolā , quæ sicut in tenebris solum radicata , sic ejusdem fructus in tenebris quoque emorientur . Mihi sufficit , ea , quæ in promptu habui , hâc vice in unum collecta Eruditorum Orbi exponere , ut Viris Cordatis & Ingenuis , eorumque iteratis persuasionibus morem geram . Unde nullius Zoili , quicunque fuerit , invidus oculus me retrahere valet . Quod si qui , aliena rodere assueti , perversum de hoc labore meo judicium ferre , & vel minimo errore (si qua fortè per humanam infirmitatem occurreret) apprehenso , illicò cavillari faterentur , nil reponam , nil pronunciabo aliud quam

Muscæ pupugere Maronem.

Te verò , Lector Candide , Observationum harum lectioni intentum Prologus hic noster non morabitur . Evolve igitur , si lubet , paucarum paginarum Opus ; unde , varias afflictorum miserias conspicendo , Humilitatis , & mirabilium Summi Numinis in Natura Operum excellentiam contemplando , Laudis & grati erga Sapientissimum Creatorem animi motus in te exsurgat & perpetuum incitamentum . Salve & Vale .

ELEN-

ELENCHUS

OBSERVATIONUM.

OBSERVATIO I.

Mirabilis Calculorum sectio in Octogenaria.

OBSERVATIO II.

Aneurisma Brachii periculosem feliciter curatum.

OBSERVATIO III.

Patellæ fractæ fractura à causa notatu digna.

OBSERVATIO IV.

Fractura ossium duorum Carpi, post tres annos nondum coalita.

OBSERVATIO V.

Os Capitis denudatum, ab aëre licet nigrescens, tamen absque visibili lamellarum separatione restitutum.

OBSERVATIO VI.

Uteri Polypus carnosus.

OBSERVATIO VII.

Uterus scirrhosus & deformis, qui in magnam molem auctus, extra pudendum propendebat.

OBSERVATIO VIII.

Vesica Ovilla quasi in duas partes divisa.

OBSERVATIO IX.

Verus Uterus è corpore subinde prolabens.

OBSERVATIO X.

Uteri inversio à partu.

OBSERVATIO XI.

Fœtus à Funiculi Umbilicalis mirâ contorsione necatus.

OBSERVATIO XII.

Uteri ulcus malignum.

OBSERVATIO XIII.

Diabetes à Renibus male affectis.

OBSERVATIO XIV.

Superfætationis exemplum.

OBSERVATIO XV.

E calculis in uretere hærentibus, Ischuria lethalis.

OBSERVATIO XVI.

Eruptio Ovarii post abscessum nimis profundè perforatum.

OB-

OBSERVATIO XVII.

Hydrops Ovarii muliebris.

OBSERVATIO XVIII.

Tumor Pilosus in Omento repertus.

OBSERVATIO XIX.

Orthopnœa, ab obstructione & expansione vesicularum Pulmonis orta.

OBSERVATIO XX.

Idem malum, ab Obstructione vesicularum Pulmonis ortum.

OBSERVATIO XXI.

Idem affectus in pueru observatus.

OBSERVATIO XXII.

Partus mirabilis, in quo insolita viæ clausura, arte tamen reserata.

OBSERVATIO XXIII.

Puella Pudendum monstruosè conformatum.

OBSERVATIO XXIV.

Uteri lateralis portio in partu procidens.

OBSERVATIO XXV.

Os uteri in partu prolabens.

OBSERVATIO XXVI.

Uteri à partu inversio ab imperita manu redditia lethalis.

OBSERVATIO XXVII.

Hydrops è congerie Hydatidum sacco inclusus.

OBSERVATIO XXVIII.

E Placentulis post fœtus exclusionem in utero remansi, Tseudomolæ.

OBSERVATIO XXIX.

Massa Cruoris coagulati quandoque Molam mentiens.

OBSERVATIO XXX.

Penis cancroſi amputatio.

OBSERVATIO XXXI.

Vesicula fellea intus cellulis distincta, & calculosâ crustâ obducta.

OBSERVATIO XXXII.

Menses à membranâ vulvam claudente suppressi, perque hujus incisionem evacuati.

OBSERVATIO XXXIII.

Placentæ Uterinæ in Hydatides degeneratio.

OBSERVATIO XXXIV.

Tumor Lumbaris in fœtu, cum Spina bifida.

OBSERVATIO XXXV.

Idem affectus in infimâ Ossis Sacri parte repertus.

OBSERVATIO XXXVI.

Tumor similis in lumbis puellæ lethalis.

OBSERVATIO XXXVII.

Ab Aneurismate Arteriæ Aortæ Costarum Caries.

OBSERVATIO XXXVIII.

Monstrosum Aneurisma.

OBSERVATIO XXXIX.

Scirrhus Ventriculi lethalis.

OBSERVATIO XL.

*Cephalæa à Setaceo applicito cessans, eodemque remoto recur-
rens, idque aliquoties.*

OBSERVATIO XLI.

*Ex aperto Bubone, copiosus Lymphæ effluxus peculiari arte
inhibitus.*

OBSERVATIO XLII.

*Ex Ulcere Penis Hæmorrhagia enormis, arte facili quidem
at singulari cohinda.*

OBSERVATIO XLIII.

*In puerperæ cadavere Os Uteri hians, & pelvis humoribus
repleta.*

OBSERVATIO XLIV.

Succini Globulus diu in Naribus hærens topho obductus.

OBSERVATIO XLV.

*In Hydropice Cadavere Observata varia, inter quæ, Hepa-
tis glandulæ admodum tumefactæ.*

OBSERVATIO XLVI.

Hydrops Ascites ex Hydatidibus.

OBSERVATIO XLVII.

Cranii ex contusione fissura ipsas suturas pervadens.

OBSERVATIO XLVIII.

*Fungus Palati cum carie, scalpello & cauteriis feliciter extir-
patus.*

OBSERVATIO XLIX.

Similis Casus, dissimilis verðeventus, ob Medicastrorum inscitiam.

OBSERVATIO L.

Hepatis durities & suppuratio feliciter finitæ.

OBSERVATIO LI.

*Ren, Hepar, Renes succenturiati, &c. pro Glandulis sangu-
ineis non ineptè haberi possunt.*

OBSERVATIO LIL.

Tumores à postico capite infantum pendentes, ipso capite majores.

OBSERVATIO LIII.

Vulnus Thoracis penetrans, cum egressâ Pulmonis portiunctu-
lâ, sanatum.

OBSERVATIO LIV.

Vulnus Orbitæ Oculi lethale.

OBSERVATIO LV.

Acicula deglutita per inguinis abscessum exitum quærens.

OBSERVATIO LVI.

Asthma serosum cum notabili renis calculo.

OBSERVATIO LVII.

In puello trienni, calculi insolitæ magnitudinis.

OBSERVATIO LVIII.

Molarum Origo & Natura.

OBSERVATIO LIX.

Vulvæ Rectique Intestini Gangræna, & perforatio feliciter curatae.

OBSERVATIO LX.

Capitis Contusioni solo fomento, absque incisione per imperitum
temerè commendatâ, feliciter prospectum.

OBSERVATIO LXI.

Uteri post partum inflammatio subinde ab Obstetricum temeri-
tate oritur.

OBSERVATIO LXII.

Lien in Pelvim prolapsus, ejusque naturalem locum occupans
analogum aliquod corpusculum.

OBSERVATIO LXIII.

Tumor ventris oblongus post partum, ex Omenti coarctatione.

OBSERVATIO LXIV.

Vermes passim intra viscera delitescentes.

OBSERVATIO LXV.

Hepar magnâ ex parte in hydatides degeneratum & ab impe-
rito temerè confossum.

OBSERVATIO LXVI.

Exsectus Lien vivi Canis, non obstante notabili hæmorrhagiâ
superstitis.

OBSERVATIO LXVII.

Spina Dorsi in circulum recurvata.

OBSERVATIO LXVIII.

Ventriculi & Intestinorum ob in diam prodigiosa contractio.

OBSERVATIO LXIX.

Valvulae Cordis ossæ & coalitæ.

O B S E R V A T I O LXX.

Partium quarundam induratio in Hydropicâ.

O B S E R V A T I O LXXI.

In fætu cutis circa Umbilicum defectus lethalis.

O B S E R V A T I O LXXII.

A Cutis circa Fætus Umbilicum defectu Viscerum profusio.

O B S E R V A T I O LXXIII.

Casus non minus notabilis circa cutis musculorumque abdominis defectum.

O B S E R V A T I O LXXIV.

A Pyloro relaxato Appetitus caninus.

O B S E R V A T I O LXXV.

Notabile vesicæ vulnus feliciter sanatum, succedente Hernioso tumore.

O B S E R V A T I O LXXVI.

Linguæ Ulcerosæ durities scalpello & cauterio extirpata.

O B S E R V A T I O LXXVII.

Polypi in Antro Highmori hærentes.

O B S E R V A T I O LXXVIII.

Vesicæ scabies interna, unà cum excrescentiis glandulo-carneis.

O B S E R V A T I O LXXIX.

Circa Renum vasa mirabilis naturæ lusus.

O B S E R V A T I O LXXX.

Renis in adulto inæqualis superficies.

O B S E R V A T I O LXXXI.

De tumore spongioso, seu ossivoro memorabilia.

O B S E R V A T I O LXXXII.

Alveoli Dentium ob varias causas penitus consumti; unde dentium vacillatio & casus.

O B S E R V A T I O LXXXIII.

Sterilitas à Tubarum Fallopiarum clausurâ.

O B S E R V A T I O LXXXIV.

Veroſimilis Lochiorum eruptio per Tubas Fallopianas in abdominis cavitatem.

O B S E R V A T I O LXXXV.

Veroſimilis eruptio menstruorum per Tubam Fallopianam in pelvis.

O B S E R V A T I O LXXXVI.

In Hydropici Cadavere Hepar male & quomodo affectum.

O B S E R V A T I O LXXXVII.

In simili alio, Hepar itidem male affectum unà cum Calculo in ductu Cystico.

OBSERVATIO LXXXVIII.

Uteri in alterutrum latus retractio.

OBSERVATIO LXXXIX.

Calculus Vesicæ cum hujus ad digitum usque latitudinem purulentâ incrassatione.

OBSERVATIO XC.

Vesicula fellis sæpius (præsertim in Vitulis) bifurcata, ast rarissime, si unquam, in totum duplex.

OBSERVATIO XCI.

Ilei affectus variæ causæ, per varia exempla demonstratæ.

OBSERVATIO XCII.

Enormis Intestini Coli dilatatio.

OBSERVATIO XCIII.

Uteri motus imaginarius & verus.

OBSERVATIO XCIV.

Prodigiosa Ureteris, integrum pintam continentis, dilatatio.

OBSERVATIO XCV.

Post Dysuriam scirrhosa Intestini Recti incrassatio, & mira coarctatio.

OBSERVATIO XCVI.

Similis Recti Intestini incrassatio.

OBSERVATIO XCVII.

Placentæ extractio à peculiari funiculi in eandem insertionis modo redditur difficilis.

OBSERVATIO XCVIII.

Hernia Cystica, cui ex terrore juncta Bubonocele.

OBSERVATIO XCIX.

Renum & Ureterum Ovillorum mirabilis expansio.

OBSERVATIO C.

Glandis in Pene vera structura, noviter detecta.

FRE-

FREDERICI RUY SCHII
OBSERVATIONES
ANATOMICO-CHIRURGICÆ.

O B S E R V A T I O I.

Mirabilis Calculorum sectio in Octogenaria.

Dinter omnes corporis affectus, qui hominem miserè infestare solent, haud infimum locum obtinet Calculus Vesicæ. Hoc malum, quantumvis in Batavia nostra admodum frequens, rariſſimo & inaudito tamen modo fere nobis nuper obtulit in Octogenaria, præ dolore admodum emaciata, & à viginti annis propendentiam uteri perpeſta, cum intolerabili mingendi difficultate & cruciatibus, ita ut ægra emori maluerit decies, quām hoc diutius perpeti, præfertim postremis duobus annis.

Tandem mense Maio anni 1681 me vocari jussit, de Uteri propendentia, & mingendi difficultate conquerens. Mirabar Vetulæ querelas, quoniam nunquam à solo Uteri prolapsu ita dolere solent mulieres, verendumque esse adjeci, aliquid mali, præter Uteri prolapsum, hactenus in alta nocte latuisse. Hisce auditis, misera visum & ulteriore explorationem (si ne quibus nil certi asseverari poterat de absconditi morbi effentia) non renuit, ostenditque mihi uteri, justo paulò majoris, prolapsum, eadem formâ & magnitudine, quā illum expressit Sculptor. Palpitando hunc uterum, calculos sentire putabam, nec fefellit! quamvis circa calculorum formam deceptus: videbantur enim tenuiores laminæ calculosæ, (Belgice *Leyen*) qui post incisionem reperti sunt angulosi & crassi, ut ex annexa figura liquet. Non autem interim certè determinare poteram, utrum locum haberent dicti calculi in

O B S E R V A T I O . I.

ipsa uteri cavitate, an verò inter ejus membranas, vel in aliqua vesicæ portione. Videbantur quidem uteri locum occupare, qui totus, quantus (ut Fig. prima demonstrat) è corpore propendebat, sine ulla vesicæ portione, (ut nobis videbatur.) Hisce visis & exploratis, calculorum exsectiōnem proposui: accersuntur magistri, Petrus Adriani filius, & Andreas Boekelmannus, de re Chirurgica benè meriti, qui eandem quoque Operationem commendabant, proximo die instituendam. Operationem in sequentem diem dilatum iri misera illa vetula audiens, lamentari cœpit, exclamans, O! me miseram, non reversuri estis, relinquetis me, &c. quibus querelis permoti, illicò operationem instituimus, solà incisione, secundùm uteri propendentis longitudinem, extraximusque momenti temporis spatio, Calculos quadraginta & duos, partim instrumentis, partim solis digitis, quorum magnitudinem & formam videtis, Fig. 2.

In hac operatione non admodūm doluit ægra, eaque perfecta, & hoc onere exonerata, atroces illicò evanuere dolores, quos tot annis passa fuerat, & satis commodè vivere cœpit. In ipsa sectione, præter guttulas sanguinis, aliquid liquoris promanabat è vulnere, unde suspicabamur, vesicam quoque esse in procinctu; nec falso, nam sequenti die hoc penitus investigantes, & siphonis ope liquorem per meatum urinarium injicientes, eum vulnere exire reperimus: quod, ut & lotium sequentibus diebus per vulnus stillans, nobis manifestavit, calculos dictos vesicæ portioni simul cum uteri mole prolapsæ, inhæsisse.

Hoc urinæ stillicidium haud exiguo nobis fuit obstaculo in vulneris curatione: quæ tamen (gratiæ Deo ter opt. max.) brevi peracta fuit, sequenti methodo.


Aliquot diebus post Balsamo Arcæi illitum vulnus: labia ejus arctissimè adducta sunt emplastro diapalma tantillum terbinthinæ, ut magis adhæreret, recipiente; quod emplastrum scissum fuit, ut in annexa Fig. 3. videre est, superimpositis spleniis & ligaturà convenienti.

Quum

Figur. 1. Explicatio.

- | | | |
|--|---|-------------------------------------|
| <p>A. A. Pubes.</p> <p>B. Uterus è corpore propendens cum vesicæ portione simul prolapsa, eun-</p> | <p>dem (solo orificio interno excepto) investiente.</p> | <p>C. Uteri orificium internum.</p> |
|--|---|-------------------------------------|

Fig. 1.








Fig. 2.






O B S E R V A T I O I.

Figur. 3.



Quum autem hic faciendi modus expectationi non satisfaiceret, propter Urinæ stillicidium continuum, & emplastri relaxationem, loco emplastri excogitavit Magister Boekelman-nus annulum è plumbo, cuius extremitates recurvatae attrahebantur filo, ut ex annexa Figura 4. liquet, unde labia vul-neris tam arctè claudebantur, ut nihil Urinæ amplius stillaret, & sic intra triduum conglutinaretur vulnus.

Figur. 4.



tus urinam reddendi fuere continui, & quidem tanti, ut per cohæsionem dictam impediri non potuerit.

II. Quod moles è corpore propendens, & nil præter ute-rum mentiens, ob calculorum magnitudinem & numerum, nullam inæqualitatem, nec aliam formam sit adepta; super-ficies enim admodum erat æqualis, & figura uteri naturalis: vide Fig. I.

In hoc affectu nonnulla consideranda, imò miranda occurunt.

I. Uterum è corpore propendentem secum rapuisse tantam vesicæ portionem; quod rarissimè (si unquam) ante-hac visum est, quantumvis partes sint circa oscula continuæ.

Crediderim hoc in il-la vetula accidisse, prop-ter difficultatem min-gendi, à calculorum co-pia ortam, unde cona-

III. Ad-

O B S E R V A T I O I L

III. Admirationi est, calculos omnes eandem ferè obtinere formam, & adeò æquales esse superficie, ac si essent planati. ut Fig. 2. repræsentat.

IV. Vulnus ad consolidationem pervenisse, quamvis parti vesicæ membranose inflictum, per quod urina assiduò stillabat.

V. Considerandum est, non omnes calculos in illa vesicæ portione, quæ uterum investiens simul è corpore propendebat, hæsisse; non enim satis ampla, ratione magnitudinis & numeri calculorum, sed nonnullos in ipsa operatione ab altiori & profundiori vesicæ parte descendisse, dubitandum non est.

VI. Inauditam lithotomiam, in muliere adeò annosa cum tanto successu, esse institutam, in mulieribus calculi dilatazione urethræ quidem extrahuntur, ast perquam rarum est, sectione vesicæ idem perfici.

O B S E R V A T I O II.

Aneurisma Brachii periculosum feliciter curatum.

QUOD in dilatata vena Varix dicitur, in arteria præter naturam expansa Aneurisma est. Qui affectus tam difficulter curationem admittit, ut in vasis majoribus jure merito ab omnibus lethalis pronuntiandus sit.

D. Panhuyzen, Cerevisarius Dordracensis, (nomen præter morem appono ob casus raritatem) pleni habitus & in flore ætatis, mense Maio 1681, post basilæ dextræ venæfessionem, in Aneurisma ejusdem brachii incidit, paululum sub junctura cubiti, pisi majoris magnitudine. Huic affectui compressione, ut artis est, opitulari tentavit Chirurgus, ast incassum, tumore indies accrescente. Aliquot post diebus Amstelodamum sese contulit, consuluitque primò in arte Medica expertissimum D. Doctorem le Blon, me, & magistrum Petrum Adriani filium, in curandis affectibus benè versatum. Unanimiter cutis incisionem & arteriæ constrictionem commendavimus. Operationem sanè ab Authoribus magis commendatam, & laudatam, quam institutam; quod dicere non gravor, quia viginti abhinc annis, & quod excurrit, in hac vasta

O B S E R V A T I O II.

5

vasta civitate, ad quam sine numero confluunt afflitti, hanc operationem, in arteria adeo ingenti, nullus (quantum novi verim) Chirurgorum instituit. Ægrotus, alias satis generosus, incisionem distulit, præferens levem tumoris compressionem, donec post diem unum atque alterum, suâ sponte erumperet dilatata arteria, utpote nuda, & nulla cute tecta. Aneurismate suâ sponte aperto, magno impetu profiliit sanguis, donec dictus Chirurgus Bovistâ & ligaturâ ulteriore fænum motum inhiberet. Hisce visis, patiens se non sine virium imò & vitæ dispendio hoc malum diu perferre posse, rectè judicavit, consensitque propositæ à nobis operationi, sequenti die instituendæ; sicut etiam paracta est, præsente quoque A. Cypriano M. D. & Lithotomo Ordinario, satis experto, qui opitulabatur Chirурgo supracitato. Primò allatus fuit annulus ferreus, (alutâ crassiori & molliori munitus, ne cutem offenderet) brachii parti superiori aut supra Aneurisma, applicandus, ad fænum motum rapidiore ex parte inhibendum, quod instrumentum expectationi nostræ omnibus modis non satisfecit. Itaque confugimus ad alterum, quo arteria satis benè comprimebatur. Hoc applicito, corde Aneurisma denudavit magister Petrus ab omnibus fasciis & spleniis, imò & à Bovista, hac intentione, ut si fænum impetus tantus fuisset, ut non esset sistendo, & obrui vere remur à sanguine ante interceptionem arteriæ, illicò aperiret ipsum Aneurisma, & pauxillo præcipitati rubri vel similis es carotici, ut & Bovistâ repleret Aneurismatis cavitatem. Quid fit? Aneurisma ab omnibus vinculis & spleniis solutum, nil ferè fænum emisit, quoniam sanguis factus erat trombosus, non solum in Aneurismate, verùm etiam per totum ferè brachium, gangrænâ jam correptum: quo viso, & instrumento aut annulo ferreo quoque adempto, multum cruxris per vulnus Aneurismatis expressit, & porrò Brachium secundùm longitudinem sat profundè incidit, ut fænum coagulatum, levi facta compressione, auferret, & gangrænæ eò commodius opem ferret. Hac facta incisione, sanguis arteriosus duobus è locis magna vi erupit. Læsarum arteriarum extremitates intercipiebantur acu filo munitâ, (ast quād difficile sit, arterias à nervis, & aliis adjacentibus partibus in illa operatione denudare, nosse nemo potest, nisi qui ejus-

B

modi

modi operationi subinde interfuerit) ligabanturque exiguo frusto corii crassioris munitæ, ad arteriæ dissectionem vitandam. Hisce peractis, Bovistâ & pulvere adstringenti repletum fuit vulnus, & impositis spleniis, laxaque ligaturâ, ob ulterioris gangrænæ metum, duabus manibus partes deligatas comprimendo per decem horas sic continuit famulus, ut novus sanguinis fluxus præcaveretur. Èdem vesperâ ablata sunt ligatura, splenia, & aliquot bovistæ partes, ut gangrænæ statum videre liceret, quem pejorem non invenimus. Renovatam hanc deligationem famulus denuò continuit, donec sequenti die omnia renovarentur, excepto exiguo bovistæ frusto, quod in ea vulneris parte relictum fuit, ubi hæmorrhagiæ metus supererat. Tertio die, omnibus remotis, novam Bovistam eodem in loco applicuit Chirurgus, ligaturamque paulò strictius circumduxit, ita ut famuli manus diutius non fuerint necessariæ: interea gangrænæ prospeximus linteo carpto theriacâ cum spiritu vini dilutâ madido. Quarto die bovistam omisimus, & forcipis extremo infimum filum, quô extrema pars arteriæ erat ligata, solvimus, frustum corii supra dictum satis firmiter arteriæ adhærens in vesperam relinquentes. Quinto die solvimus alterum filum, superiorem arteriæ partem constringens, relicto quoque corii frusto, quod arteriæ dilacerationem impediverat. Sexto die omnia in vulneris deligatione adimebamus, substituendo solummodo plumaceolos, digestivo imbutos, splenia, & ligaturam convenientem. Septimo die levis Hæmorrhagia suborta fuit, quam brevi, stegnotico, puta Bovistâ & pulvere astringente, sedavimus. Sequenti die hisce ademptis in fundo vulneris sese obtulere arteriarum extremitates, antea ligatæ, nunc vero coalitæ, fusci coloris, quasi gangrænâ correptæ. Hisce applicuimus linteum carptum, superimposito crassioris corii frusto, ut magis comprimeretur. Sequenti die horum loco usi fuimus Bovistæ quadratæ portione magnitudine alterius partis pollicis, ab una parte saliva madida & pulvere astrin-genti imbuta: Hoc frustum munivimus emplastro agglutinante. Hisce remediis oblitterari, novâque carne videbantur occultari arteriarum dictæ extremitates. Verùmenimverò aliquot post diebus ambæ rursus in conspectum sese dedere, in duo Aneurismata nova degeneratae, propter carnis dictæ

laxitatem, pulsus magnitudinem, & sanguinis abundantiam. Horum Aneurismatum alterum (pisi majoris magnitudine) suâ sponte apertum, sanguinem copiosum non profudit, propter citam à magistro factam compressionem; paucisque diebus, sectâ venâ, tenuiori diætâ præscriptâ, & debitâ compressione factâ sanatum fuit. Alterum verò Aneurisma, quantumvis comprimeretur, per plures dies curationi remoram fecit. Tandem verò quoque disparuit, convaluitque æger, incolumis in hunc usque diem vivens.

O B S E R V A T I O III.

Patellæ fractura à causa notatu digna.

PAtellam propter duritiem suam haud frangi posse, nonnulli perversè asserunt. Nos verò, eandem non solum à casu graviori in genu frangi, experti sumus; verùm etiam sine casu; cuius rei historiam recensere animus est. Ante tres præter propter annos, visitavi cum magistro Petro, Adriani filio, virum satis robustum, qui à ponte descendens in terram ferè ceciderat, uno pede lubrico, resistens tamen quantum potuit, in terram non fuerat prolapsus, sed ab illa resistentia vehementissima transversim fracta ejus patella, & adeò quidem evidenter, ut inter utramque partem locari potuerit manus, una enim supra, altera infra genu sentiebatur. Fracturam, ut artis est, deligavit dictus magister peritissimus. Quid fit? Patiens, retiūs dixerim impatiens, contulit sese secundo die Jispam, unde incurabilis post aliquot septimanas rediit, claudicans in hunc usque diem. Mirabar olim patellæ mollitiem in cadavere, & duritiem ejus in sceleto; & quantum hæ ab invicem differant, sat accuratè cum doctissimo Viro Matthæo Slado, Medicinæ Doctore celeberrimo, investigavimus, reperimusque eas durtie toto cœlo inter se differre. Ansa ergò erroris, quo nonnulli patellam frangi posse negarunt, exinde orta videtur, quod patellas Sceletorum solùm inspexerint. Quippe per exsiccationem ita indurantur, ut difficile sit eas frangere, recentes non item; quicunque enim utrasque ritè examinarit, reperiet recentes extrinsecè tantum duriori laminâ obductas, in-

trinsecè verò substantiâ osseo-spongiosâ præditas, instar diploës
in Cranio.

O B S E R V A T I O IV.

Fractura Ossium duorum Carpi post tres annos nondum coalita.

Fracturam magnorum Ossium, puta Brachii, Femoris &c. aliquando talem esse, quæ nunquam ferruminetur, quantumvis ex arte tractetur, noto notius est. Ast mirandum, Ossa Carpi, quæ admodum sunt exilia, fracta ex casu ab alto, non iterum coaluisse. Anno 1681 Nebulonem quendam (cognomine *Slagertie*) ob furtum ad suspensionem condemnatum, in carcere visitavi, & an ullo morbi genere antehac fuisset vexatus, interrogavi. Vixi, inquit, sat pancraticè, & nullus ferè morbus me unquam infestavit, præter febrem, quam ante aliquot annos perpeccus fui: Præterea dextram, aiebat, in mensa planam reddere haud unquam potui, postquam semel cecidi ab alto. In hujus suspensi cadavere reperi, membranam, lienem ambientem, (quæ in naturali constitutione tenerima) in sui medio, duobus in locis, ita incrassatam, ut maximi scriptorii calami crassitatem adæquaret; Hanc crassitatem à prægressa inflammatione ortam fuisse, dubitandum non est: quia sæpiissimè ab ea ita incrassari membranas observamus. An verò inflamatio isthac à febre supradicta, aut febris ab inflammatione provenerit, me latet. Posthac manum ejus cultro Anamico subjeci, & ex anterioribus Carpi ossibus duo fracta inveni, quorum fragmenta, juncturam manus violantia, obstaculo fuerant, ut manum in mensa planam reddere non potuerit: & quod magis mirum est, ossa dicta à triennio fracta, nondum erant ferruminata aut conjuncta, nec callo obsessa, quemadmodum adhuc videre est in nostro Musæo.




Fig. 6.




Fig. 7.




Fig. 5.

Os Capitis denudatum, ab aëre licet nigrescens, tamen absque visibili lamellarum separatione restitutum.

Ossa capitis denudata & ab aëre denigrata non semper sensibiliter separantur, aut lamellam otteam expellunt, ut autem tantum Authores. Vir quidam ab equo in capite percussus, in terram tanquam mortuus cecidit, cum tanta alterius ossis synapsibus denudatione, ut Imperialis tegendo vix sufficeret. Hæc ossis denudatio in totum nigricabat, circulo excepto, qui cuti proximus straminis latitudinem obsidebat. (vid. Fig. 5.) Hoc circulo albo de die in diem diminuto, patiens convaluit, sine ulla visibili ossis separatione, aut raspatorii usu, solo linteo carpto, partim sicco, ut os denudatum tegeretur, partim ad prospicienda vulneris labia digestivo & melle rosaceo illito.

O B S E R V A T I O VI.

Uteri Polypus carnosus.

SIcut Nares sunt corporis partes, per quas humores superflui continuè excernuntur; sic etiam Uterum humanum ei muneri inservire palam est. In Naribus tumores præter naturam, Polypi dicti, non raro ex crescunt. Nec etiam Uterus humanus ab iis est immunis. Non omnes polypi, è naribus erumpentes, ejusdem generis sunt; nonnulli carneam substantiam repræsentant; multi è contra membranæ involuti substantiam pituitosam & limosam naæti sunt. Modò nobis Polypus malignus & cancrosum occurrit: modò eum omnis malignitatis expertem offendimus. Anno 1673 me vocarunt ad mulierem, à longo tempore, ex fluore albo immani, Uteri prolapsu laborantem, è cuius orificio interiori variæ ex crescentiæ (quas ob similitudinem cum polypis narium, eodem nomine aptè vocari posse putamus) membranaceo-carnosæ propendebant, sicut Figura 6. demonstrat. Hi polypi adeò dolebant, uterisque tantum humo-

B 3

ris.

Figur. 6. Explicatio.

A. Uterus humanus.

B. Oviductus abscissi.

C. Polypi carnosæ ex uteri ore erumpentes.

D. D. Ligamenta teretia abscissa.

E. Vasa uterina.

F. Pars Vaginæ apertæ.

G. Ligamenta lata abscissa,

O B S E R V A T I O VII.

ris aquosi & acris quotidiè profundebat, ut ordinaria remedia proficere nil potuerint, & vehementiora usurpare non ausi fuerimus, propter malignitatis indicia; & rectè, ut eventus docuit: Ulcus enim malignum mortem acceleravit, brevique post exspiravit ægra. Ejusmodi ferè tumores polyposos quos videtis Tab. 7. Gellius, Chirurgus Wormer-Veriae expertissimus, mihi quoque misit, quos mulier quædam ibi habitans diversis vicibus excrevit.

Figur. 7.

Polypos carnosos utero excretos repræsentat.


O B S E R V A T I O VII.

Uterus Scirrhosus & deformis, qui in magnam molem auctus, extra pudendum propendebat.


Mulieri triginta circiter annos natæ Uteri admodum incras-
fati propendentia tantam afferebat molestiam, ut incedere
vix potuerit. Consultum fuit uteri extirpationem, post injectam
ligaturam, moliri. Acu ergò tricipiti filo duplicato munitâ,
operationem aggressus quidam magister ligavit satis fortiter
uterum è corpore propendentem, ast utinam nil præter eam
partem acu & filo comprehendisset! Patiens per diem unum
atque alterum nihil reddidit lotii, quod nobis ansam dedit sus-
picandi meatum urinarium simul acu & filo esse constrictum,
prout eventus quoque docuit. Ægrotæ miserandæ, brevi post
denatæ, cadaver aperui, & conjecturam nostram non inanem
fuisse advertimus; scilicet meatum urinarium simul cum uteri
corpore tam arctè ligatum, ut nil lotii reddere valuerit. Hic
mihi, quid de uteri propendentia statuendum sit, perscrutandi
locus fuit. Notum est, multos reperiri qui perhibent, uterum
ipsum nunquam è corpore posse prolabi. Ex iis qui contrarium
propugnant, nonnulli, in prolapsu uterum quoque inverti, alii
uteri prolapsum nil nisi vaginæ propendentiam esse, afferunt.
Litem dissipavit cadaver hujus miserandæ foeminæ, aperto
enim abdomine, in pelvi, qui locus est uteri, nil vidimus,
præter unum ex Ovariis, cum annexa tuba & ligamento lato.
Uterus totus quantus & non inversus propendebat, & adeo
deformis ac ingens factus, ut nunquam ante cadaveris apertio-
nem

1800

Fig. 8.



Guttæ Sanguineæ.



Pag. 11.
Fig. 9.




Fig. 10.





Fig. 9.







Fig. II. Obs. IX.



A. Corpus Uteri.

B. Os Uteri internum.

C. Pubes.

O B S E R V A T I O VIII. IX.

xx

nem uterum esse dixisse, nisi in extimæ partis centro osculum conspexisse, è quo levi opera guttulas aliquot sanguinis exprimebam, ceu apparet Figura 8. Quid ulterius circa vaginæ & uteri propendentiam ac inversionem &c. observarim, è porro memorandis casibus palam fiet.

O B S E R V A T I O VIII.

Vesica Ovilla quasi in duas partes divisa.

Geminam vesicam urinariam in corpore humano nunquam reperi: duplicitam verò aut in duas partes divisam in quadrupedibus aliquoties offendit, quarum nonnullas domi refervo. Si causam respiciamus istius duplicitatis, facile erit colligere, illud magis locum habere in corpore quadrupedum quam hominum. Notum enim est, solos quadrupedes uracho pervio gaudere, qui urachus, si in aut ante partum nimis extendatur, fundus vesicæ, è quo ortum dicit Urachus, non tantum apertus remanet, verùm etiam Urachus in tantam extenditur molem, propter affluentem urinam, ut alteram mentiatur vesicam; & sic vesica quasi duplex aut gemina appareat, ut vid. Figur. 9. in qua repræsentatur Vesica Ovilla, à dicta causa quasi in duas partes divisa, interveniente membrana tenui & rotunda, ut Figur. 10. conspiciendum exhibet, in cuius infima parte foraminulum spectatur, per quod urinæ in utramque cavitatem patebat aditus.

O B S E R V A T I O IX.

Verus Uterus è corpore subinde prolabens.

Mulier quædam aliquot abhinc annis per fossam (vulgò di-
ctam *de nieuwe zijds Achterburgwal*) incedens, in
Uteri totius prolapsum incidit, cuius magnitudinem & figu-
ram apposui, ne quis posthac anceps hæreret, aut negaret,
uterum posse prolabi. Misera ulterius progredi cum non pos-
set, ante fores patris Clarissimi Viri Domini Francii, Profes-
soris celeberrimi, remansit, donec advesperasceret. Rogante

An-

OBSERVATIO X.

Ancillâ, ecquid ipsi damni obvenerit, & quare tam diu ante ædes remoraretur, non dubitat affectum suum ancillæ revealare, & hæc, heræ suæ, dicti Professoris matri; quæ misericordiâ commota, eandem in domum suam recepit, Obstetricemque advocari jussit, ut uterus prolapsum reponeret; ast incassum, haud enim propter magnitudinem potuit. Posthac ego vocatus, eundem ad naturalem situm reduxi, atque ægra, partibus ritè munitis, illicò domum rediit, sine notabili incommodo. Verùmenimverò uterus haud semper posse restitui, si extra partum diu è corpore prociderit; nec semper opportunum esse, illud moliri, nōrunt periti; qui antequam hoc suscipiant, semper uteri prolapsi constitutionem diversam investigabunt; si enim à longo tempore prolapsus, tantus fit factus, ut facili negotio in pristinum locum redigi haud possit, aut patiens uterus à longo tempore extra corpus gresserit, vel uterus prolapsus induruerit, cum inæquali superficie, aut ulcere obfusus fuerit, periculum haud faciendum; reposito enim utero, pessimè sese habere solent ægræ.

OBSERVATIO X.

Uteri inversio à partu

Inter affectus deplorandos, quibus mulieres sunt obnoxiae, haud infimum locum obtinet Uteri totalis inversio, quod nunquam nisi in aut mox post partum accidere potest. Hic affectus si illicò non profligetur, mors statim subsequitur. Memini me bis una in septimana hoc vidisse, nec (nisi absque ullâ morâ opem ferret Obstetrix) ullam, præter uxorem cujusdam Hebræi, evasisse. Tantus enim ut plurimum sanguinis est affluxus ad uterus propendentem, ut statim inflammetur, induretur, & propter impeditam sanguinis circulationem gangrenam concipiat. In hoc affectu, uterus totus quantus est, à partu invertitur. Quod non fit in uteri propendentia extra partum; tunc enim non invertitur, sed procidit tantum, ita ut os uteri internum, in extimo hujus propendentis uteri, reperiatur. Hic verò os uteri non sentitur, nec oculos incurrit, ut videtis Fig. 12. Oritur hoc malum nonnunquam ab Obstetricibus minus expertis, funiculum umbilicale plus quam par





Fig. 12.



O B S E R V A T I O XI.

13

par est, attrahentibus, unde uterus non potest non subsequi. Aliquando etiam ortum dicit à conatibus, post partum remanentibus. Tempore, quo opem ferebam parturientibus, semel mihi contigit, cum foetum mortuum, placentamque extraxissem, uterus mox subsequentem conspicere, quo illicò restituto, cruribusque, ut artis est, positis, brevi fuit curata ægra. Multoties Obstetrices non solum, verùm etiam Chirurgos, imò & Medicos hac in re esse hallucinatos, non est, Lector benevole, cur dubites. Nuper adhuc me accersere jussit Chirurgus quidam, qui in eodem casu conjicere haud potuerat, qualis esset tumor è corpore propendens. Aliquoties me quoque vocarunt Obstetrices, mirabundæ, quòd viderent ejusmodi tumores à partu sese exferentes. Nonnullæ mihi venienti dixere, hîc videbis molam magnam, utero firmiter adhærentem: aliæ, hîc habemus partum foetus monstrosi, &c. Hunc ergò affectum delineavi, ut unicuique Chirурgo, qui delineationem viderit, magis in memoria hæreret, & ne quis amplius in re tanti momenti, & subitam restitutionem exposcente affectu, deciperetur. Vide Fig. 12.

Figur. 12. Explicatio.

<i>A Portio uteri illicò à partu inversi propendens.</i>	<i>B Pubes.</i>	<i>C Uteri vasorum oscula hiantia.</i>
--	-----------------	--

O B S E R V A T I O XI.

Fœtus à Funiculi Umbilicalis mirâ contorsione necatus.

Sicut homini in lucem edito, innumerabiles mortis causæ imminent, ita quoque non paucæ sunt constitutiones morbosæ foetum in ipso jam utero enecantes. Inter eas maximi est momenti funiculus umbilicalis contortus. Nuper foetus mortuus in lucem editus est, membranis chorio & amnio, integris existentibus, cuius funiculum umbilicale mirè contortum inventi; sicut quotidiè in fune fieri videmus, quum post tensionem ejus, & unius extremi frequentiorem circumgyrationem, ad invicem duo extrema ducuntur. Vide Fig. 13. Verosimile quoque est, malum istud à frequentiori circumgyratione foetus ortum duxisse in Utero, ejusque mortis fuisse causam: utpotè

C

humo-

humorum circulatione per funiculum in totum impeditâ.

Figur. 13. Explicatio.

A. A. *Funiculum peculiariter contortum monstrat;* | B. B. *Placentam Uterinam.*

O B S E R V T I O XII.

Ulcus Uteri malignum.

In ter omnes corporis affectus, qui sexum infirmum vexare solent, haud postremum locum obtinent Uteri Ulcera maligna. Anno 1671. Mulierem quandam visitavi, quæ ab aliquot septimanis, ulteri ulcus contraxerat, cum tanto eoque continuo sanguinis profluvio, ut omnibus admirationi fuerit. Mortem sibi saepius optabat, propter ineffabiles dolores earum partium, donec tandem remediis, ob loci incommoditatem & humiditatem nihil proficientibus, mors miseris finem imponebat. Aperto cadavere, ut potè planè putrefacto. Intestina, ab inflammatione & excoriatione prægressis extrinsecè coalita, cæteraque satis sana offendit. Ejusmodi Ulcera uteri, quæ vere lethalia sunt habenda, posthac aliquoties videre mihi contigit, cum tanto non solum dolore, verum etiam conatibus egerendi adeò vehementibus, ut ægræ non essent ferendo, imò mori quam diutius vivere maluerint.

O B S E R V A T I O XIII.

Diabetes è renibus male affectis.

Vir quidam in ætatis flore, diu atrocibus nephriticis doloribus vexatus, renisque abscessum passus, in diabeten incidit.

Figur. 14. Explicatio.

A. <i>Renis dextri membranæ incrassatæ, & contractæ, substantia renis gladiolosâ in totum consumptâ.</i>	B. <i>Pelvis justo major.</i>
C. <i>Ureter tortuosus, & diversis in locis summopere à calculorum transitu, expansus.</i>	

Fig. 13.



Fig. 14.

A


B

C

C

A

B






Fig. 16.





Fig. 15.



O B S E R V A T I O X I V . X V .

15

dit. Singulis septimanis dolium dimidium cerevisiae ingurgitare difficile illi non fuit. Post mortem cadaver aperiendi copiam mihi fecere consanguinei. Viscera satis bene constituta, exceptis renibus & ureteribus, conspexi; uterque enim ren ex parte consumptus erat, præsertim dexter; cuius substantia planè consumtā, ejus membranas summoperè incrassatas & contractas, pelvisque capacitatem adæquantes vidi; sicuti Figura 14. repræsentat. Præterea Ureteres admodum tortuosos, variisque in locis expansos offendit.

O B S E R V A T I O X I V .

Superfætationis exemplum.

UXOR cujusdam Chirurgi Amstelodamensis Anno 1686. infantem robustum & viventem peperit. Sex horis post hunc partum, in lucem quoque edidit embryonem, cuius figuram & magnitudinem videtis infra Fig. 15. In hoc embryone notatu digna fuere, primò, quod funiculus umbilicalis tot hydatidibus esset refertus, ut totus videretur concatenatio vesicularum aqueo humore refertarum; unde hoc? secundò, placentulam tantæ magnitudinis & crassitie inveni, ut in foetu trium mensium raro crassior & majorem repererim.

Figur. 15. Explicatio.

- | | |
|--|---|
| A. <i>Embryo, cuius caput respectu corporis ingentissimum.</i> | <i>instar appositarum particularum rotundarum sese produnt, uti adhuc videre est in Museo nostro.</i> |
| B. <i>Funiculus umbilicalis in hydatides degener.</i> | <i>D. Placenta Uterina solito crassior & major.</i> |
| C. <i>Artus, in quibus nulla forma manus aut pedis, ast verò</i> | |

O B S E R V A T I O X V .

Ex Calculis in uretere hærentibus, Ischuria lethalis.

QUAM deplorabile malum sit Vesicæ calculus, nemini ignotum; multo tamen adhuc crudelior affectus, Calculus Renum, si tantæ sit magnitudinis, ut ureterem transire nequeat;

C 2

quia

O B S E R V A T I O XVI.

quia in hoc casu nil valet Ars Medica , nil quoque Chirurgia prodest. Exemplo sit Chirurgus quidam Amstelodamensis Anno 1682. qui à longo tempore nephriticus, multos calculos excreverat : demum in Ischuriam spuriam incidens, (à qua semicupii beneficio semel liberatus à nobis fuerat paucis ante diebus) & vehementissimis ventris, crurumque doloribus, & vomitu materiæ nigricantis , correptus , vitam tandem cum morte commutavit.

In cadavere aperto , reperi præter duos calculos in rene dextro , unum in uretere sinistro , magnitudine & formâ olivæ exiguæ , cujus superficies innumerabilibus calculis & arenulis obfessa erat , qui omnem transitum Urinæ denegarunt. Vide Figur. 16.

Pars hujus Ureteris supra calculum , propter calculorum transitum admodum erat dilatata , infra eundem verò naturalis capacitatatis , ast rubicundior justo ab inflammatione excitatâ. Renem ejusdem lateris monstroſæ magnitudinis , ut & ureteris maximam partem , aqueo humore obfessum inveni ; cujus liquoris motum sœpissimè percepit æger , cùm fese moveret , ut nobis indicabat.

Figur. 16. Explicatio.

- | | |
|--|---|
| A. A. Venæ & arteriæ renales. | D. Venæ renalis ramus per ureterem dispersus. |
| B. Ren dexter in majorem mollem extensus ob urinam in eo occlusam. | E. Calculus ingens in uretere subsistens. |
| C. Ureter à transitu calculorum & urinæ suppressione valde extensus. | F. Varii calculi exigui. |
| | G. Portio ureteris naturaliter constituta. |

O B S E R V A T I O XVI.

Eruptio Ovarii post abscessum ventris nimis profunde perforatum.

QUAM necessarium sit, non solum Anatomico , verū etiam Chirурgo , manum habere suspensam , nemo ignorat. Anatomici cautè partes dissecant ; Chirurgis haud minori opus est circumspectione in instituendis apertionebus. Novi Chirurgum, dum viveret, admodum temerarium : is abscessum in hypoga-




Fig. 17. *Pag. 17.*




Fig. 18.



O B S E R V A T I O X V I I . X V I I I .

pogastrii parte inferiori & laterali phlebotomo magno aperturus, tam profundè instrumentum adegit, ut in abdominis usque cavitatem penetraret. Qua facta apertura, momento simul cum pure, unum ex Ovariis extra corpus erumpebat, quo à me viso, digitisque benè explorato, sine notabili ægræ noxa, idem in naturalem locum intrusi; ita ut nullum inde ei damnum fuerit relictum.

O B S E R V A T I O X V I I .

Hydrops Ovarii muliebris.

Hydrops Ovarii, aut (si ita loqui liceat) Ovorum, affectus est aliis satis visus, modò satis consideratus. Hydatis audit apud Authores in quo nomine libenter acquiesco, modò de mali subjecto inter nos conveniat. Hoc ut plurimum (si non semper) ipsa ova esse animadverto, ita mutata, & instantam aliquandò molem aucta, ut infantis caput non raro superasse viderim. In apposita Figura 17. videtis hunc affectum ovarium ipsum superare. Quid mirum illam mutationem aut colliquationem fieri in Ovis humanis, quæ in statu naturali, humore seminali sunt referta? quoniam ipsum Cerebrum & glandulas in aquam resolvi aliquoties conspexi, & observationes aliorum quoque testantur. Huc referri meretur Ovum gallinæ prodigiosum, in hunc modum extensum; quale domi reservo, & curiosæ liberalitati eximii Domini Doctoris Almeloveen debeo, qui mihi ad dissectionem animalculum hoc suggeſſit.

Figur. 17. Explicatio.

- | | |
|---|--------------------------------|
| A. Ovarium humanum. | valdè extensum. |
| B. Ovum in præternaturalem humorem degeneratum, | C. Ovum ex ovario protuberans. |

O B S E R V A T I O X V I I I .

Tumor Pilosus in Omento repertus.


Anno 1683. aperuimus cadaver cujusdam mulieris, jam à quindecim annis hydropicæ, unde per abdomen ejus, C 3 trium



trium ulnarum spatio distentum, vasa sanguinea crassitie & capacitate calatum scriptorium maximum superantia, dispersa invenimus. Miserè autem per omnes illos annos fuerat afflita hæc ægra nostra. Tandem post multos, & quidem intolerabiles dolores, incidit in gangrænam supra Umbilicum, qua separata, magno cum impetu, humor in abdomen contentus erupit, sine notabili fœtore. Magister Abel van der Horst, de Arte Chirurgica benè meritus, spleniorum, & emplastrorum glutinantium usu ulteriorem inhibuit fluxum: utque partitis vicibus daretur exitus huic liquori, singulis quadrihoris quantitatem sufficientem eduxit. Hic humor paucis post eruptionem horis, tantum concepit fœtorem, ut nemo perfere potuerit. Quarto quintove post apertioñem die, obiit misera patiens. Cadaveris aperiendi copiam nobis suppeditabant consanguinei. In Omento digitum crasso & carnosum fixèque peritonæo adhærescente invenimus tumorem pugni magnitudine, quo secundùm longitudinem aperto, primò paululum materiæ pultaceæ, albæ, nullo fœtore præditæ, erumpebat. Hac emissa nil præter glomum durum, è capillis intricatis & crispis constantem, invenimus. Vide Figur. 18. Hi capilli diversæ erant longitudinis, nonnulli magnitudinem digitæ, alii spithamam superabant. Hosce capillos microscopio subjectos planè convenire cum aliis capitis capillis reperi, excepto quodd nullis gauderent radicibus. In cæteris visceribus, nil notatu dignum observabam.

O B S E R V A T I O X I X.

Orthopnæa, ab obstructione & expansione vesicularum pulmonis orta.

IN Hydrope Ascite & Orthopnæa Virgo quædam, quadraginta præter propter annos nata, per aliquot jam menses suffocari videbatur. Non solùm labia, verùm etiam tota facies, foedum contraxerat livorem. Tandem, lipothymiis variis subortis, vitam cum morte commutavit. In cadavere culter Anatomicus sequentia detexit. Musculi abdominis (sibi invicem ex naturæ lege incumbentes arctissimèque cohærentes) hic adeò laxè cohærebant, ut solis digitis, levique operâ





operà eosdem separaverim, quod in cadaveribus ex Hydrope defunctis pluries observavi. Latex aquosus in abdomine contentus, cùm igni imponeretur, concrescet, lymphæ ad exemplum. Omnis pinguedo per totum corpus consumta, Peritonæum incrassatum, Omentum scirrhosum & induratum. Intestina, ab inediâ longâ, coarctata & contracta. Venæ Spermaticæ ita dilatatae, ut calatum scriptorium facile admitterent, quod nunquam antehac in Virginibus, sed aliquoties in Gravidis observavi. Membranæ Hepar & Renes ambientes, duræ admodum & incrassatae, Vesica fellea ferè vacua, Pulmo pleuræ adnatus. Cor solito grandius. Aqua pericardio inclusa copiosior, igni imposita incrassabatur. Ren dexter inversus, ut Fig. 19. demonstrat. In aliqua autem pulmonis parte inveni vesicularum pellucidarum accervum, ab aëre expansarum, & ita obstructarum, ut levi compressione eas ab aëre evacuare haud potuerim. Impulsum per asperam arteriam flattum, nullum commercium cum hisce expansis vesiculis amplius habere, propter earum obstructionem, expertus sum. Aëre per asperam arteriam vehementer adacto, disrumpabantur nonnullæ ex iis vesiculis. Ceteræ, aciculæ cuspidate perforatae, aërem emisere, & subsidere. Vide Fig. 20.

Figur. 19. Explicatio.

- A. Venæ cavæ truncus sub diaphragmate abscissus.
- B. Venæ renales, quarum sinister & superior ramus abscissus.
- C. Venæ renalis ramus per ureterem diffusus.
- D. Ramificatio venæ renalis antequam renem intrat.
- E. Pelvis renis.
- F. Ren dexter inversus & deorsum inclinans.
- G. Vena spermatica justo capacior.
- H. Ureter.
- I. Venula per glandulam renalem disseminata.

Figur. 20. & 21.

Vesiculas pulmonales obstructas, & ab aëris occlusione expansas, exhibent.

Idem Malum ab Obstructione Vesicularum pulmonalium ortum.

ANNO 1685. præsentibus Domino Sylvio Medicinæ Doctore expertissimo, & Magistro Heyunga, in Arte Chirurgica benè versato, Cadaver cuiusdam mercatoris dissecui, qui à longo tempore dyspnœam passus erat, cum tussi & febricula continua. Hic affectus tantopere ingravatus est, postquam in aquam incidisset, ut temporis progressu respirare vix amplius potuerit, imò paulo post è vita discesserit. In cadaveris apertione observavimus quoque totum malum hæsiſſe in obstructa pulmonis parte, in qua omnes vesiculæ oppilatae & extensæ apparebant, ut videre est Figur. 21.

OBSERVATIO XXI.

Idem affectus in puerο observatus.

ANNO 1686. dissecui cadaverculum pueri octo circiter annos nati, (præsente Domino van der Burgh, Mercatore Amstelodamensi) qui ex eodem affectu denatus fuerat, in cuius pulmone idem nobis occurrit; ita ut crediderim malum hoc frequentius miseros affligere, quam hactenus ab Authoribus observatum, propterea quod apertione cadaverum raro admittant consanguinei.

OBSERVATIO XXII.

Partus mirabilis, in quo insolita viarum clausura, arte tamen referata.

MUlierem posse concipere aut gravidam fieri Utero ipso è corpore ex parte propendente, non absolutè negandum est, quia illud semel (ut posthac referam) in matrona quadam observavi; rarum tamen est, & à paucis, (si ab ullo) antehac visum. Non minus rarum esse censeo, mulierem imprægnari salvâ manente membranâ hymene, idque ad tempus partus. Ast rarissimum, vaginam uteri, tempore partus,

mem-




Fig. 22.





Fig. 23.



membranâ præternaturali ponè Hymenem esse clausam, sicut jam recensemus.

In Fossa Principis, è regione fossæ, vulgo dictæ *de Angeliers-graft*, tabacum vendebat eo tempore *Jan Pietersz.* Nomen & locum præter morem (solent plerumque id ægrè ferre, ad quos pertinet) apposui, quia omnium admirationem excitat hæc historia. Hujus uxor in partu versans, foetus in lucem edere non potuit, quantumvis conatus, & labores partus essent adeò vehementes, ut clamoribus ejus transeuntes in dicta fossa detinerentur. Tandem me vocari jussérunt huic operi admotæ duæ Obstetrics, (nempe *Annetje Moer in de Blaauwe Pot op de Keysers-graft*, en *Stijntje Moer in de Huy-de-straat*) jamjam enim videbatur moritura misera illa patiens. Exploratâ difficultatis partus causâ, inveni membranam Hymenem esse integrum, valde crassam & à foetus capite, exitum quærrente, foras extensam. Hoc viso, incidendam esse dictam membranam, judicavi. Vocantur itaque Andreas Boekelman-nus, & Petrus Adriani filius, Chirurgi expertissimi, quorum ultimus primò accedens, mecum hanc suasit Operationem, quæ statim à nobis instituta est forfice & stilo excavato, ne foetus caput laderetur. Hac facta incisione (ut figur. 22.) frustra foetus exclusionem expectavimus, propter alteram præternaturalem membranam, crassam, vulvam profundiùs claudentem, foetusque exitum impedientem. Hac observatâ membranâ spem in angusto esse judicavimus: ne tamen simul cum foetu periret mater, hujus incisionem quoque moliti sumus. Quid fit? illicò operatione peracta, in lucem editur foetus vivus, ejulatibus vires satis robustas prodens, & in hunc usque diem salubriter vivens. Hisce omnibus non sine summo

D

leva-

Figur. 22. Explicatio.

- A. Vulvæ labia à se invicem diducta.
- B. Nymphæ.
- C. Vagina membranâ præternaturali clausa, c. c. incisio per dictam membranam facta.
- D. Membrana Hymen.
- E. Meatus urinarius.
- F. Clitoris.

levamine peractis, quæ jamjam videbatur cum fœtu moritura mater, eluctabatur Dei ter Opt. Max. favore. Sequentibus diebus sollicita facta ægra, ob urinæ incontinentiam, quam persensit, non ob incisiones supradictas, sed extensionem immanem & diutinam vulvæ, sphincterisque vesicæ, quod eventus quoque confirmavit: Nam post aliquot septimanas optimè convaluit, & adhuc pancratice vivit, simul cum fœtu admirandi partus.

In hoc partu 1. considerandum, hymenem membranam in coitu fuisse illæsam, (cujus rei variæ reperiuntur in oculatissimi Bartholini Anatomia, fol. mihi 286. historiæ) sive à nimia crassitie, vel alia causa hic reticenda, ne verecundiæ limites transeam. Secundò, profundiùs, & ponè dictam hymenem vaginam fuisse occlusam à membrana quadam præternaturali, quæ, dubio procul, ortum duxit post imprægnationem ab excoriatione quadam vulvæ, ab humore acriori oriunda; videmus enim aliquoties vulvam excoriatam (cujus latera extra coitum ad se invicem concidunt) non solum claudi, verum etiam membranosum quid producere. Tertiò, Urinæ incontinentiam ortum duxisse non ab operatione aut incisionibus, sed à nimia vulvæ extensione. Nonnulli imperiti existimant omnem Urinæ incontinentiam Obstetricibus (aut Magistris qui foetum mortuum extraxere), imputandam esse, ast inconsultò. Multoties enim provenit ab extensione nimia vaginali, unde sphincter vesicæ, qui vaginali arctè cohæret, ita extenditur, ut urinam per aliquot dies, imò septimanas, retinere non valeant puerperæ. Hanc sphincteris atoniam saepissimè curavi: raro verò curantur, si Urinam non retineant, à gangræna, quam parturientes saepius contrahunt post vulvæ extensionem diutinam & immanem, aut digitorum attritum immodicum.

O B S E R V A T I O X X I I .

Puellæ pudendum monstrosè conformatum.

ANNO 1670. Puellam sex dies natam visitavi, cuius pudendum cum umbilico unitum, aut potius cum eo, quod loco umbilici erat; nimirum chaos ex tuberculis excoriatis con-

constans; ut videtis Figur. 23. In hujus parte inferiore duo in conspectum sese dedere foramina, è quibus Urina guttatum continuè stillabat, præsertim cùm lachrymas funderet infans. Hunc autem infantem vesicā destitutum fuisse, dubitandum non est, præsertim quia meatus urinarius quoque deficiebat. An ex terrore? Mater enim paucis ante partum septimanis ex alto ceciderat.

Figur. 23. Explicatio.

- A. Chaos ex tuberculis excoriatis & carnosis constans.
- B. Duo foramina urinam continuè eructantia.
- C.C.C. Pudendum muliebre.
- D. Membrana Hymen figuræ semicircularis, quemadmodum ut plurimum (si non semper) in nuper natis reperitur. In æate provectionioribus è contra circulum efficit
- E. Nymphæ.
- F. Labia vulvæ.

O B S E R V A T I O XXIV.

Uteri lateralis portio in partu procidens.

INnumerabiles ferè sunt Uteri affectus, inter quos nonnulli tam raro obveniunt, ut nullus Authorum mentionem eorum fecerit. Inter hos meritò numerandum censeo prolapsum veræ lateralis portionis corporis uteri parturientium, qualem semel tantum vidi. Mulier quædam in platea Judæorum, lata vulgo dicta, in partu versans, à conatibus vehementioribus incidit in tumorem durum, minoris pugni magnitudine, idque solummodo in latere dextro vulvæ. Hoc viso tumore, Obstetrix me vocari jussit, nesciens quid esset. Primâ fronte placentæ uterinæ portio mihi videbatur, quæ non raro exitum ante foetum quærens, mihi hîc ferè imposuisset; ast verò re penitus investigatâ, veram uteri lateralem portionem esse deprehendi: quod eventus quoque edocuit: foetu enim in lucem edito, statim ad naturalem rediit locum, patiensque convalluit sine ulla ulteriori fomentatione, quâ usi sumus in partu, ne pars uteri prolapsa gangrænam conciperet.

OBSERVATIO XXV.

Os Uteri in partu prolabens.

Placentam Uterinam imò Collum (Vagina dictum) in partu ante fœtum sæpiissimè exire, notum est. Verùm enim verò mirari subit, os uteri internum in partu idem moliri, quod aliquoties observavi. Mirum dictu, quanta monstrositate sepe offerat eo tempore dictum uteri os, & quanta circumspectione opus sit in tali partu, norunt ii, qui hisce nobiscum adfuerunt casibus. In hoc statu fœtus adhuc viventis exitum naturæ committendum esse existimo, & os uteri utraque manu retenendum. Denato vero fœtu totum negotium in eo consistit, ut una manu, quantum possibile est, extrahatur, ne simul cum fœtu prolabatur & invertatur uterus, eo tempore ad inversionem pronus.

OBSERVATIO XXVI.

Uteri à partu inversio ab imperita manu redditia lethalis.

Quam malè sibi consulant homines, qui ægri corporis sui curam imperitis & circumforaneis temerè committunt, vari tragici eventus quotidie, idemque sequens Observatio palam facit. Uxor cuiusdam Lanionis peperit nuper fœtum robustum, & illicò simul etiam cum placenta Uterus inversus sequebatur, uti videtis in Observ. 10. præcedenti. Quid fit? ignarus vocatur Medicaster, (cujus nomen præstat reticere) cui, dubio procul, ejusmodi deplorabilis affectus nunquam obvenerat. Is loco repositionis uteri in proprium suum locum, cultelli cuspide leviter tumorem tetigit, perscrutandi causa, qualis esset, an humoribus refertus tumor præternaturalis, an verò placenta uterina &c. Hoc temerarium & inauditum perscrutinium vitæ finem breviter imposuit, statim enim tanta suborta hæmorrhagia, ut non fuerit ferendo, quantumvis vocatus stegnoticis opitulari conarer; verùm omnia incassum; paucis enim horis post elapsis, & lipothymiis subortis ultimum diem obiit.





Fig. 24.



OBSERVATIO XXXVII.

Hydrops è congerie Hydatidum sacco inclusā.

Quid sit Ascites membranis involutus, nemini ex illis qui Medicam Praxin exercent, est obscurum. Hic verò exemplum in medium profero multo rarius: scilicet vesicam bursulis aquo humore refertis infarctam, aut saccum membranaceum crassum, & magnitudine stomacho haud assimilem, (supra quem etiam locatus erat) hydatidibusque repletum; idque in Cadavere asthmaticæ, cui respiratio adeò erat difficilis, ut nonnunquam ex orthopnœa videretur moritura; concomitantibus febricula lenta, & cardialgia frequentiori. Harum Hydatidum multas in sacco dicto membranaceo fluctuantes, alias quoque firmiter eidem adhærentes reperi. Vide Figur. 24.

Figur. 24. Expositio.

AAAA. Saccus membranaceus cruciali incisione apertus.

BBBB. Hydatides diversæ magnitudinis dictum saccum repletos.

C.C. Vascula sanguinea per saccum disseminata.

cccc Dicti sacci crassities.

OBSERVATIO XXVIII.

Ex Placentulis post fœtus exclusionem in utero remansis,

Pseudomolæ.

Quot & quanta incommoda puerperis obveniant, ubi præeuntem fœtum maturum secundinæ non sequuntur, difficile dictu. Nonnullæ in uteri fluorem immodicum & irregularem, per intervalla repetentem, non sine cruciatibus, eâ de causâ incidunt. Aliis in magnam molem distenditur abdomen, cum respirandi difficultate, pedum œdemate, ventriculi anorexiâ, præcordiorum auxietatibus, animi deliquiis, & faciei pallore. Non rarò quoque mors illarum mi-

seriis imponit finem. Ita ut malum illud magni quidem momenti & periculofum sit, non verò lethale per se, sicut voluere nonnullæ minùs peritæ Obstetrices. Non raro per decimastre, & quod excedit spatium, in Utero remanet placenta, fœtu jam in lucem edito. Mirum dictu, quantam mutationem & metamorphosin, ut ita loquar, placentæ præter naturam subeant! Eas aliquando in Hydatides, aut vesiculos è pedunculis dependentes, & humore aquoso refertas degenerare, posthac demonstrabimus; nunc oculis vestris sistimus retentas placentulas, perperam ab aliis pro molis habitas: pro molis dico, i. propter duritiem, crassitatem, formam, & carnositatem, quibus descriptioni molæ sunt conformes; ut mirandum non sit, easdem pro molis habitas esse ab iis, quibus occasio haud data fuit, quotidiè nobiscum ejusmodi retentas placentulas cultro Anatomico subjicere. A quo tempore enim in hâc vastâ civitate lectiones in usum Obstetricum habui, quicquid rari ac insoliti in earum incidit manus, in redhostimentum mihi semper afferunt. Rediens in viam, unde digressus sum, dico, placentulas fœtuum, duorum, trium, quatuorve mensium, si diutius, quām par sit, remaneant in utero, non tantum periculi, ac quidem mutationis afferre. Si verò placenta fœtus maturi, aut septimestris, vel octimestris remaneat, plus subest periculi, & særissimè tota placenta in hydatides degenerat, quarum numerus aliquando tantus est, ut gravidæ videantur mulieres, propter abdominis extensionem. Memini me-bis scutellam magnam ejusmodi hydatidibus refertam vidisse ex iis, quæ per aliquot post partum menses retinuerant placentas in Utero. Dixi superius placentulas, duorum, trium, quatuorve mensium abortūs, ita indurari, talemque adipisci formam, ut pro molis habeantur ab imperitis, modò diutius quām par sit, aut per dies aliquot, in utero hærent: humoribus enim cum foetu expulsis, contrahitur placenta ab Utero in hanc vel illam formam, & sic talpæ, ranæ, aut similis rei speciem aliquando induit: unde fæminæ nimis credulæ nugatoriisque fabellis addictæ, molas viventes, imò volantes, in lucem prodidisse narrant, imò in partu præsentes, alias socias suas monent, ut sibi caveant ab ejusmodi molis, ne scilicet molæ istæ, ipsas adoriantur & sub vestimentis sese insinuent. Hisce rejectis anilibus nugis, observatu dignum esse censeo, tales pla-




Fig. 25.




Fig. 26.





Fig. 27



placentulas, si per septimanam aut diutius retineantur in utero, foetu in lucem edito, ita ab utero comprimi, ut non solum carne musculosâ solidiores evadant, verum etiam formâ & magnitudine Uteri naturalis exteriorem faciem adæquent. Vide Figur. subsequentes.

Mulier ab undecim septimanis (ut ipsa mihi referebat) grava facta, ab animi pathemate, abortiit: remanente, per aliquot hebdomadas, placentulâ; quæ, ab Uteri compressione, cum ad pristinam ferè magnitudinem & formam rediret Uterus, ita induruit, & deformis facta est, ante excretionem, ut, nisi ritè examinassem ejus substantiam, molam credidisset. Vide Fig. 25.

Alia quædam, in quintum mensem gravida, peperit foetum immaturum, & post eum quoque secundinam integrum benè constitutam. Hisce in lucem editis, secuta est carnea moles, formâ & magnitudine Uterum naturalem referens; vide Figur. 27. Hac incisâ & ritè examinata placentulam quoque esse deformem, & justo duriorem, deprehendi. A quo tempore gesserit hanc secundam placentulam dictu difficile. An gemellis gravida fuerit, & uno in nihilum redacto, aut insciâ gravida excluso, ejus placentula remanserit; an verò ante hanc ultimam imprægnationem gravida jam fuerit, & embryo ne excluso, placentulam retinuerit, (quod pluries contingit) & de novo uterum gesserit, haud licuit investigando determinare.

Figur. 25. 26. & 27.

Placentulas, post fœtus exclusionem, per aliquot hebdomadas in utero detentas, (unde ab uteri compressione, cum uterus ad pristinum ferè statum rediret, Uteri exteriorem faciem adæpte sunt) repræsentant. Si verò dictæ placentulæ per aliquot tantum dies remanseré, duriores stant & formam diversam adipiscuntur, & nunc ranam, nunc talpam &c. repræsentare dicuntur.

O B S E R V A T I O X X I X .

Massa cruoris coagulati quandoque Molam mentiens.

Non solum placentulæ, post Embryonis exclusionem, in Utero per aliquod tempus remanentes, molam mentiuntur: verum etiam sanguis in Utero coagulatus, quem mihi Obstetrices saepius pro molis, aliæ pro placentulis obtulere. Hunc cruorem coagulatum, ab uteri compressione admodum durum, & in se coactum aliquoties offendit, vide Figur. 28. cui saepissimè membranis analogum quid appensum invenitur, sicut post venæ sectionem in pede institutam, aquæ innatare videmus. Cùm hæc & similia mihi occurruunt, ad hæc duo respicio: Primò, an funiculi umbilicalis abrupti vestigium supersit. Secundò, an vasis sanguiferis gaudeant ejusmodi massæ, (sine quibus non possunt vocari placentulæ retentæ) & insuper notandum in placentulis remansis, quantumvis vasa sanguifera adsint, ut plurimum eadem sanguine cassa reperiri, ita ut magis fibras, quam vasa sanguinea referant.

Figur. 28. Explicatio.

A A. *Cruor coagulatus propter duritiem & colorem, molam mentiens.*

B B. *Membranis analogum quid.*

Figur. 29. Explicatio.

A A. *Cruor durus molam mentiens.*

O B S E R V A T I O X X X .

Penis Cancroſi amputatio.


Uterum prolapsum, & in prodigiosam molem auctum, extirpari posse, ex observationibus præcedentibus patet: quod tamen nunquam molieñdum sine catheteris immiffione in Urethram, antequam ligetur Uterus, ne tam abominabile malum similiter sequatur, quale in præcedenti observatione septi-


Fig. 29.



Pag. 28.

Fig. 28.





septimā refertur. Non minus etiam penis virilis desperatè corruptus extirpari potest, modò omnia rite peragantur. Rusticus quidam suburbanus à duobus annis incidit in scirrum extimam partem penis obsidentem, tandemque in carcinoma exulceratum degenerantem, inque tantam molem auctum, ut pugni magnitudinem adæquaret. Joachimus Schraderus Chirurgus satis versatus, qui huic curæ præerat, in consilium vocavit expertissimum Dominum Doctorem Hiddingh, me, & Andream Boekelmannum, cum ejusdem filio Cornelio. Unanimiter extirpationem commendavimus, quemadmodum etiam subsequentे die instituta est, & tanto (gratia Deo ter Opt. Max.) cum successu, ut jam, quantumvis pene privatus, dominum redierit & in columis vivat. Est autem Operatio illa hoc modo peracta: Cathetere per urethram in vesicæ cavitatem immisso circumligavimus penem ponè malum supradictum funiculo, tenuiori quidem, sed tenacissimo, idque fortiter. Dolores ægrotus tam viriliter pertulit, (paucos enim audivi ejulatus) ut omnibus admirationi fuerit. Injecta hac ligatura, ita munivimus catheterem filo, ut è canali urethræ sese subducere haud potuerit. Sequenti die, novam injecimus ligaturam, ut eò citius emorteretur pars affecta. Interim totum involvimus penem vesicâ madefactâ ad foetorem arcendum, & lotium recipiendum. Quinto, ni fallor, die cultello membrum emortuum fuit ablatum, sine ulla hæorrhagia, in totum enim erat emortuum. Relinquebamus interim adhuc per diem unum atque alterum catheterem in vesica, donec separata sua sponte ligaturâ, patiens eo non amplius indigeret. Restitutus jam, per instrumentum ex ebore confectum lotium reddit; in totum enim pars penis relicta in abdomen retracta est, ita ut illud instrumentum ventri adaptare debeat, lotium emissurus, ne vestimenta madefiant.


O B S E R V A T I O X X I .

*Vesicula fellea intùs cellulis distincta, & calculosa
crustâ obducta.*

Tunicam interiorem pori Bilarii in calculosam substantiam degenerare, in hepate vaccino rarum non est; hoc enim

sæpiissimè à nobis repertum fuit. Idem etiam fieri in cista fellea, aliquoties observavi in eodem animali. Rarissimum verò, naturam idem moliri in vesicula fellea humana. Ante annos aliquot publicè dissecui cadaver humanum, cujus vesicula fellea, quasi in multas cellulas erat divisa, tunicâ interiori magna ex parte lapidefactâ. Quid mali ex eo contraxerit, dum vivet, patiens, haud potui perscrutari, nulli enim adstantium quod sciam, notus fuit. Bilis in dicta cistula justo crassior existebat, forsan à remora, quam fecerat in dictis cellulis, è quibus tam liberè effluere haud potuit; quemadmodum sæpiissimè fieri videmus in poro bilario hepatis vaccini, dum nempe in hoc vel illo loco porus bilarius nimis contrahitur, & materia calculosa porum coarctavit, sicut Figur. 30. ostendit, aut vermes lati qui sæpe eo in loco inveniuntur, obstaculo sunt, quo minus sat promptè effluere possit. Tunc bilem puto crassiorem fieri: & quod observatu dignum est, bilis, quæ in vesicula fellea continetur, haud differt ab ea, quæ in poro bilario reperitur; ejusdem enim est consistentiæ & saporis, eaque de causâ assentiri minimè possum illis, qui sibi persuadent hanc utramque bilem non esse eandem, imò multum à se invicem discrepare consistentiâ; quod perversè judicarunt Poro bilario & Cistulâ felleâ bene constitutis. Si verò Porus bilarius è calculoso quodam concremento in hoc vel illo loco obturetur, non potest non ibidem incrassari bilis: Ast cæteris paribus, eandem obtinet crassitiem bilis, tum quæ in poro bilario, tum quæ in vesicula hæret. Itaque non immerito Cistulam bilariam pro diverticulo bilis habendam esse censeo, ad quam, tanquam thecam, bilis amandatur, non solùm è radicibus vesiculæ felleæ (quas è fundo ejus ortum ducere autuunt Anatomicorum Coryphæi, ubi tamen perpaucæ, si ullæ, oriuntur; plures verò è ductu cystico, ut Fig. 31. demonstrat,) verùm etiam è poro bilario, per quem, tanquam radicem maximam bilis non solùm ad intestina, verùm etiam ad vesiculam felleam defluit. Huic opinioni admodum favet, quod Equi, Asini & multa alia animalia non gaudeant vesicula fellea, poro bilario illis sufficiente. Adde quod in Hominibus & Vaccis aliquando à nobis reperta sit vesicula fellea, capacitate porum haud superans; vide Fig. 31.

Figur.







Fig. 30.

Vesicula fell.: in 2 part. di







Fig. 31.



Figur. 30. Explicatio.

- A. *Vesica fellea humana.*
- B. *Cellulæ in superficie internâ.*
- C. *Calculosa crusta.*

Figur. 31. Expositio.

- A. *Vesicula fellea bovina summoperè contracta & angustata.*
- B. *Ductus cysticus.*
- C. *Radix ejusdem ductus cystici.*
- D. *Porus Bilarius intus crustâ calculosâ obsefus.*
- E. *Ductus communis per quem bilis ad intestina amandatur.*

O B S E R V A T I O X X X I I .

*Menses à membrana vulvam claudente suppressi, perque
hujus incisionem evacuati.*

Virgo viginti annos nata, & à multis mensibus valetudinaria, sœpissime conquæsta fuit de Hypogastræ ponderositate, & dolore intolerabili: ita ut mater ejus consultum duxerit opem implorare Medicam. Malum indagandi causâ vocatur mecum Andreas Boekelmannus Chirurgus expertissimus, qui ex querelis & doloribus, singulis mensibus repetentibus, nobiscum conjectit menstruorum præpeditum exitum causam vel ansam esse totius mali: sicut eventus quoque edocuit: convalluit enim solâ incisione cujusdam membranæ ponè membranam Hymenem sitæ, & totam vulvam perfectè claudentis. Mirum dictu quæm tensa erat dicta membrana propter sanguinem illic stagnantem, totam vulvam extendentem, & frustra exitum quærentem. Mirandum quoque, sanguinem, qui illicò à fectione ad libras circiter quatuor, maximo impetu, erumpet, neutquam coagulatum, multò minus putrefactum, ast nigricantem fuisse, sicut nobiscum attestantur Nosocomii Medicus meritissimus Johannes Dankers ut & Abel van der Horst Chirurgus expertissimus, qui huic operationi, nuper à nobis factæ, pariter interfueré.

O B S E R V A T I O X X X I I I .

Placentæ Uterinæ in Hydatides degeneratio.

Quantum Anatomicis frequens corporum dissectio, & ex ea desumpta experientia prospicit, nulla in re magis elucet, quam in partu præternaturali: de qua parcius quam par est, & minori exactitudine, multi scripsere Authores. Nunc de partu præternaturali (ratione matris) nobis erit sermo, in quo partu Placenta Uterina remansit, à nonnullis perperam pro conceptu falso habita. Plures sese offerunt causæ, quæ extum placentæ post editum foetum impediunt; multifarias quoque patitur mutationes placenta, si post partum remaneat in utero. Aliquando placentam in maximam molem augeri vidimus, postquam diutius quam par erat in utero retinebatur. Aliquando enixo foetu ita comprimitur ab utero sese ipsum denuo contrahente, ut perperam ab aliquibus, ut ante notatum, habita sit Mola dura. Non raro cum putredine & foetore partitis vicibus è corpore expellitur. Nonnunquam quoque in Hydatides limpidas degenerat: ut videtis Figur. 34 & 35. Ejusmodi mutationes placentæ in Hydatides multoties vidi, & quid esset rei tam diu anceps hæsi, donec mihi videre contigit placentam ex parte sanam, ex parte in Hydatides degeneratam. Hæ Hydatides nil aliud esse mihi videntur quam minutissimæ glandulæ placentæ in Hydatides degeneres; qui affectus in hepate, renibus & aliis glandulosis partibus

Figur. 34. Explicatio.


- A. *Placenta uterina maxima ex parte in Hydatides degenerata.*
- BBB. *Portio placentæ in substantiam carni analogam mutata.*
- bbbb. *Hydatides.*
- C. *Vascula sanguinea per placentam dispersa.*


Figur. 35.

Placentam totaliter ferè in Hydatides degeneratam, & racemum uvarum referentem, repræsentat.

Fig. 34.



Pag. 32.






Pag. 32.

Fig. 35.



Pars Superior.

Pars Inferior.



O B S E R V A T I O XXXIV.

33

tibus satis est familiaris. Vasorum extensiones esse quis sibi posset imaginari? tum enim maximæ reperirentur Hydatides circa placentæ medium, jam verò sine ullo ordine positæ sunt & majores & minores; præterea observavi vasa illa annihilari, ut vix ramulus restet. Quid ulterius de glandulis placentæ sentiam contra nonnullorum Neotericorum opinionem, post-hac revelare decrevi.

O B S E R V A T I O XXXIV.

Tumor Lumbaris in fætu, cum Spina Bifida.

Non est mihi animus refutare, quod alii de Spina Bifida sentiunt Authores, ast verò quid ego circa hoc malum, quod decies mihi jam videre contigit, observarim, eloqui. In lumbis foetus, dum in utero hospitatur, non raro oritur tumor, partim mollis, præsertim in sui medio, & saepius limpidus, quasi Hydatis esset; aliquando opacus reperitur. Magnitudo non semper est eadem, nucem juglandem nunc æquans, nunc rapam mediocrem. Si ritè hunc examinaverimus tumorem, luce meridianâ clarius constabit, Hydropeum esse particulæ spinalis medullæ, eundemque ferè esse affectum, qui in capite foetus Hydrocephalus audit. Quemadmodum enim in capite foetus, imò infantis, (antequam futurarum beneficio capitis ossa uniantur) membranæ cerebri, ut & cutis capitis ob aquæ copiam non raro valde expanduntur, mollemque tumorem excitant; ita etiam saepe in dorso, aut lumbis, rariùs in nucha (quod semel vidimus & in musæo nostro adhuc conspicitur,) & rarissimè in inferiore & exteriore parte ossis sacri, ut referre posthac animus fert, simile quid occurrit. In Hydrocephalis recenter natorum, cerebrum magna ex parte in aquam resolutum esse, rarum non est; sic etiam in dicto tumore, spinalem medullam deficientem in aquosam substantiam degenerasse existimo, & quod mirari subit, infra eum tumorem, spinalem medullam sæpè benè constitutam invenio: Unde nonnulli aliqualem motum in artubus inferioribus retinent. Alios quoque ostendi, quorum artus inferiores Paralyfi erant correpti, ob defectum spinalis medullæ; quod etiam observatum video à Viro Eximio Justo Schradero, Med. Doctore, &

Practico felicissimo, in suis curiosis Observationibus Anatomico-Medicis fol. 204. Nunquam in hoc affectu vertebrae ita esse bifurcatae notavi, (ut nonnulli voluerent) quasi totaliter in duas partes essent divisa, ut laniones facere assolent, quum animalia mactata in duas partes securi findunt. Dehiscunt tantum vertebræ à parte posteriore circa processus spinosos, posteriori parte, puta corpore vertebræ, manente, ut Figur. 37. demonstrat, integra. Quod ad curationem hujus affectus; quantumvis vix ac ne vix quidem profligari possit, nemo enim inter eos quos tractavi hactenus infantes, evasit, nec unquam ab aliis curatum percepī, tamen curatio palliativa instituenda astringentibus & confortantibus remediis in forma fomenti, quo bis singulis diebus adhibito, emplastrum applicandum, quod tumori tenero haud nimis adhaereat, ne aperiatur ejusdem tenacitate: Observamus enim tumore aperto, aut rupto, mortem accelerari, & ea de causa non immerito monemur ab Antecessore meo piæ memoriae Nicolao Tulpio, Viro, dum viveret, Nobilissimo & Consultissimo: *Cave sis*

Figur. 36. Explicatio.

- A. *Fœtus oculo præter propter mensum decimo quarto die post nativitatem mortuus.*
- B. *Tumor mollis partim limpidus, propter cutis rarefactionem, (quæ membranæ instar nobis obvenit) partim opacus ob cutis densitatem.*
- CC. *Rugæ cutis cuticulâ ex parte privatæ, & quasi gangræna levi obsessæ, quod sæpiissime contingere observavi.*

Figur. 37. Explicatio.

- A. *Fœtus jamjam nati, & ex eodem affectu brevi post de nati vertebræ lumborum tres, à postica tantum parte fissæ, aut dehiscentes, & spinali medullâ orbatæ, relictis ejusdem membranis, præter naturam simul cum cute expansis, jam verò ademptis, ut vertebrarum fissura clarius videri possit.*
- B. *Fissura aut dehiscientia dictarum vertebrarum cum quâ natus est fœtus.*

Fig. 36.





Fig. 37.





O B S E R V A T I O XXXV. XXXVI. 35

improvidè unquam aperias, (loquitur de eodem affectu,) quod tam facile occidit hominem; nullus enim eorum, quibus adfui, & sua sponte aut sola acu erupit aqua in hoc tumore contenta, evasit, sed omnes ferè paucis post diebus exspirarunt. Delineavi hunc affectum magnitudine naturali, ut magis memores essemus cùm nobis ocurrat. Vide Figur. 37.

O B S E R V A T I O XXXV.

Idem Affectus in infima Ossis Sacri parte repertus.

HUic affectui valde similem nuper observavi casum cum Domino Doctore Egberto Veen, & Andrea Boekelmanno, Viris in arte sua peritissimis; non in lumbis, ubi ut plurimum fese offert, ast verò in infima ossis sacri parte infantis: ubi partim pellucidus, partim opacus, & admodum mollis (propter ichorosam materiam, quā erat refertus) existebat. Hic præter emplastrum, fotum exsiccantem, & cingulum, nil instituimus, quippe certi, siquidem aperiretur, mortem acceleratum iri. Sæpius mitatus sum hunc affectum non esse frequentiorem in dicta parte ossis sacri, utpote magis ad producendum hunc affectum disposita; infima enim pars ossis sacri à postica parte semper in naturali statu hiat, & quasi in duas partes est divisa, quæ fissura naturalis pinguedine solummodo est referta, ut infima pars medullæ spinalis esset tecta. Inter omnes dicto affectu correptos, nullum vidi infantem tam diu superstitem, quam hunc; vivit enim in hunc usque diem annum jam ferè agens. Forsan ob affectus decliviorem situm.

O B S E R V A T I O XXXVI.

Tumor similis in lumbis puellæ lethalis.

AB affectu in præcedenti Observatione memorato, Spina nempè bifida, non semper multæ vertebræ circa spinos processus bifurcantur; tñiam sufficit vertebram eile læsam, quemadmodum anno 1684. mense Decembri vidi in filiola cuiusdam Procuratoris Amstelodamensis, in qua tumor lumbaris

baris minoris pugni magnitudinem æquans, rugisque refertus brevi gangrænam conceperat, & quamvis satis leniter tractaretur fomentis contra gangrænam, tamen decimo quinto post nativitatem mense (rarò autem tam diu vivunt) humor contentus erupit, & secundo aut tertio die vitam finivit afflita puella: unde malum scalpello Anatomico perscrutandi nobis nata est occasio. Observavimus autem aperturam in unica vertebra, eamque tam exiguam, ut vix ciceris granum admitteret. Stilum levi opera in totam cavitatem spinæ dorsi sursum deorsumque adegi, quo magis certior factus sum, tumorem nil esse præter expansionem membranarum spinalem medullam investientium, ab humoris replentis copia. In principio nullum percepimus motum in artibus inferioribus, valdè macris, tanquam paralysi correptis; postea verò obesiores facti ad motum redintegratum vires recepere. In cadaverculi dissectione, omnibus qui eidem interfuerant summæ admirationi quoque fuit, sub cute abdominis pinguedinem digitii crassitatem adæquare.

O B S E R V A T I O X X X V I I .

Ab Aneurismate Arteriæ Aortæ Costarum Caries.

Sicut sudores per cutis poros erumpentes in aliquibus adeò sunt acres, ut indusia, imò & subuculæ, putredinem brevi ex iis concipient; ita etiam humores simile quid præstant, dum costæ veræ à solo Aneurismate Arteriæ Aortæ ascendentis cariem contrahunt. Ante duodeviginti annos cadaver cuiusdam Viri dissecui, qui à longo tempore aneurisma gestarat in pectore, tantæ magnitudinis, ut infantis recenter nati caput adæquaret, cum tanta pulsatione, ut manum pectori admotam percuteret. Aperto cadavere Aneurisma invenimus in arteria magna ascendentे transversum digitum unum atque alterum à corde, ut annexa Figur. 38. repræsentat. In accretione hujus Aneurismatis non solùm costæ veræ, à se invicem abscedere coactæ fuere; verùm etiam eas invenimus ita corruptas, ut magna ex parte deficerent, quodque ex iis restaret, digitis confricando in pultem comminuere haud difficile esset. Hanc historiam cum ante multos annos Domino van der Schagen,

Me-



Fig. 38.



Cor hum. postica Sua parte visum.

O B S E R V A T I O X X X V I I I .

37

Medicinae Doctori, dum viveret, celeberrimo referrem, dixit mihi à se quoque visam costarum cariem ab Aneurismate pectorali ortam. Magis certè mirandum quām explicandum foret, quomodo clausum Aneurisma (quod tantum Arteria dilatata audit) costas ita corrumpere valuerit, nisi sequens historia nuper mihi obvenisset.

Figur. 38. Explicatio.

- A. Cor Humanum.
- B. Arteria pulmonalis.
- C. Arteriae Aortae descendenter portio.
- D. Arteriae Aortae ascender portio.
- E. Aneurisma dictæ arteriæ.
- F. Ventriculus sinister.
- G. Ventriculi dextri portio.
- HH. Vasa per aneurisma dispersa.
- II. Vasa coronaria.

O B S E R V A T I O X X X V I I I .

Monstrosum Aneurisma.

Authores, qui statuunt Aneurisma Arteriam esse dilatatam, aut præter naturæ leges extensam, ob alterius tunicæ puncturam, aut corrosionem ab acriore humore, cum pulsatione evidenti, hujuscce affectus naturam non satis perspicue depingunt. Isthæc enim aneurismatis descriptio aut definitio solummodo vera est de multis & exiguis aneurismatibus; ast plura sunt addenda, ne quis amplius decipiatur in ejus curatione. Non in omni aneurismate præcisè sentitur pulsatio, quantumvis Authores eam tanquam pathognomonicum habeant signum. Si sanguis in Aneurismate coaguletur, nulla percipitur pulsatio. Hoc olim decepit Chirurgum expertissimum.... mihi dum viveret amicum familiarem, qui circa talum aneurisma, nucis juglandis magnitudine, aperiebat, nesciens tamen tumorem dictum Aneurisma esse, quia omnis pulsatio deerat. Aperto tumore, & sanguine coagulato expresso, tanta suborta est hæmorrhagia, ut vix esset sistendo. In quibusdam Aneu-

rismatibus ingentissimis nullam quoque pulsationem percipi posse expertus sum. Nuper visitavi prope vicum vulgo dictum *de Nes*, pone macellum, cum Chirurgo perito *Willard*, militem, qui in pectore gerebat sua sponte generatum Aneurisma, tam monstroae magnitudinis, ut pulvinar mediocre, quo in sedili utimur (demptis quatuor angulis, rotundum enim erat dictum Aneurisma) adæquaret. Multis diebus antequam mors esset in procinctu, variis in locis aperiebatur sua sponte, sine magno sanguinis dispendio, & quod notandum, pulsatio, quæ vehementissima antea fuerat, in totum aliquot septimanis ante apertione cessaverat; quod facile credideris, benevole Lector, si audieris, post obitum hoc Aneurisma, (quod ortum duxit ex arteria Aorta tribus circiter digitis transversis supra cor) à me inventum fuisse quasi lamellatum (ut ita loquar) dispositum, aut ex innumerabilibus tunicis, crassis, carnosis, & satis tenacibus, sibi invicem impositis, conflatum, inter quas tunicas sanguis copiosus & coagulatus delitescebat. Harum tunicarum extima, quæ propriè arteria Aorta erat, straminis habebat latitudinem. Notandum ulterius, omnes ferè pectoris costas, ut & os sternum, quasi in nihilum fuisse redacta, & totum ferè pectus ab illis fuisse denudatum, ceu etiam legitur in Observatione præcedenti. Inde anhelitus difficultas, animi deliquia, & febris continua, quibus patiens per plures septimanas correptus fuerat. Hæc memorata videntur aliquid luminis afferre explicandæ cariei costarum, dum scilicet sanguis inter lamellas istas stagnans & exinde acrimoniam contrahens, paulatim transfudat, & ossa lentè corrodit. Id quod haud metuendum judico in simplici arteriæ expansione, à qua communiter Aneurisma oriri credimus: ubi per continuum novi sanguinis affluxum tum stagnatio tum ejusdem acrimonia præpediuntur.

O B S E R V A T I O X X X I X .

Scirrhus Ventriculi lethalis.

Non esse in Medico semper relevetur ut æger, varia nobis quotidie confirmant exempla, inter quæ scirrhosus ventriculi tumor haud insimum obtinet locum. Vir quidam in flore

flore ætatis diu de ventriculi læsione & dolore conquestus, demum tale mali sui sensit incrementum, ut præ dolore assiduo diutius aurà vesici haud potuerit; præterea vomitus continui & animi deliquia ipsum non desererent, donec ultimum obiret diem. Cadaver aperiendi copia mihi suppeditabant consanguinei, cupiditate rapti quidnam illum tam diu vexasset. Hostis infestissimus in cadaveris apertione non diu sese absconde-re potuit, sed statim in conspectum venit: fundus enim ventriculi ingenti erat obseßus tumore scirrhoso pugni ferè magnitudine, materiâ tenaci & atrâ referto, qualem materiam quoque paucis horis ante mortem vomitionibus rejecerat.

O B S E R V A T I O X L.

Cephalæa à Setaceo applicito cessans, eodemque remoto recurvens, idque aliquoties.

Filia cujusdam Mercatoris Amstelodamensis octodecim cir-citer annos nata, temperamenti sanguinei, diu laborave-rat capitis dolore, assiduo & intolerabili. Varia à me & Ma-gistro Petro Adriani filio ad arcendum malum istud incassum adhibita sunt remedia; ut sunt, purgantia cephalica, alterantia, venæsectiones tam in pede quam aliis partibus, vesicatoria, sternutatoria, cucurbitulæ &c. Tandem quoque à nobis propositam admisit cruciale incisionem in breginate, quam no-tabilis sequebatur hæmorrhagia, sine ulla tamen euphoria. Consultationes diversas instituimus cum Celeberrimo Practico Matthæo Slado. Tandem nullis remediis proficientibus ani-mus nobis erat cranium terebrâ perforare; antequam verò hæc extrema institueretur operatio, Setaceum in nucha pro-posui, cui remedio dicti Viri Celeberrimi calculum apposu-ere. Remedio hoc celebrato, statim evanuere dolores, & quod notatu dignum est, post aliquod tempus ægra hujus remedii pertæsa, extraxit setaceum; quo facto illicò recruduit malum, ita ut coacta fuerit ad novi setacei usum confugere, quo insti-tuto exemplò rursus cessarunt dolores ægram vexantes: tum igitur prudentior facta gestavit hoc setaceum renovatum, do-nec sua sponte natura illud expelleret. Quid fit? tertia vice setaceo abdicato, recidivam patiebatur, & coacti denuo ean-

dem encheiresin iterari jussimus, qua sic repetita iterum libera fuit ab hoc malo, & posthac pancratice vivere cœpit, quemadmodum in hunc usque diem incolumis degit.

O B S E R V A T I O X L I .

Ex aperto Bubone copiosus Lymphæ effluxus peculiariter inhibitus.

MUltos Chirurgiæ tyrones tam otiosos & circa nugas affi-
duè occupatos esse, dolendum est. Inter omnes, quæ
discuntur artes, nulla est, quæ Chirurgiam antecellat. Aliorū
artificum subjectum est Ferrum, Lignum, Lapidès, &c.
Chirurgorum verò Corpus Humanum, tam affabré à Deo ter
Opt. Max. fabricatum, ut nemo vel ab ulla adhuc parte illud
unquam satis perspectum habuerit; eaque de causa omnes,
qui Chirurgiæ operam dare decreverunt, perpetuò se exer-
cere debent, non in fistulæ, plectri, aliorumve Musicorum
instrumentorum lusu, uti inter ipsos nunc consuetum est, sed
in rebus Anatomicis: sic in millenis occasionibus non solum
afflictis sæpè opem ferrent, verùm etiam summos honores sibi
ipsis procurarent. Mirari quoque subit, nonnullos tam fatuos
reperiri Chirurgos, qui non verentur profiteri, sufficere Chi-
rugo rudem corporis humani scientiam, curiosiora Medicis
relinquenda. Ex horum rudiori cohorte nuper quidam Bubo-
nem venereum aperuit ante perfectam maturitatem, (qua in
re culpandus non erat, sic enim & nos facere solemus) simul
autem importunâ dextrâ suâ vas Lymphaticum dissecuit. Mi-
rum dictu, quantum lymphæ singulis diebus è vulnere effluxerit:
omnia linteamina continuè madefiebant. Tandem consili-
lii expers à me idem exquisivit, nesciens unde tantum liquo-
ris quotidie promanaret. Hic constabat necessarium esse Chi-
rugo corpus humanum omni curiositate rimari, nec rudem
eius scientiam ei sufficere; judicavi igitur splenia ex linteis
complicatis esse applicanda, eademque arctè fibulâ (Belgicè
een Gespe) comprimenda, sperans fore, ut vasa lymphatica,
per quæ lympha ab artibus inferioribus redux continuè sur-
sum fluit, ita comprimerentur, sicque lymphæ motus inh-
beretur; quod tam ex voto successit, ut sequenti die æger

OBSERVATIO XLII. XLIII. 41

ab hoc malo fuerit liberatus: interim Chirurgus buboni proficere poterat, sine ullo obstaculo aut relaxatione fibulae, donec nulla amplius novi fluxus superesset formido.

OBSERVATIO XLII.

Ex ulcere penis haemorrhagia enormis, arte facili quidem at singulari cohita.

PRÆGRESSÆ Observationi fert animus & aliam magis raram subjungere. Chirurgus quidam, in affectibus venereis curandis satis bene versatus, me noctu ad ægrum arcessivit, cui ex aperta arteriola in ulcere inter glandem & præputium penis tantum sanguinis illa nocte profluxerat, ut ipse prope modum exsanguis videretur. Imò ausim dicere, me dimidiā cupam linteaminibus cruentis oppletam in cubiculo, ubi ille decumbebat, invenisse; non aliter ac si fæmina quædam in procinctu puerperii fuisset. Diversi generis styptica applicuerat Chirurgus ante meum adventum, sine ullo tamen levamine; compressioni vix ullus quoque ibi locus erat, propter membra constitutionem: itaque in summis angustiis erant & Chirurgus & æger, quem tamen momenti temporis spatio ab hoc periculo, Dei auxilio, liberavi; idque remedio simplicissimo: scilicet glandem penis præputio strinxi, & sic præputium arctè digitis compressi, unde ne gutta quidem amplius effluere potuit, sicque miser fuit restitutus.

OBSERVATIO XLIII.

*In Puerperæ Cadavere os Uteri bianus, & pelvis ha-
moribus repleta.*

QUAM male sibi consulant puerperæ in hac regione, quæ purgationis tempora haud bene observant, & nimis citò dolio exeunt, sequenti Observatione & annexâ uteri Figurâ 39. satis constabit. Anno 1679 mense Martio in usum Obstetricum cadaver cujusdam mulieris, à tribus cum dimidia septimana puerperæ, publicè dissecui, (præsentibus Spectatissimis Viris Collegii Medici Inspectoribus) cujus Uterus talem mag-

nitudinem & figuram obtinebat, sicuti annexa Figur. 39. demonstrat; imò tantum aberat os uteri ad naturalem coarctationem pervenisse, ut facillimè & sine ulla vi digitos duos immittere potuerim. Dicit forsan aliquis, illud rarum & contra naturæ leges esse: & sufficere hoc in aliquibus locum habere; præterea nemini notum esse, quoties hoc quidem contingat; & hinc sæpiissimè illæ lachrymæ, & querelæ de intolerabili hypogastrii dolore & frigiditate, obstructionibus, imò non raro quoque de menstruorum stillicidio perpetuo. In hac anatome hujusce cadaveris quoque observavi pelvim ab humorum colluvie refertam, imò pintas ferè duas continere, non sine magno foetore. An isti humores ex utero per tubas, aut oviductus ad pelvim propulsi fuerint; quod facile crediderim, quia pluries in pelvi humores reperi illis similes, quos in utero inveniebam: an verò aliunde venerint, aliorum judicio relinquo; saltem ego sum in ea opinione, in difficillimo partu, caput aut clunes infantis vaginam uteri non raro ita occludere posse, ut ne gutta quidem amplius utero exire valeat: atque in tali casu, non video quid possit esse obstaculo, quo minus humores in utero contenti, conatibus aut partus doloribus vehementissimis per tubas Fallopianas ad pelvis cavitatem deriventur, eò magis quòd nullæ in dictis tubis reperiantur valvulae: & hinc febres atroces, tormenta circa hypogastrium, lipothymiae, & similia mala, imò mors ipsa, superveniunt.

Figur. 39. Expositio.

- A. *Uterus à tribus cum dimidiâ septimandâ puerperæ.*
 B. *Os Uteri valde adhuc patulum.*

O B S E R V A T I O X L I V .

Succini globulus diu in naribus hærens topho obductus.

Filiola quinque annorum globulum ex succino (Belgicè een Barnsteene Coraal) ingentis magnitudinis, uti apparet Figur. 40. ludendo in nares profundè protrusit; unde varia incommoda, ingentemque dolorem perpetua est. Nullus hario-

Fig. 39.





Fig. 41.



B





Fig. 40.



B.



C.



D.

hariolari potuit, quænam horum malorum esset causa: Decimo quarto ætatis anno deimprovisò per sternutationem è naribus rejecit succinum attractum; de quo notandum, quod globulus ille nil minus videbatur, quam succinum, ita nempe circumductus cortice quodam lapideo; quo cum vi quadam ex parte abraso, inventum in globuli medio foramen. Quomodo lapidea hæc substantia globulo acreverit difficile explicatu. Ejusmodi concrementi lapidei corticalis in vesica facti varia equidem extant exempla, qualia legimus in Beverovicio, & aliis Authoribus: ast verò in naribus idem fuisse observatum planè non memini, præterquam quod nuper mihi supra memoratus Chirurgus Petrus Adriani filius ostenderit officulum cerasi quod diu etiam in summitate narium hæserat, ubi quoque cortice lapideo obductum, tandem excretum fuit.

Figur. 40. Declaratio.

- A. *Globulus ex succino, partim cortice lapideo circumductus, partim nudus.*
- B. *Fragmenta corticis lapidea globulo abrasa.*

OBSERVATIO XLV.

In Hydropicæ Cadavere Observata varia, inter quæ hepatis glandulæ admodum tumefactæ.

Hepar humanum magna ex parte è glandulosis corporibus constare, jam à longo tempore deprehendimus. Anno 1686. Vetulæ, ex hydrope Ascite mortuæ, cadaver in usum discipulorum aperui. Primò, cuspipe cultelli exitum paravi tenuiori sero, in abdomen contento. Post grandiori facta incisione, visui sese obtulit humor flavus, latus, & limosus, satis indicans in hydrope ascite non tanti esse momenti Paracentesin, nec adeò temerè instituendam, prout nonnulli volvère Authores: pauci enim evadunt, nisi ichor intra musculos & pæritonæum (alii dicunt inter duplicatram peritonæi) hæreat. Tubis Falloianis compressis materia quædam, spermati humano analoga, effluebat. Ovaria com.

comparebant admodum exilia; quemadmodum in vetulis ut plurimum visuntur. Intestina non solum undiquaque peritonaeo, verum etiam sibi invicem connata. Hepatis superficies inæqualis, propter glandulosa corpora tumefacta. Ejusmodi corpora glandulosa, aut glandulas hepatis magnitudine auctas nuper quoque publicè demonstravi, & aliquoties conspexi, nunquam tamen adeò copiosa, quam in supradictæ vetulæ hepate; totum enim hepar è meris glandulis magnis constare videbatur, unde perquam inæqualis existebat ejus superficies: ut videre est Figur. 41.

Figur. 41.

Particulam Hepatis superficie admodum inæqualis, propter glandulas magnitudine auctas, repræsentat.

O B S E R V A T I O . XLVI.

Hydrops Ascites ex Hydatidibus.

INcurabilibus affectibus nobis saepius occurrentibus, haud sine ratione dicitur, non esse in Medico semper relevetur ut æger. Quis Medicorum curare potest hydropem Ascitem limosum, membranis inclusum? cuius varia quidem vidimus & apud Authores legimus exempla: Nunquam tamen mirabilem hujus rei historiam me intellexisse memini, quam eam, quæ mihi ante aliquot annos in platea Sancti Johannis occurrit: ubi præsente Magistro Petro Adriani filio aperui cujusdam Virginis ætate provectionis cadaver, cuius admodum distenti abdominis totam cavitatem repletam conspeximus innumerabilibus vesicis, aut facculis, humore tenaciori & glutinoso refertis. Nonnullæ earum vesicarum erant magnitudine pugni minoris, aliae magnitudinem nucis juglandis non superabant, non paucæ æquabant nucem avellanam. Vide Figur. 42. Utrum harum vesicarum subjectum glandulæ fuerint mesenterii in vesicas, aut, si mavis dicere, hydatides, degeneratae (quod crediderim) aut vasa Lymphatica præter naturam expansa, non ausim certò affirmare; temporis




Fig. 44. ^{Pag. 5}



Fig. 42.





Fig. 43.



O B S E R V A T I O X L V I I . X L V I I I . 45

ris enim penuria, & morosorum consanguineorum præsentia ulteriore investigationem denegavit.

Figur. 42. *Hydatides supradictas demonstrat.*

O B S E R V A T I O X L V I I .

Cranii ex Contusione fissura ipsas suturas pervadens.

QUAM malè usum Partium comprehendant ii, qui Suturas eum solummodo in finem homini esse datas afferunt, ne, uno cranii osse fisso, alterum quoque findatur, norunt ii, qui contrarium istius nobiscum observarunt. Anno 1670. moles illa lignea, quā palos humo infigunt (Belgicè een Hey-blok) in cujusdam viri bregma devolvebatur, unde in terram prolapsus, omnique sensu interno privatus, sanguineque aribus affluente, brevi post animam Deo reddidit. Oblatum mihi fuit, mali causam investigandi ergò, cadaver. Cranio denudato, os bregmatis (si benè memini) sinistrum à parte superiore ad inferiorem ex toto fissum reperi: Quæ fissura progressum fecit per suturam squamosam, totum os petrosum, & os occipitis, ad magnum ejusdem ossis foramen; suturis ad fissuræ cursum sufflaminandum nil valentibus.

O B S E R V A T I O X L V I I I .

Fungus Palati cum Carie, scalpello & cauteriis feliciter extirpatus.

MULTI magni morbi saepius à nobis curarentur, si magis fiderent Medico, minusque meticulosi forent afflicti. Nobilissimus Dominus Colijn, Jurisconsultus, dum viveret, apud Amstelodamenses meritissimus, (cujus nomen, propter raram & inauditam animositatem in admittendis & sufferendis remediis, licet durissimis, præter morem appono) ante aliquot annos me convenit, dicens sese aliquid incommodi in postica & laterali parte palati sentire; quo viso & benè explorato, hisce usus sum verbis: Noli, spectatissime Domine, hoc malum floccifacere, & multo minus unicuique revela-

G

re;

re; verebar enim ne in manus incideret eorum, qui omnis generis remedia nil profutura illi præscriberent, imò periculum, quod erat præ foribus, interim augerent. Hisce auditus rogavit me Dn. patiens, qualis esset affectus, quomodo & quibus remediis morbo occurrere vellem? Respondi, malum consistere in carie posticæ & lateralis partis ossis palati cum carnea excrementia fungosa, eandemque excrementiam esse extirpandam, & ossis cariem inurendam. Patiens generosissimus hanc curam diu non distulit, ast verò quamprimum vocari jussit Allardum Cyprianum, Petrumque Adriani filium, Chirurgos dexterimos, qui eandem à nobis propositam commendarunt curationem. Itaque confectis cauteriis loco affecto appropriatis, universalibus præmissis, ut & dentibus aliquot molaribus, qui nobis in ipsa operatione obstitissent, evulsis, aggrediebamur curam ut sequitur. Omnibus prospectis, & ritè præparatis, monuimus patientem, ut digitum elevaret simul ac inustio suffocationis periculum afferret & diutius non esset ferendo, ipseque respirare vellet; nam experientià eramus edicti tantum fumum oritum, quantus in renovandis soleis equinis excitatur. Hisce monitis frustum ligneum digiti crassitie inter utramque maxillam immisimus, ne in Operatione os clauderet; posthac scalpello acuto, recurvato, & secundùm palatum accommodato abstulit alter Chirurgorum totum tumorem, alter interim buccarum partem interiorem spatulâ admodum latâ muniebat, ne à cauteriis nimis læderentur, in quem finem etiam spleniis è linteo carpo confectis & aquâ frigidâ madefactis buccis prospiciebat. Ablato tumore, cauteria (Figur. 43. &. 44. depicta) cudentia successive fortiter unum post alterum adacta sunt, donec nobis videretur sufficere: cùm interim patiens digitum attolleret, eduximus dicta cauteria cudentia. Hisce perfectis composuimus ægrum in lectum, non sine facetis verbis, quibus subridens nos alloquebatur. Interim præscripsimus hordeatum, ad ardorem compescendum, ut & oris collusionem, dolorem leniendi causâ. Sequenti die invenimus afflictum nemini magis esse dissimilem, quām sibi ipsi, ita intumuerat ejus caput, propter inflammationem immanem, unde etiam à febre haud manserat immunis. Hæc omnia remediis inflammationi resistentibus oppugnantes, brevi inde cessaverunt & inflam-

flammatio & febris. Interim ad escharæ casum promovendum, decoctum malvæ, ficuum &c. usurpavimus, addendo sufficientem quantitatem mellis rosacei, quod pro re natâ mutavimus. Post escharæ separationem omnibus rubicundis apparentibus, videbamur in portu navigare. Paulo verò post exigua particula carnis fungosæ in conspectum fese dedit, quod nobis ansam præbuit cogitandi malum non esse in totum eradicated. Itaque novam inustionem commendavimus, quam æger neutiquam renuebat, dicens: Facite quod artis est. Proximo die instituimus novas inustiones cum simili ferè eventu; caput enim rursum vehementer intumuit, comite febriculâ, quæ iisdem profligavimus remediis, brevique post in totum convalluit patiens, qui postea per plures annos incolumis vixit.

Figur. 43. & 44.

Cauteria in dicta Operatione adhibita demonstrant.

O B S E R V A T I O X L I X.

Similis casus, dissimilis verò eventus, ob Medicastrorum inscitiam.

Eodem ferè tempore Mercator quidam contra fungosum palati sui sarcoma, junctamque ei cariem, remedia quæsivit apud Pharmacopœos, & audaces Medicastros, quorum cæcâ & stolidâ temeritate malum eò deducebatur, ut prope modum esset inexpugnabile. Tandem sciolorum istorum nuggatoriis remediolis fatigatus me aliosque accersivit; Audito verò, sine inustione nil boni esse sperandum, recusavit nobis obedire, eò magis quod non deessent, qui eum spe recuperandæ valetudinis inescabant, solis scilicet medicamentis, loco affecto applicandis, quæ tanquam secreta, nec ulli revelanda servabant. Post aliquod tempus, me de novo consuluere consanguinei, dicentes, ægrum inustionem admissurum. Quid fit? Chirurgus, qui curationi præerat, inurere partem affectam volens, eum in finem cauteriolum, quo dentes cariosos inurere solemus, attulerat. Rogatus quid facere vellet, respondit, palati cariem inurere. Quum verò audivisset quilibus cauteriis indigeret ad opus illud perficiendum, animus

illi ferè defecisset; & sic patiens defectu requisitorum remediorum miserrimè per aliquot hebdomadas adhuc vixit, donec vitam cum morte commutaret.

O B S E R V A T I O L.

Hepatis durities & suppuratio feliciter finitæ.

Quantum sufferre possit pars adeò nobilis prout est Hepar, Medicorum monumenta testantur. Hic quoque recentebimus exemplum non inauditum, attamen rarum, quod in eadem parte accidit. Juvenis quidam Amstelodamensis, qui Chirurgiæ operam dabat, ante tres fere annos nobis querebatur de epigastrii tensione, cum dolore gravativo, ad Hypochondrium sinistrum sese extendente; tandem tumor durus ibidem ortus, cum aliquali difficultate respirandi & febriculâ. Hisce exploratis, hepar esse induratum judicavi; diversisque emplastris emollientibus applicitis, tandem cataplasmatis maturantis adminiculo tumor mollior redditus ad suppurationem pervenit, quo, post cauterii potentialis applicationem, phlebotomo aperto, multum puris effluxit, & brevi post, ulcere purgato, sanatus est. In hoc casu non est dubitandum, quin à prægressa inflammatione, gibba hepatis pars fuerit connata peritonæo, unde ulcere aperto, puri denegatus fuit in abdominis cavum decubitus. Ejusmodi exempla reperiuntur quoque in Observationibus curiosis Nobilissimi Viri Domini de Marchettis, Professoris Patavini, pag. mihi 120.

O B S E R V A T I O L. I.

Lien, Hepar, Renes Succenturiati &c. pro Glandulis sanguineis non ineptè haberi possunt.

JAm Lien glandula audit, nec immeritò: si enim glandulas Lieni saepius adsitas, imò & Thyoideas ritè examinaverimus, eas à liene parum differre, observabimus. Multum quidem à pancreate & glandulis salivalibus discrepat Lien, attamen jure merito pro glandula habetur: nimirum pro glandula sanguinea, id est sanguini inserviente, vel cum sanguine

guine respectu coloris conveniente. Ejus generis sanguineæ glandulæ quoque sunt, Renes Succenturiati, Hepar, & non nullæ spleni communiter adhærentes. In iis nullum vas excretorium peculiare, præter venam, hactenus repertum: Nec magis opus esse videtur, quam in ejusmodi glandulis congregatis, quæ Lymphæ ad cor reducendæ inserviunt: in quibus præter vasa Lymphatica nullum peculiare vas excretorium unquam conspicias. Dubitandum tamen non est, quin exaltationi & ulteriori perfectioni lymphæ inserviant, aut succum peculiarem ex arterioso sanguine intra se confiant, quem lymphæ impertiunt. Idem sentiendum de glandulis sanguineis, quæ sanguinis exaltationi & perfectioni inserviunt: Hinc deprehendimus quoque, liene obstructo, tumefacto, indurato, aut alias malè constituto, sanguinem fieri crassiorem & melancholicum. Lienem ergò pro glandula habendum, cum Celeberrimo Malpighio, Anatomico oculatissimo, censeo. Eò magis, quod aliquoties glandulas prope lienem inveni, lieni undiquaque similes. Memini, me ante aliquot annos in Nosocomio Amstelodamensi (in quo mihi Nobilissimi Consultissimique Domini Consules, ut & Præfides dicti Nosocomii Humanissimi cadavera dissecandi copiam concedunt) ejusmodi glandulas lienares aut lieni adsitas demonstrasse, in cadavere cuiusdam mulieris quadraginta præter propter annos natæ, & ex diarrhoea biliosa, cui junctus fuerat icterus, mortuæ. Præsentes habebam D. B. à Dortmund, Joh. Dankers, Rogier Rhoonhuyzen, Adriaan Coenerding, Viros de re Medica & Chirurgica benè meritos. In hoc cadavere me demonstrasse, inquam, præter scirrum nucis juglandis magnitudine, in ipso liene, duas glandulas lieni adsitas, imò lienii (solè magnitudine exceptâ) similes. Convenieban enim cum lienis colore extrinseco livido, & nigricante aut rufo intrinseco. Substantia plane quoque eadem cum liene. Inflatis vasis spleneticis extendebantur quoque vascula harum glandularum, à spleneticis vasis oriunda. Ita ut exiguos pseudoliens hasce glandulas nominare, haud absolum putemus, præsertim cum ita augeantur (liene indurato) ut nucem juglandem magnitudine adæquent, quemadmodum olim vidi.

OBSERVATIO LII.

Tumores à postico Capite infantium pendentes, ipso capite majores.

IN foetu récenter nato aliquoties tumores à capite propendentes conspexi, qui caput magnitudine superabant, ut videtis Figur. 45. Memini quoque me semel eundem vidisse tantæ molis, ut totum superaret foetum; unde partus quidem difficultimus erat, attamen, quum totus ille tumor solùm humoralis esset, non poterat partum omnino præpedire. Hi tumores, quantumvis impropriè hydrops capitis audirent, (quamdiu caput benè est constitutum) attamen tantam sæpius cum dicto affectu habent affinitatem, ut citò etiam moriantur foetus, si aperiantur dicti tumores; quemadmodum videmus in hydrocephalo. Communicant enim utplurimum humores in iis tumoribus contenti, cum latice aquoso qui in cerebri ventriculis stabulatur. Ejusmodi tumores aliquando animadverti non planè humorales, ast partim etiam carnosos, imò & ex parte cartilaginosos.

Figur. 45.

Caput fætus recens nati cum dependente tumore aquoso, demonstrat.


OBSERVATIO LIII.


Vulnus Thoracis penetrans, cum egressâ Pulmonis portiunculâ, sanatum.

Non solùm hepar, verùm etiam pulmo magnos quandoque perferre potest affectus, sine vitæ dispendio, modò ex arte tractentur. Famulus cuiusdam Nautæ fauciatus parte inferiore & anteriore thoracis, ad ejus usque cavum, Chirurgum vocari jussit, qui, visâ particulâ pulmonis è vulnere expulsâ (quam pro omenti parte habuit) illicò vinculo fortiter totum, quod erat expulsum, ligavit, & me statim in consilium voca-

Pag. 50.

Fig. 45.





vocavit : Quum verò à me audivislet, vulnus esse inflictum non in abdominis sed pectoris cavitatem, & eam quæ eminebat, & ab illo ligata erat, particulam, pulmonis esse portionem, obſtupuit. Rebus ita constitutis suasi vulnus ita esse relinquendum, & digestivo emplastroque defensivo singulis diebus ſemel ei eſſe proſpiciendum, donec particula pulmonis ligata, eſſet emortua, & ſua ſponte decideret, ea ſpe ſuſtultus, ut, qui ſub vinculo erat pulmo in ipſo vulnere conſolidaretur ; quod tam benè ſucceffit, ut brevi poſt convaluerit æger.

O B S E R V A T I O L I V .

Vulnus Orbitæ Oculi lethale.

VIr quidam ante aliquot annos baculi extremo, non admodum acuto, vulnerabatur in oculi ſinistri orbitâ, quæ ſolutio, quantumvis illis qui curationi præerant, videretur exigui momenti ; tamen brevi poſt acceptum vulnus, obiit patiens. Nobilissimi Prætor & Scabini hujus urbis mihi & Chirurgis Ordinariis injunxere cadaveris apertione, mortis ſubitaneæ cauſam investigandi ergò. Extrinſecè exiguam ecchymofin in oculi parte ſuperiore invenimus, aſt verò ſuperiore cranii parte ferrâ ademptâ, anguem in herba latere experti ſumus ; vulnus enim cerebrum iſum ſat profundè penetraverat : quod facillimè evenire potest eo loci, propter superioris partis orbitæ tenuitatem ; in multis enim chartam ſcriptoriam os ibi haud ſuperat, & præterea tam molle eixiftit, ut in multis ſolo dígito perforaverim. Itaque vulnera orbitis oculorum inflicteda non floccifacienda, præſertim ſi instrumenta, per quæ inferruntur, non ſint obtusa, aut vulnerati fiant ſomnolenti, nauſeabundi, febricitantes, vertiginosi, convulſi.

O B S E R V A T I O L V .

Acicula deglutita per inguinis abſceſſum exitum quærens.

NOn ſine ratione dicitur in proverbio, Naturam eſſe ſuic conservatricem : Hoc luce meridiana clarius mihi conſtituit in filiola cuiusdam Domini, quæ inſciis parentibus aciculam

Iam deglutiverat. Tumore duro & inflammatorio in inguine orto , non sine febre & dolore me accersi jusserunt parentes. Quum intellexissem tumorem non illicò , sed paulatim incrementum sumsisse , nullosque adesse vomitus , nec alvi indurationem , judicavi hunc tumorem bubonem esse , seu glandulæ inguinalis tumorem & inflammationem ; & cùm ita doleret , nil magis ad rem fore existimavi , quàm cataplasmatis emollientis applicationem. Hoc remedio à Chirurgo adhibito tumor nobis visus fuit ad maturationem vergere ; itaque maturantibus additis ad perfectam suppurationem eundem perduximus , & phlebotomi cuspide aperuimus tumorem. Quid fit ? statim simul cum pure copioso acicula ærugine obducta prodit , non sine excrementorum alvinorum commixtione. Hisce visis spes nobis quidem videbatur in angusto , non verò naturæ , quæ non raro ad sui conservationem mira molitur. Abscessum itaque mundificantibus & incarnantibus tractavimus , donec in totum esset consolidatus. In hac curatione non est dubitandum , quin in principio , suborta inflammatione , intestinum , ab aciculæ mucrone læsum , arctè connatum fuerit peritonæo ; (sicut in aliis inflammationibus quotidie fieri videmus) unde nobis occasio orta est excrementorum alvinorum liberaliter effluentium ; præterea obstaculo fuit , quo minus dicta excrementsa in abdominis cavitatem descendere potuerint.

O B S E R V A T I O L V I .

Asthma serosum cum notabili renis calculo.

Intra omnia , quæ hactenus dissecui , humana cadavera , non memini ullum majores in rene calculos mihi exhibuisse , quam ii erant , quos sequentibus Figur.... depictos vides. Anno 1684. in Nosocomio (præsentibus Spectatissimis Viris , Dominis B. Dortmuntio & Johanne Verwout , Collegii Medici Inspectoribus dignissimis : R. Rhoonhusio , & A. Connerdingio Chirurgis Nosocomii meritissimis) cadaver mulieris quadraginta circiter annorum , asthmate mortuæ , dissecui , in cuius cellulis membranosis , ut & bronchiis pulmonalibus tantum aquæ spumosæ fese offerebat , ut ex particula abscissa guttatim efflueret. In infimo ventre stomachum & intestina , loco




Fig. 47.




Fig. 46.





Fig. 48.



loco suo naturali relicto, Hypogastrum occupasse, observavi. Uterum non in pelvis medio, ast in latere sinistro situm reperi; Cætera sana. Pelvis renis, ut & ren sinister prodigioso calculo erat obfessus, magnitudinem & formam ingentis radicis Zinziberis apprimè referente, sicut Figur. 48. monstrat.

Figur. 46. Expositio.

- A. Ren sinister per medium dissectus.
- B. Ureter justo capacior.
- C. Vasa sanguinea partim per ureterem, partim per membranam renis adiposam disseminata.
- DDD. Calculi partes eminentes.

Figur. 47. & 48. Explicatio.

- A. Idem calculus à rene separatus in pelvi hærens.
- B. Ureter magis expansus.
- C. Pelvis.
- D. Idem calculus totaliter denudatus, ut ejus forma & magnitudo prodigiosa videri possint.

O B S E R V A T I O L V I I .

In Puello trienni calculi insolitæ magnitudinis.

PUellus tres annos præter propter natus, plus quam quinq̄inta calculos excreverat, inter quos multi fuere magnitudine pisi minoris, ex relatione Domini Doctoris Bronckhorstii Medici Amstelodamensis, dum viveret, celeberrimi. Quantis cruciatibus miser ille fuerit vexatus, facilis est conjecturæ; neque cessarunt. Aperto dein cadavere, inveni renis sinistri pelvim admodum dilatatam, calculoque ingentis magnitudinis (pro ratione scilicet ætatis, quamobrem hanc recensere historiam mihi animus fuit) obfessam. Vide Figur. 49.

H

Figur.

Figur. 49. Explicatio.

- A. *Ren sinister.*
- B. *Ejusdem pelvis calculo magno referta.*
- C. *Ureter.*
- DD. *Calculi duo in dicta pelvi reperti.*

O B S E R V A T I O L V I I I .

Molarum Origo & Natura.

Mola dicitur caro deformis, ossibus destituta, & ex imperfecta aut mala conceptione generata. Quod si verum sit, mirari subit, ejusmodi molas à virginibus (aut saltem, de quibus nulla alia suspicio erat) fuisse exclusas, sicut ostendit Figur. 50. Vetulas Viris non utentes aliquando in lucem exposuisse tales molas, observavi. (Vid. Figur. 51.) Sæpiissimè in abortu, fœtu enixo, remanet per aliquot septimanas, imò menses, placentula, quæ à compressione uteri non solum uteri figuram adipiscitur, verùm etiam sæpius ita induratur, ut carnis substantiam duritie longè superet, & pro mola habeatur. Jam à viginti annis Nobilissimi & Amplissimi Domini Consules & Scabini ad ulteriora infortunia (de quibus multæ audiebantur querelæ) vitanda circa obstetricationem, injunxerunt Collegio Medico & mihi, ut omnes, quotquot essent Amstelodami Obstetrics examinaremus; quarum numerus haud erat exiguis: hasce fere omnes interrogavi, quid circa molas observassent, nulla verò earum nobis vel aliquid potuit revealare, unanimiter dicentes, sepe quidem corpuscula carnosa & dura offendisse, quæ è mulierum corpore erant exclusa, ait verò nunquam viventia, sicut nonnulli credidere. Aliquando utero expelluntur Sarcomata, quæ pro molis habentur; farcomata, inquam; quia præter carnem nîl in iis deprehendi: ejusmodi excrescentias uterinas per pedunculum utero adhaerentes observavi in ipso utero, dum mulieres in partus laboribus essent, & excretarum iconem exhibit Figur. 52. Illud verò neutiquam mirandum, quandoquidem in ipso etiam stomacho, & vesica urinaria ejusmodi corpuscula excrescere observavi.

Itaque

Fig. 52.




Fig. 51.




Fig. 53.






Fig. 50.





Itaque verosimile admodum est, Molas ita decantatas nil aliud esse, quam ejusmodi carnosas Uteri excrescentias, aut placentalas retentas, & ab utero, uti supra innui, compressas; neutiquam verò è mala conceptione ortas.

Figur. 50. 51. 52. Explicatio.

- A. *Carnea excrescentia vetulae Utero exclusa.*
- B. *Carnea uteri excrescentia, quam mulier à longo tempore gestarat, tandemque excreverat.*
- C. *Carnea moles, quam ipsemet sensi uteri interiori membranæ adhærere, idque in muliere in partu versante.*
- c. *Pedunculus è quo dependebat.*

OBSERVATIO LIX.

Vulvæ Rectique Intestini Gangræna & Perforatio feliciter curatæ.

IN gravioribus affectibus haud decet Medicum facile desperare; saepius enim fiunt, quæ fieri posse pernegares. Reperiuntur Ardeliones, qui non verentur mox exclamare: *Non curabitur. Non eluctabitur. Moriendum est ægro, &c.* Attamen si nomini & famæ suæ cuperent consulere, cautius certè prognosticari deberent. Uxor cujusdam Pistoris Amstelodamensis, ob partum difficilem, incidit ante aliquot annos in vulvæ intestinique recti gangrænam adeò enormem, ut multi existimarent afflictam brevi è vivis excessuram. Post gangrænæ separationem foramen vulvæ à nobis repertum fuit tantum esse, ut facillimè nux juglans viridi cortice obducta per illud ad intestini recti cavitatem inferi potuisset: Unde fæcibus alvinis dabatur locus, ut ex intestino recto ad vulvam nullo negotio transirent; id quod in tali casu admodum familiare, vulva enim tam arctè cohæret intestino recto, ut quasi continuum sint corpus: Itaque si alterutra pars afficiatur, altera nequit remanere immunis. Chirurgus, qui mecum curationem suscipiebat, excogitabat instrumentum è bractea confectum, in forma pessarii excavati, cuius superficiem exteriorem obduxerat sarcotico medicamento: quale juxta Theoriam Chirurgi-

cam equidem non erat improbandum, sed tamen in praxi præsenti inutile fuit repertum, neque enim illud perferre potuit ægra. Itaque dictis medicamentis, plumaceolis exceptis, aperturae dictarum partium prospeximus, quibus brevi in totum reconvaluit hæc puerpera. Ubinam jam sunt scioli, qui effutiunt ejusmodi malum esse incurabile, & sine fistula remanente nunquam curam posse absolvit? Sciant non solum hanc puerperam in totum fuisse restitutam, ita ut nulla superesset labes, verum etiam diversas ex eodem affectu à nobis esse curatas. Hoc verò discrimin in gangraenis earum partium animadverto: scilicet, si partes posteriores, nempe quæ os sacrum respiciunt, tali afficiantur morbo, facilis curantur, propter intestini recti carnositatem, vulvæque dispositionem, quæ versus intestinum rectum non gaudet tot rugis transversis, nerveis, & duris, curationi obstaculum inferentibus, sed quod omnia ibidem molliora, curationique magis prona. Præterea in parte anteriore, nempe, quæ meatum urinarium respicit, propter continuum Urinæ stillicidium sanatio præpeditur, unde tunc sœpissimè fistula relinquitur incurabilis.

O B S E R V A T I O L X.

Capitis Contusioni solo fomento, absque incisione per imperitum temerè commendatâ, feliciter prospectum.

Quod si verum sit Hippocratis effatum, Experientiam nimis fallacem, eò magis verum esse dixerim, fallacissimam esse praxin sine experientia. Mulier quædam è curru cecidit in terram gelu induratam, unde frons tam vehementer fuit contusa, ut ingens statim ibidem elevaretur tumor. Chirurgus suburbanus tumore explorato, & ægrotam aliquoties vomuisse intelligens, cranium esse impressum & fissum, nec sine cruciali incisione & ossis elevatione posse curari judicavit. Hisce propositis, adstantes me vocari jusserunt quando ego hanc propositam encheires in renuebam, nulla quippe cranii fissi signa præstò esse asseverans. Ad hæc respondit audaculus ille incisor, sepe digitis impressionem sentire, nullam verò esse impressionem sine fissura. Revera nisi ejusmodi tumores sœpius in capite digitis explorasset, perque ex-

experientiam de eorum vera natura edoctus fuisset, dixisset
 & ego ipse cranium esse impressum: Ita enim tumores capi-
 tis post graviorem contusionem sæpiissimè palpantibus sece of-
 ferunt. Quando namque locus inter tumorem & partem sanam
 digito comprimitur, cranium sæpè videtur impressum, sicque
 junioribus facile imponit. Proinde cauti hi esse debent, ne in
 similem incident errorem. Itaque loco crucialis incisionis fo-
 mentum ex optimis cephalicis applicatum est, ceu videtis infra
 scriptum, cuius beneficio tumor intra duos tresve dies evanef-
 cere coepit, atque ægra nostra brevi convaluit, sine ulteriori
 magno remedio externo. Non solùm autem in hoc casu, ve-
 rùm etiam in cranii vera fractura, in qua symptomata non
 augentur, haud statim ad incisionem & terebrationem esse
 confugiendum, existimo. Præstat post venæsectionem ejus-
 modi adhibere fomenta Cephalica, quæ non parcè, nec linteis
 exiguis, sed latioribus pannis laneis, calidè sunt applicanda,
 totumque caput iisdem obvolvendum. Sic non raro felicissimè
 opem tuli iis, quorum capitibus jam scalpellum incisorium im-
 minebat.

Fomentum Cephalicum suprascriptum.

¶ *Herb. Betonicæ,*

Majoranae an. m. ij.

Salviæ,

Rutæ an. m. j. ss.

Flor. Stæchados,

Lavendulæ an. m. s.

Rosarum rub. m. j.

Cog. s. a. ex s. q. vini alb. ad ib. iij.

Colatura detur usui.

O B S E R V A T I O L XI.

*Uteri post partum inflammatio, subinde ab Obstetricum
 temeritate oritur.*

Inter omnes affectus, quibus obnoxius est Uterus, haud in-
 firmæ notæ est Uteri induratio & inflammatio tempore par-

tus; per quam multæ è medio tolluntur puerperæ. Sæpiùs miratus fui in nonnullis parturientibus Uterum tam facile inflammari, in aliis verò non. Vidi in puerperis post partum, & quidem satis facilem, Uterum inflammatum. Discant ergò Obstetrics uterum neutiquam fortiter extrinsecè comprimere, ut foetus caput versus uteri osculum ducant; discant cautiùs agere in secundinis extrahendis, ne abdomen & per consequens uterum nimis comprimant. Sint prudentiores Obstetrics in obstetricatione, ne continuè absque necessitate manus in utero habeant, à qua frictione non raro expertus sum uteri partem inferiorem fuisse inflammatam. Et quid dicendum de illis audaculis & temerariis, quæ non verentur digitos in anum intrudere, ut foetus capiti exitum parent, unde tam facile inflammantur intestinum rectum, & partes huic adsitæ. In summa absit omnis crudelis Uteri tractatio, ne tale amplius occurrat malum abominandum.

O B S E R V A T I O L X I I .

Lien in pelvim prolapsus, ejusque naturalem locum occupans analogum aliquod corpusculum.

In corporis humani partes, quæ situm naturale aliquando mutant, non infimum locum obtinet Lien, qui in statu naturali sub costis spuriis palpari digitis nequit. Verum enim verò in statu præternaturali ejusdem magnitudine aucta, fit, ut mole ac ponderositate sua aliquando ita descendat, ut non solum sub costis nothis, verum etiam in hypogastrio manu evidenter sentiri possit. Anno 1670. Mulier quædam in Nosocomio nostro, post dolorosum & difficilem partum, in hypogastrio duritiem contraxit, non sine dolore vehementissimo. Nonnulli suspicabantur placentam uterinam intùs retentam, duritiem illam producere. Variis itaque usurpatiis remediis eandem nitebantur expellere, quibus tamen nil efficientibus, animam Deo tandem reddidit puerpera. Difsecandi cadaver ansam & copiam mihi faciebat eo tempore Nosocomii Medicus ordinarius, Gerardus de Penijn. Partes interiores omnes sat is benè dispositas deprehendi, præter Lienem, qui naturali liene octuplo, & quod excedebat, major, & bilanci impositus qua-

quatuor libras pendens in pelvim descenderat: in cuius naturali loco lienii analogum comparuit corpus, castaneæ majoris magnitudine, colore autem substantiâque lienem exactè referens. Vide Clarissimi Domini Schraderi Observationes rariores Anatomico-Medicas, Decad. III. Obs. 4. ubi eandem recenset historiam.

O B S E R V A T I O L X I I I .

Tumor Ventris oblongus post partum, ex omenti coarctatione.

Quale essent tumores illi duri & oblongi, quos mulieres post partum in abdomen non raro retinent, tam diu anceps hæsi, donec, data mihi occasione, in dissectione cadaveris cujusdam rem perspicuè detegerem: quando observavi Omentum duos ferè digitos crassum, tres digitos latum, spithamam cum dimidia longum, & in substantiam adipo-carnosam degeneratum, atque insuper scirrhosum. Vide Figur. 53. Ejusmodi tumores in abdomen viventium mulierum, postquam pepererunt, multoties contractavi, quorum nonnulli transversim positi erant, alii situm obliquum obtinebant. In tali casu crediderim omentum à visceribus circumiacentibus, tempore gestationis, aut quum utero gerunt mulieres, aliquando ita comprimi, ac in se ipsum adigi ac cogi (Belgicè *soo in malkander gaat zitten*) ut non nunquam inflammetur, incrassetur, & ita concrescat, quemadmodum fieri videmus in aliis membranosis corporis humani partibus, postquam inflammationem, quantumvis levem, conceperunt. Notandum quoque hosce tumores oblongos manibus, dum vivunt mulieres, ita saepius comprehendendi posse, ac si quis farcimen manu prehenderet. Mulieres eos tumores, sine magno, imò aliquando sine ullo dolore, ast non sine aliquali incommodo, per plures annos gestasse, aliquoties notavi.

Figur.

Figur. 53. Declaratio.

- A. Stomachi pars inferior.
- BB. Omentum integrum scirrhosum factum, & farciminis instar in se ipsum adaelum.
- C. Incisio à me facta, ut intrinsecum, quasi lamellatim dispositum, conspici posset.
- D. Uteri fundus, cui connatum erat omentum.
- E. Uterus circa osculum abscissus.
- F. Uteri ligamenta.

OBSERVATIO LXIV.

Vermes passim intra viscera delitescentes.

AN omnia ex ovo generentur, uti Harvæus & ejus Sectatores perhibent, dubitandi ansam mihi dedere Vermes in arteriis equorum viventium, ut & vermes in hepatis parenchymate glanduloso, aut glandulis, ut hodie audit, imò in ductu cystico & poro bilario ovillo, & vesicula fellea sæpiissimè inventi & infra depicti. In Renibus humanis semel eos me vidisse memini: quales in canum renibus longè frequentius occurrunt. Vermes quoque in cerebro esse repertos, nemo ibit inficias, qui magni nominis Authores evolverit. Per quas vias isthæc animalcula eorumve ovula in corporis interiora sese insinuaverint, haud in proclivi est determinare. Per poros enim cutis, per partes respirationi inservientes eos ad dictas partes pervenisse probabile non videtur, multoque minus eorundem ova per os introitum habuisse, & ulterius ad dictas partes penetrasse neutquam verosimile videtur: neque enim in ventriculo, in quo ob chylificationem notabilis fit fermentatio & destructio assumtorum, integra manere potuissent. Vasa quoque chylosa aut laetea nequeunt ovis transeuntibus viam præbere. Adde quod nullus mortalium unquam ejusmodi vermes extra corpus viderit. Itaque ancipitem hærere hic oportet, donec vera & indubitata lux nobis affulgeat ab ingenio illorum, qui omnia mathematicè & à priori (si Diis placet) demonstrare gestiunt.

Se-

Fig. 53.

A

B

C

B


D

E

F








B



C



A



D



E



Sequentes Figuræ vermes supra memoratos
demonstrant.

- A. *Vermes in ipsa hepatis substantia Aselli majoris reperti.*
- B. *Vermis per vias urinarias excretus.*
- C. *Vermis è piske Bel. Bley desumtus.*
- D. *Vermes in aneurismate arteriæ magnæ reperti , idque in equo.*
- E. *Vermes è ductu cystico & poro bilario Ovis desumpti.*

O B S E R V A T I O L X V .

Hepar magnâ ex parte in hydatides degeneratum, & ab imperito temerè confossum.

Hepatis substantiam glandulosam, aut è minimis glandulis esse compositam, variis Observationibus jam ante comprobavi; glandulas in hydatides degeneres multoties quoque demonstravi. Hic verò historiam, satis mirabilem, recensere animus est de hepatæ magna ex parte in hydatides degenerato. Chirurgus quidam temerarius, in loco quodam suburbano habitans, paracentesin in thorace instituturus, ob hydropem pectoris (ut sibi imaginabatur) me in consilium vocari jussit; quando tamen propter adversam valetudinem illuc pergere haud potui. Quid fit ! Proprio marte, idque solus, non thoracem, sed in hypochondrio dextro abdomen perforat. E vestigio hydatides multæ successivè erumpunt. Hisce visis obstupescens turundam indidit, & me convenit , ast incassum, brevi enim post obiit misera fæmina : unde nobis rem penitus investigandi occasio relinquebatur. Aperto igitur thorace, nil liquoris præternaturalis invenimus. Imo viscera benè ibi vidimus constituta. In abdomen verò Hepar peritonæo connatum, & propriæ substantiæ loco ex hydatidibus magna ex parte coagmentatum sese obtulit. Hanc hepatis partem peritonæo connatam perforaverat iste audaculus, cùm apertio in thorace institueret ; & ex ea Hydatides proruperant. Quod eò facilius contigit, quia tota substantia hepatis eo in loco in hydatides degeneraverat: ita ut inter cavitatem illam & peritonæum,

sola membrana, hepar ambiens, peritonæo connexa, intercederet.

OBSERVATIO LXVI.

Exsectus Lien vivi Canis, non obstante notabili hæmorrhagiâ, superstis.

VUlnera abdominis penetrantia cum modica sanguinis effusione in ejus cavum, sine laesione tamen visceris nobilio-
ris, non tantum periculi afferre mihi videntur, ac nonnulli quidem voluerent. Exemplo sit nobis canis mediocris magnitudinis, cuius splenem, in discipulorum gratiam, nuper exsecui, post ligationem vasorum spleneticorum, arteriolâ epiploicâ neglectâ. Absciffo liene cum annexis & ligatis vasibus, tantum effundebat sanguinis dicta non ligata arteriola, ut jamjam videretur moriturus canis. Eâ tamen sine vinculi injectione in abdomen intrusâ, ubi dubio procul non statim desit sanguinem effundere, vulneri futurâ abscissâ prospexi, & brevi temporis spatio, id est intra 6. 7. dies, vulnere consolidato convalluit canis. Primis à sectione diebus, nec cibum nec potum appetebat, subinde vomendo. Post hosce dies cibum avidissime devorabat, quemadmodum in hunc usque diem.

Itaque vulnera, in abdominis cavitatem penetrantia, cum sanguinis effusione modicâ in ejus cavum sine visceris nobilio-
ris laesione per se lethalia haud sunt pronuntianda, quantumvis paracentesi nullus ferè hic detur locus in tali casu. Anxiè inquirendum non est, quando, & per quas vias dictus crux à natura superabitur: experientia saepius confirmavit, ejusmodi sanguinis effusiones sine ulla noxa fuisse reparatas. Praeter vias adeò decantatas, uti sunt alvus, pori, renes, &c. alios quoque esse meatus credo, nec ipsa Lymphatica & sanguinea vasa secludenda puto. Sanguis enim extra vasa effusus, & in cavi-
tate hac vel illa conclusus, aut concrescit, aut fluidus rema-
net. Si concrescat, sicut post venæsectionem fieri videmus in scutellis, dubio procul post aliquod tempus, si non in to-
tum, saltem maxima ex parte etiam in serosum resolvitur hu-
morem, sicut venâ sectâ quoque videmus fieri; & sic
aptus natus redditur ut partim recipiatur à vasis. Si verò
non

non concrescit effusus crux, non minor est ratio, quod à vasis, præsertim venis, resorberi possit; modò quantitas sit modica, & aër secludatur. Si verò multum sanguinis detineatur in abdominis cavo, vulnusque magnum, aërque non secludatur, corruptitur sanguis, febres accedunt, & vulnerati in periculo magno versantur.

O B S E R V A T I O L X V I I .

Spina Dorsi in circulum recurvata.

Intr ossium affectus nunquam me vidisse memini rariorem, quām talem ferè in nihilum redactionem Corporum, (sic dicuntur partes anteriores vertebrarum) in qua corpora aliquot vertebrarum ita in se invicem erant adacta, ut vix corpori unius vertebræ in omni dimensione responderent; & quod omnium admirationem excitare aptum est, in Musæo nostro reservamus septem dorsi vertebras per ancylosin aut osseam substantiam coalitas, & in orbem ita recurvatas, ut corpus supremæ vertebræ cum corpore infimæ sit conjunctum. Vide Fig. 54. 55. Corpora quatuor dictarum vertebrarum vix unius vertebræ corpus adæquant. Videmus in gibbosis spinam dorsi semper recurvari: verum enim verò ita incurvari, ut unius pars suprema cum alterius parte infima fit conjuncta, summam meretur admirationem. Gibbosum fuisse hominem, è quo desumptæ sunt dictæ vertebræ, non est dubitandum: satis verò mirari non possum, quomodo corporibus vertebrarum in se invicem ita adactis, ac si sub prælo fuissent pressa, (unde multo brevior reddita erat spina) hoc fuerit ferendo spinalis medulla, pars adeò nobilis, & tantâ sensus teneritudine prædita, ut vix ac ne vix quidem lædi sine summo corporis detrimento possit. Siquidem dictus affectus morbis congenitus fuisset, non foret tam mirabilis, ast verò credibile est post nativitatem vertebras eandem incurvationem contraxisse, in gibbosis enim pluries contingere talem corporum vertebrarum in nihilum redactionem, varia specimina in nostro Musæo conservata testantur.

Figur. 54. Explicatio.

- A. Septem vertebræ spinæ dorsi lateraliter visæ, quarum corpora per osseam substantiam non solum connata sunt, verum etiam corpus supremæ adnata est corpori infimæ.
- B. Corpus supremæ vertebræ.
- C. Corpus infimæ.
- D. D. D. D. D. D. Spinosi processus.
- d. d. d. d. d. d. Processus transversi.

Figur. 55. Easdem septem vertebrae, parte anteriori visas, repræsentat.

- A. Corpus supremæ.
- B. Corpus infimæ.

O B S E R V A T I O L X V I I I .

Ventriculi & intestinorum ob inediam prodigiosa contractio.

Post inediam diuturnam, & post atroces dolores, non solum emaciari corpus humanum, verum etiam aliquando & stomachum cum annexis intestinis ita contrahi, ut nil minus quam intestina & stomachum repræsentent, observavi. Hujus mali exemplum ostendimus in cadavere cuiusdam viri Nobilis, præsentibus Dis. Pisone & de Dieu, Medicinæ Doctoribus celeberrimis, ut & Chirurgo à manu Anthonio Paemburgio; cuius ventriculum in intestinum degenerasse dixisset. Vide Fig. 56.

Figur. 56. Explicatio.

- A. A. Stomachus humanus valde contractus è corpore adulti.
- B. Os sinistrum Stomachi.
- C. Os dextrum s. Pylorus.
- D. Portio intestini duodeni.
- E. Oesophagi seu gulæ particula.




Fig. 55.








Fig. 54.





Stomachus postica parte visus,



OBSERVATIO LXIX.

Valvulae Cordis ossæ & coalitæ.

IN Corde humano ossa reperiri non est planè insolitum. Nulus verò Authorum, quos legi hactenus, de cordis valvulis deformibus & osseis factis, atque in totum coalitis, quicquam memoravit. A longo tempore de asthmate & dyspnœa conquestus Mercator quidam, cui pulsus tandem adeò parvus factus est, ut nemo adstantium eum sentire valuerit per aliquot dies, & sic in continuas incidens lipothymias, diem suum, nullis remediis levamen afferentibus, obiit. Cadavéris disse candi copiam mihi fecère R. van Zeyl, L. Mahiu, van Tongeren, aliique Medicinæ Doctores dignissimi, qui curationi præfuere. In pectore mali causam haud frustra investigavi, totum enim thoracem latice aquoso repletum conspexi; Cor propter animi deliquia, (quæ in fine morbi sæpius percessus fuerat) & pulsus defectum, perscrutans, Valvulas Cordis Semilunares dictas, deformes, in osseam substantiam degeneratas, & ita coalitas, observavi, ut nulla visibilis via aut exitus sanguini è corde amplius superesset: sicut Fig. 57. repræsentat, & Musæum nostrum exhibet. Rogabit hic quis, quomodo vivere potuerit æger postquam sanguinis è corde egressus in totum fuit impeditus, propter ossificationem, & coagulationem valvularum semilunarium? & haud dubitandum esse, sanguinis fluxum perseverasse quantum ad vitam absolutè necessarium fuit, donec flamma vitalis obrueretur, propter omnimodam occlusionem & obturbationem dictæ viæ. Dixi me nullam aperturam naturalem vidisse, neque pulsum ultimis diebus perceptibilem fuisse. Sed ex iis haud constat, pulsum & sanguinis egressum tunc è corde in totum fuisse prohibitum: Vixit quamdiu aliquid adhuc restaret pulsus, & sanguinis è corde effluxus. Quibus deficientibus, moriendum erat ægro.

Figur. 57. dilucidatio.

- A. Pars arteriæ magnæ circa cordis egressum.
- B. Valvulae in exitu cordis sitæ, & ab ossificatione & coagulatione tam deformes factæ, ut nil minus quam valvulas semi-lunares repræsentent.
- C. Pars arteriæ magnæ ascendentis.
- D. Pars arteriæ magnæ descendens.

OBSERVATIO LXX.

Partium quarundam induratio in Hydropica.

Atrophia & corporis marcore partes nonnullas indurescere, imo ossescere, vel lippis atque tonsoribus notum. Id autem etiam in hydropicis contingere posse, sequens probat exemplum. Mulier quædam Utero gerens, & hydrope ascite simul laborans, syndromen malorum tempore gestationis perpetua est. Enixo fœtu maturo non desiere illam vexare ascites, præcordiorum anxietates, dolores intolerabiles, & multa alia mala; donec Deo ter Opt. Max. placuit, miseriis ejus finem morte imponere. Cadaveris apertione latici aquoso exitum paravi. Quo facto, peritonæum variis in locis duris particulis, arenulas mentientibus, conspersum, venamque portæ ex parte osseam factam, reperi. Vide Fig. 58. Venamque ipsam domi reservo. Cætera viscera fatis bene erant constituta, Omento excepto, quod in totum erat consumptum.

Figur. 58.

Exhibit portionem Venæ portæ ossificatam.

OBSERVATIO LXXI.

In Fœtu cutis circa umbilicum defectus lethalis.

MUltoties infantulos vidi in lucem editos, quibus abdominis cutis & muscularum pars in ambitu funiculi deerant, magni-




Fig. 60.




Fig. 61




Fig. 59.

magnitudine solidi argentei, (Belgicè *een schellingh*) ita ut intestina eo loco tenuissimâ tantum pelliculâ tegerentur: vide Fig. 59. Hunc affectum sæpius à me visum, ast nunquam curatum memini: Omnes enim ab utero ad tumulum delati fuere 5°, 6°, 7°, 8°, aut 9°. die. Iste affectus ab aliis audit *Hernia umbilicalis*, à qua tamen multum discrepat; nulla enim hernia potest dici *umbilicalis*, antequam *umbilicus* existat, quemadmodum in recenter natis, in quibus nullus *umbilicus*; nisi in tam larga significatione hanc sumferis vocem, uti nonnulli feceré, qui funiculum *umbilicale* subinde *Umbilicum* nominarunt. *Umbilicus* propriè loquendo est rugosa illa particula cutanea in abdominis medio prominens, quæ post nativitatem decidente funiculi particulâ remanet, sæpiissimeque summoper extēdit, & *Hernia Umbilicalis* audit. Hic verò habemus morbum in Numero; cutis enim & cuti substrati musculi in funiculi *umbilicalis* ambitu deficiunt, unde funiculus *umbilicalis* sese quoque circa insertionem in abdomen ita extēdit, ut pellicula tantum videatur, intestinaque transpareant. Hic affectus omnem perfectam curationem eludit, itaque palliativa instituenda, solo emplastro diapompholigos, aut simili, quod nullam obtinet tenacitatem, ne nimis parti teneræ adhærens, viscerum eruptioni occasionem præbeat.

Figur. 59. Explanatio.

A. *Pars fœtus septimestris.*B. *Crura.*C. *Abdomen.*D. *Funiculus umbilicalis circa insertionem in abdomen, qui*EEE. *Ita expansus ut pellucidam membranam repræsentet, & intestina transpareant.*F. *Funiculus umbilicalis.*

O B S E R V A T I O LXXII.

A cutis circa fœtus umbilicum defectu, viscerum profuso.

EX affectu supracitato malum multò deploratus semel vidi ortum, quum solito esset difficilior partus: Nempe intestina,

stina, stomachum, lienemque è corpore effusa, fœtu per aliquot horas adhuc vivente, quantumvis omnia dicta viscera essent nuda, & omni integumento destituta; hic nobis motum peristalticum intestinorum videre difficile non erat. Quām male audiant Obstetrics, quibus hoc in obstetricatione contingit, si Medici hac in re imperiti accedant, qui hoc malum nunquam viderunt nec norunt, facile est colligere. Non Obstetrix, ast cutis & cuti substratorum musculorum defectus in causa sunt viscerum eruptionis, quæ in partu, præsertim diffi- ciliori, exitum quærunt.

OBSERVATIO LXXIII.

Casus non minus notabilis circa cutis muscularumque abdominis defectum.

Affectus supra memoratus semel mihi obvenit in foetu jam in lucem edito, in quo maxima pars cutis muscularumque in anteriore abdominis parte deficiebat. Hic videbamus viscera solo peritonæo tecta, quod adeò tenue existebat, ut non solùm viscera distinctè videremus, verùm intestinorum motum peristalticum. Hic vixit per diem unum atque alterum.

OBSERVATIO LXXIV.

A Pyloro relaxato Appetitus caninus.

Quamvis variæ appetitus canini & lienteriæ intra viscera delitescant causæ, evidentiorum tamen nullam unquam offendit, quam nuper reperta est in dissectione cadaveris foecminini, præsente D^o. Joh. Smedingh, Medicinæ Doctore præstantissimo. Mulier quædam à longo tempore appetitu canino vexata assiduâ aviditate cibos ingerere debuit ac voluit. Stomachus alimentis infarctus, eadem haud diu retinere potuit, propter pylori relaxationem: Unde intestina justo celerius onerabantur cibo, quorum quidem munus similiter est ulteriori ciborum coctioni inservire, non tamen cibum crudum in chylum convertere: Itaque paulo post pastum semper

per ferè de torminibus ventris fuit conquesta, idque tam diu donec Deus ter Opt. Max. hisce miseriis finem imponeret morte. Aperto cadavere viscera satis bene constituta reperiebantur; solo Stomacho excepto, cuius Pylorus, ut mox ante dictum, ita erat relaxatus, ut omnes digitos junctim compositos admitteret.

O B S E R V A T I O L X X V .

Notabile Vesicæ vulnus feliciter sanatum, succedente Hernioso tumore.

Quanti sint momenti vulnera Vesicæ circa fundum aut latus inficta, ex eo constat, quod multi eadem lethalia pronunciarint. Quin difficilioris sint curationis, gravioraque inferant symptomata, nullum est dubium: at verò notabilia partis istius vulnera ad consolidationem perduci, hoc certè rarum esse nemo non fatebitur; subinde tamen observatum. Præterito anno Civis Amstelodamensis in hypogastrio fauciatus, tantum accepit vesicæ vulnus, ut ne guttam quidem urinæ amplius per penem excerneret; è vulnera contra tantum urinæ continuè profunderetur, ut æger in lecto quasi nataret, & omnia abundè humectarentur. Post vulnus inflictum, brevi scroto tumefacto, in levem incidit gangrænam scroti, non sine animi deliquiis. Huic gangrænam, cataplasmatibus convenientibus è Phellandrio, mica panis, & vino occurrentes, brevi eandem vidimus coercitam, multumque solatii obtigit ægro, duabus spongiis lateribus vulneris applicitis, quæ maximam urinæ partem resorbebant. Post aliquot dies in ipso vulnera, sarcoticis medicamentis linteo carpto exceptis prospetto, exiguum conspeximus incarnationem, & per penem sanguinis grumosi portionem cum guttis aliquot Urinæ ejectam; quod nobis & ægro animum addidit. Sequentibus diebus incarnatione tantum sumfit incrementum, ut omne lotium per penem redderet, breve post sanaretur. Ab hoc tempore bene sese habuit; nuper verò sine prægressa notabili causa conquestus est de exiguo dolore circa cicatricem, qui locus in tumorem coepit attolli, dubio procul herniosum: hoc enim saepius comperti, post sanata vulnera in abdominis cavum penetrantia, her-

niam exoriri ; propterea quod peritonæum raro ad perfectam coalitionem pervenire soleat , quamobrem prudenter agunt , qui post ejusmodi curam cingulum per aliquot annos gerunt ad præcavendam herniam. Curationi supra memoratæ mecum præfuere Dom. Van der Wenden , Medicinæ Doctor eximius , ut & Johannes de Wall Chirurgus satis expertus.

O B S E R V A T I O LXXVI.

Linguæ ulcerosæ durities scalpello & cauterio extirpata.

QUæ in monetis Belgicis invenitur inscriptio , *idem Tutor & Hostis* , (nempe Mare) eandem Dentibus nostris accommodare liceat ; qui benè constituti (præterquam quod linguæ & faucibus tutelæ sunt) cibum diminuunt , variisque in rebus nobis inserviunt ; malè è contra affecti hostes nobis infestissimi evadunt. Ecquæ pars corporis tam immanes in nobis excitat dolores , prout illi , simul ac cariosi redundunt ? Imò ne linguæ quidem parcunt , quæ ab illis cariosis non raro ita induratur & exulceratur , ut homines è medio tollantur. Varia in medium possem proferre exempla , ast illa extra scopum forent. Videamus solummodo quomodo curanda sit lingua , ab hac causa non solum indurata , verùm etiam exulcerata. Curatio isthæc semper ab evulsione dentium malè constitutorum est inchoanda , linguæque Mel rosarium , cum Olei vitrioli tantillo pro re nata mixtum , applicandum , idque sèpius uno die , quia diu non adhæret parti affectæ : si huic aut simili remedio non cedat malum , tumorque incrementum sumat , aut pars affecta magis magisque exulceretur , & magis fungosa appareat , aut labia recurventur , tota pars linguæ indurata & exulcerata extirpanda , & post extirpationem inurenda ; per experientiam enim sum edoctus , nil magis valere (malignitatis signis apparentibus) quām infusionem cauteriis actualibus , extirpatâ corruptâ portione , institutam. Alii potentiale cauterium præferunt , ast minus prudenter. Vetula quædam à longo tempore hoc malum perpessa , post iteratam sectionem recidivam passa est ; inde exanimis fere facta à nobis auxilium petiit , itaque cum Magistro Petro Mennonista , sèpius memorato , qui antea malum se mel

mel quoque incassum (quamvis satis profundè sectio fuerat facta) amputaverat, deliberavi quo remedio affectus radicitus foret evincendus, decrevimusque iterandam extirpationem, & post eādem peractā inustionem cauteriis appropriatis & satis magnis faciendam. Postquam ægra hæc à nobis perceperat rem nondum esse desperatam, & aliquod adhuc remedium superesse, nempè amputationem, & post eam, inustionem, facile consensit, animoque adeò forti & infracto operationes pertulit, ut vix ullos ejulatus emiserit. Præmissis itaque universalibus, linguam linteo comprehendimus, quo melius posset ore extrahi, postea scalpello acuto incurvatoque totum malum abstulit dictus Magister: quo facto, parti interiori buccæ linteum aquâ frigidâ madidum applicatum est, ne bucca nimis à cauteriis læderetur. Hoc facto partem læsam cauteriis inussimus, sat fortiter cauteria adigendo, idque semel atque iterum iterando. Posthac oris collutionibus emollientibus usa est ad dolorem compescendum & escharæ casum promovendum, quâ separatâ, cura brevi absoluta est tincturâ myrrhæ & aloës, mixtâ cum decoctis exsiccantibus & melle rosaceo, chelidonii, &c. Atque hâc peractâ curâ vetula illhæc vivit & valet in hunc usque diem.

O B S E R V A T I O L X X V I I .

Polypi in Antro Highmori barentes.

Qualis sit affectus, Polypus, vel lippis atque tonsoribus notum: Sedes verò, & è qua parte idem erumpat, non item. Sunt qui existimant Polypum nares tantum obsidere, alii fauces, imò aures etiam ab eodem occupari autumant. Nos in quarti paris (quod apud alios tertium par audit) ossium maxillæ superioris cavitate, ab Highmoro *Antrum* dictâ, bis polypos invenimus. Semel in publica Anatome vide-re mihi contigit polypum in hac ossis cavitate: cuius formam videtis Fig. 60. Secundâ vice eos offendì in eodem Highmori Antro anno 1679. præsentibus expertis Chirurgis Magistro Petro Adriani filio, & Magistro van Ulsen: scilicet in muliere quadam, quæ à malæ tumore & gingivarum excrescen-tia maligna pessimè habebat. Post excrecentiæ amputatio-

nem, dentium aliquot molarium evulsionem, inusserunt, me præsente, partem affectam supra citati Magistri, ad Antri dicti cavitatem usque cauterio actuali. E quâ sequentibus diebus minimo digito plurimos polypos extrudimus. Vide eosdem depictos Figur. 61.

Figur. 60. & 61. Explicatio.

- A. *Os malare.*
- B. *Polypus in Antro Highmori repertus.*
- C. *Dictus polypus ex Antro desumtus.*
- DD. *Polypi varii Highmori Antro digitis expulsi in muliere.*

O B S E R V A T I O L X X V I I I .

Vesicæ scabies interna unà cum excrecentiis glandulo-carneis.

QUAMVIS proprium Impetiginis subiectum communiter, & quidem non male, statuatur Cutis; aliquoties tamen ferè eandem in interiori Vesicæ tunica observavi, cum dolore vehementiori, mingendi desiderio frequenter, Urinæ purulentæ excretione, & tanta vesicæ incrassatione, ut revera digitæ spissitudinem adæquaret. Ex hoc affectu scabioso ortum quoque ducunt tumores, seu excrecentiæ glandulofo-carneæ, ex interiori vesicæ tunica propullentes, quæ si prope collum vesicæ hæreant, non raro Ischuriā inducunt tantam, ut non nisi cathetere inserto lotium reddi possit. Vide Figur. 62.

Figur. 62. Elucidatio.

- AA. *Hominis Vesica urinaria, cuius substantia*
- BB. *Summoperè est incrassata.*
- CCC. *Interior Vesicæ tunica scabioso affectu obsessa.*
- DD. *Vreteres.*
- EEE. *Carunculæ ex interiori tunica erumpentes, quarum maxima pedunculo interiori tunicæ adhæret.*

Fig. 62.

Pag. 72.






Fig. 63.





OBSERVATIO LXXIX.

Circa Renum vasa mirabiles naturæ lusus.

SI ullibi in Corporum sectione lusus naturæ conspiciuntur, certè potissimum circa vasa Renalia istud contingit. Quoad Arterias renales, seu emulgentes, quamvis ut plurimum simplices, non raro tamen duplicatae imò triplicatae quoque ex arteria magna erumpunt. Antequam dictæ arteriæ renes intrant, diversimodè ramificantur, nunc enim bifurcantur, nunc trifurcantur, nunc magis ac magis multipliantur rami, quemadmodum abundanter in Musæo nostro easdem arterias præparatas conservo. Quod ad ureteres & pelvem, licet utrumque renem ut plurimum unica tantum gaudere pelvi observamus: non raro tamen eandem bifurcatam, imò trifurcatam inveni, quemadmodum inter nostra rariora talem commonistrare possumus. Hanc pelvem à calculis, & urinæ obstructionibus non raro reperi ita extensam, ut renem ipsum recipere potuisset. Quamvis etiam simplices communiter sint ureteres, tamen contrarium in rene sinistro, duobus ureteribus instructo, in cadavere ante tres annos publicè demonstravi, quorum unus ex superiore, alter ex inferiore renis parte, erumperebat: hosce ulterius denudavi, reperique utrumque coire antè suam in vesica insertionem, ita ut unico canale vesicam intrarent: Vide Fig. 63. Post-hac cadaver dissecui, in quo observavi duos ureteres prodire ex uno rene, quorum uterque separatim Vesicam intrabat. Hoc quantumvis etiam à Riolano visum, tamen adeò rarum esse censui, ut operæ pretium duxerim dictam vesicam cum annexis ureteribus Balsamo nostro præparare, & inter cætera Anatomica reponere.

Figur. 63. Expositio.

A. *Ren sinister.*

BB. *Duo ureteres ex uno rene erumpentes.*

B. *Unio dictorum ureterum.*

O B S E R V A T I O LXXX.

Renis in adulto inæqualis superficies.

Renum superficies admodum æqualis existit in adultis; in nuper natis verò Renes ex variis particulis & quasi è glandulis variis coagmentati videntur, unde eorum superficies admodum inæqualis est. Hanc superficie inæqualitatem adultorum renes rarissimè servant, ut in cadavere, nuper à me dissecto, occurrit, sicut ostendit Fig. 64.

Figur. 64. Explicatio.

- A. *Ren sinister cuius superficies admodum inæqualis existit.*
- B. *Vena & arteria renalis.*
- C. *Vena & arteria per ureteris partem superiorem dispersa, quarum origo vena & arteria renalis.*
- D. *Superior pars ureteris.*


O B S E R V A T I O LXXXI.


De Tumore spongioso seu Ossivoro memorabilia.

Intra omnes, quos vidi hactenus, tumores, non memini me unquam conspexisse tam ingentes, quam illi erant, quos ante tres fere annos, cum Andrea Boekelmanno Chirурgo saepius memorato, ostendi prope Amstelodamum in Pago, qui dicitur *Sloten*. Hic nimurum decumbebat Sutor, cuius femur paucis ante obitum diebus visitavimus tumoribus duobus spongiosis obsessum. Quorum alter septem ulnæ quadrantes, alter verò unicum ulnæ quadrantem in circumferentia æquabat. Affectus iste (quantumvis plures reperiantur tumores spongiosi, qui nullam cum hoc tumore habent affinitatem) per excellentiam tamen dicitur *Spongiosus*. Germani quoque eandem denominationem servant, nempe, *ein Swam*. Apud nostrates dicitur *Been-eter*; idque non sine ratione; nunquam enim hunc affectum post mortem sine ossis corruptione inveni, unde conjicere licet, hoc malum ab ossis

Fig. 64.

Pag. 74.





offis malâ constitutione ut plurimum ortum ducere, eò magis, quod à graviori lapsu, aut offis collisione sèpius oriatur. Hujus affectus quamvis nullus Chirurgorum ignarus esse debat, plures tamen offendit, qui propter ignorantiam, nec famæ suæ, nec saluti corporeæ afflitorum benè consulentes, hunc tumorem scalpello aperuère, sibi imaginantes, pure eundem esse oppletum, quo aperto non pus, ast verò parum humoris sanguinolenti semper effluit, &, quod dolendum, aperito tumore per scalpellum gangræna ut plurimum subsequitur, eamque brevi post, ipsa mors. Noscitur hic affectus, quod absque ullo, saltem absque notabili oriatur dolore; tardè in principio procedat, postea verò celeriter incrementum sumat, magna & quiden livida vasa per tumorem sparsa sint; quæ ita vidi expansa, ut sua sponte reserarentur, ægrumque citò interficerent. Tumor ut plurimum mollis, ac si humoralis magna ex parte esset. Sæpissimè artus occupat, præferuntque crus. Iterum moneo, quod si aperiatur scalpello dictus tumor, brevi vitâ privari ægros. Verùm quando, ceu non raro etiam contingit, sua sponte post excoriationem exulceratur, diu sæpè adhuc superstites remanent ægri. Præterea semel observavi, tumore ante mortem non aperto, offis corruptionem non fuisse nigro colore infectam, quin totum quod erat cariosum, niveum ac naturalem servasse colorem: è contra verò semper observavi, si ante obitum fuerit apertus, ab aëre os nigerrimum fieri, idemque pultis instar digitis posse conteri ac comminui.

O B S E R V A T I O LXXXII.

Alveoli dentium ob varias causas penitus consumti; unde dentium vacillatio & casus.

Affectui in Observatione 67. descripto, puta Offium diminutioni, jure merito annumeranda est talis alveolorum dentium in nihilum redactio, in qua ne vestigium quidem eorum relinquitur. Unusquisque tanquam ex tripode dictum, pro certo habet, alveolos seu præsepiola post dentium evulsionem aut casum spontaneum neutiquam manere aperta. Cui opinioni calculum quoque appono: Ast verò quid propriè

propriè in illa commutatione eveniat, non satis unanimiter eloquuntur Anatomicorum Coryphæi. Curiosus partium & structuræ Corporis indagator Thomas Bartholinus hæc nobis reliquit in sua Anatomia cap. 9. fol. 720. *Aliquando oblit erantur & constringuntur* (de dentium differit alveolis) *dentibus cadentibus vel evulsis.* *In senio non raro amissis dentibus alvei oblitterantur,* & circuitus acutiores facti, durique, ut in senibus ad manducandum dentium vices subeant. Adrianus Spigelius super hac re ita inquit: *Tot sunt cava, quot dentes, cum quilibet primum erumpens sibi proprium ac peculiare condat præsepiolum, concidens etiam secum unà alveolum suum perdat, ita ut ne vestigium quidem maneat.* Johannes Riolanus in sua Anthropographia hæc habet: *Dente evulso, nisi novus succedat, ita constringitur & occæcatur alveolus, ut ipsius nullum remaneat vestigium.*

Horum neminem refutare animus est, sed potius eorum observationibus illustrandis hæc addere; nempe, non solùm alveolos in senio oblitterari, & circuitus acutiores & duriores fieri ad manducandum, aut alveolos occæcari, aut concidere; sed præterea in multis ita in nihilum redigi, ut, mirum visu! maxilla tam superior quam inferior tantum spatiī in profunditate amittat, quantum occupavere alveoli; ita ut ne quidem minimum digitum lata maneat inferior, superiorque ad nasum ferè usque deficiat. Vid. Fig. 65. Hinc foramina pertransenti ramo nervi quarti paris (ut cum Antiquis loquar) destinata, non in antica & laterali maxillæ inferioris parte, sicuti in maxillis, quæ dentibus, alveolisque omnibus instructæ sunt, inveniuntur; verum in summo maxillæ inferioris, sicuti ex Fig. 65. & 66. lit. b. & c. liquet. Hinc etiam maxilla superior tantum amittit de sua altitudine, ut inter os & nasum latitudo calami scriptorii vix intercedat. Causam istius destructionis aut potius totalis annihilationis alveolorum, soli attritioni in masticandis cibis non possumus adscribere; sæpè enim videmus, dente uno evulso alveolum ipsius ita aboleri, dentibus proximè adsitis alveoli attritionem cohibentibus. Imò non raro in nihilum rediguntur alveoli ante dentium casum aut evulsionem, unde vacillantes dentes maxillis solummodo cohærent gingivarum & membranarum beneficio; & gingivis quoque deficientibus, eos





Fig. 65.



eos soli membranæ adhærentes deprehendi: Frustra itaque in tali constitutione dentium remedia ad firmiores cohæsionem quæritant homines, totum malum scorbuto attribuentes, & nil minus quam defectum alveolorum suspicantes. Noli interim credere, Lector benevole, hoc malum nemini contingere, nisi ætate provectionibus: memini me hoc in triginta solum annos nato vidisse, qui aliquot ex anterioribus dentibus ita vacillantes aliquantdu gestarat, donec nullis proficien-tibus remedii antiscorbuticis facilimè eos solis digitis evel-leret. In aliquibus (ut dixi) etiam observavi, simul cum al-veolis gingivas perire, & per solas tunc membranas dentes maxillis adhærere, idque tam laxè, ut ne quidem liberè co-medere possint afflitti, imò à linguæ motu in locutione tan-quam fluctuantes sese moveant dentes. Vid. Fig. 66 *L. a. a.* Dux superius, eorum alveolos in masticando cibo ab attritio-ne sola non aboleri, neque etiam puto eos semper pelliculâ osseâ claudi, aut concidere, vel occæcari, verùm in nonnullis senibus in totum aboleri & in nihilum redigi, quemad-modum arteriæ umbilicales, foetu in lucem edito, sæpè in tenuem degenerant membranam, ac si nunquam arteriæ ex-stitissent; sic & mammæ in senectute sæpenumero in totum exarescunt. Itaque si perquam tenues sint à naturâ facti al-veoli, evulsis aut elapsis dentibus non habent unde repleant cavitatem, & propterea maxillæ ita diminuuntur. Si verò aboleantur alveoli antequam dentes exciderunt, nullam aliam agnosco causam, quam scorbuticam affectionem, & tartaream materiam dentes obsidentem; unde non solum gingivæ, verùm etiam alveoli sensim sensimque consumuntur.

Figur. 65. Declaratio.

A. *Senis caput osseum.*

B. *Maxilla inferior, cuius dentes non solum elapsi, verùm etiam alveoli in nihilum sunt redacti, unde adeò gra-cilis est facta, ut dimidiā profunditatis partem mi-serit.*

b.b. *Foramina dictæ maxillæ exeunti ramo nervi quarti pa-ris destinata, quæ hic in supremo maxillæ sese pro-dunt.*

L

C. De-

C. Demonstrat quantum quoque post dentium elapsum, & alveolorum in nihilum redactionem, de sua altitudine amiserit maxilla inferior: Vix enim latitudo calami scriptoriis supereft.

Figur. 66. Expositio.

- A.** Maxilla inferior, cuius alveoli in nihilum sunt redacti, superstitibus duobus dentibus molaribus qui a. a. Solis membranis adhaerent, propter alveolorum gingivarumque defectum.
- B.B.** Ejusdem maxillæ processus condylosi, à me obtusi dicti.
- CC.** Processus acuti.
- c.** Foramen exenti nervo quarti paris destinatum.

Figur. 67.

Maxillam inferiorem naturaliter constitutam cum suis alveolis, ut differentia conspici possit, demonstrat.

O B S E R V A T I O LXXXIII.

Sterilitas è Tubarum Fallopianarum clausura.

STerilitatis mulierum multæ inveniuntur causæ, inter quas Tubarum Fallopianarum clausura haud infima est habenda: Hanc modò circa insertionem in uterus, aliàs in eorum extremo observo. Si tot cadavera non secuissem, nunquam credidisse, Tubas Fallopianas seu Oviductus tam frequenter in mulieribus esse clausos, quod sèpiùs à partu diffici (in quo non raro illæ partes levem inflammationem patiuntur) vel ab aliis ventris doloribus provenire expertus sum; & quod observatu dignum est, si in extremitatibus sint clausæ tubæ, ut plurimum eas arctè cum ovariis coalitas inveni, quod magis experientiam nostram, quoad causam, confirmat; videmus enim sèpem numerò, viscera, postquam inflammationem conceperunt, ad se invicem contrahi & uniri. Præterea in hoc casu sèpissimè tubas valde reperi extensas, præsertim circa earum extremitates, sicut Vid. Figur. 68.

&

Fig. 66.




Fig. 67.






Fig. 68.





Fig. 69.



& in Musæo nostro unicuique demonstrare possum; id quod Oculatissimus Anatomicus Regnerus de Graaf semel quoque observavit, ut patet in Tractatu *de Mulierum Organis generationi inservientibus* pagin. mihi 356. Crediderim hanc præternaturalem extensionem fieri ab occæcatione tubæ, & humoribus ac flatibus ex uteri cavitate (eo tempore, cum os Uteri nimis arctè clausum est) exitum quærentibus, quod facilius erit annuendum, si subsequentes legantur Observations.

Fig. 68. Uterum cum annexis repræsentat.

- A. *Uterus humanus.*
- B. *Oviductus seu Tubæ Fallop. summoperè extensæ, & occasæ catæ in suis extremitatibus.*
- C. *Ovaria.*
- D. *Omenti portio uteri fundo coalita.*
- E. *Os Uteri internum.*
- FFF. *Hydatides ab ovariis & fimbriis dependentes.*

O B S E R V A T I O LXXXIV.

Veroſimilis Lochiorum eruptio per Tubas Fallopianas in abdominis cavitatem.

IN platea vulgo dicta *de Kalverstraat*, visitavi nuper puer peram acriter febricitantem, & de hypogastrii tensione ac induratione, non sine immanni dolore, conquerentem. Remediis emollientibus doloremque lenientibus usa fuit; ast verò illis nil proficientibus, brevi post è vita discessit. Aperito abdomen inveni in pelvi multum materiæ fœtidæ, (vide Observationem 43.) loturæ carnis aut lochiorum corruptorum ad exemplum, qualis etiam à me reperta est in uteri cavitate. Hoc suspicandi ansam mihi auxit, dictum humorrem per Oviductus aut Tubas Fallopianas pervenisse ad abdominis cavitatem & pelvim, & hoc puerperis pluries contingere, si pariendi conatus & dolores sint vehementissimi, & os uteri ita clausum sit, ut per idem lochia exitum invenire haud valeant; imò etiam in ipso partu laboriosissimo, fœtus

80 OBSERVATIO LXXXV. LXXXVI.

capite dictam viam in totum occidente, humoribusque posse fœtum aliam sibi viam quærere non valentibus: Hinc saepe immanes illos Hypogastrii dolores, de quibus frequenter queruntur puerperæ, ortum ducere, non est cur dubitemus.

OBSERVATIO LXXXV.

*Verosimilis eruptio menstruorum per Tubam Fallopianam
in pelvem.*

Probabile esse humores heterogeneos in utero contentos per oviductus seu tubas Fallopianas ad pelvem & abdominis cavitatem posse deduci in parturientibus, superius innui. Quo minus quoque sanguis ex uteri cavitate per dictos ductus, ore uteri clauso, ad pelvem pervenire possit extra statum partus, haud video; imò rem probabilem in medium profaram. Menstruatæ olim aperuit cadaver R. Rhoonhusius Chirurgus dexterimus, (præsentibus D°. Dortmuntio, nostri Noſocomii Medico meritissimo, nec non Adriano Coenderdingio Chirурgo eximio) in cuius uteri cavitate coagulatum & utero leviter adhærentem observavit cruentem, quo tuba ejusdem lateris quoque non solum erat conspersa, verùm etiam Ovarium, in cuius superficie coagulatus copiosè firmiterque adhærebat. Hunc Uterum cum Ovario annexo & sanguine coagulato, prout mihi demonstrarunt dicti amici, in Musæo nostro reservo, Balsamo ita conditum, ut omnia naturalem situm, magnitudinem, & figuram servarint, idque sine rugis, quæ post exsiccationem saepius remanere solent.

OBSERVATIO LXXXVI.

In Hydropici cadavere Hepar male & quomodo affectum.

Quantumvis in Hydropicis glandulas præfertim hepatis indurari, saepius accidat, attamen non semper ad amissim sibi invicem respondere ejusmodi casus reperio. Nonnullorum hydropicorum jecinora in totum indurantur, superficie manente æquali, glandulisque insensibilibus. Aliquando ita augentur glandulæ, ut per universam hepatis superficiem expul-

expullent. Nonnunquam hæ glandulæ sunt magnitudine nucis avellanæ. Nuper cadaver cuiusdam hydropici (cujus pedes à tribus ferè annis œdematosi facti, unde tandem, in mari naufragio facto & multum frigoris perpessus in verum Ascitem inciderat) dissecui, præsentibus Viro Doctissimo Petro Bernage, Medicinæ Doctore expertissimo (qui mihi cadaver aperiendi copiam fecerat) ut & Chirurgo Vogelesangh, in arte sua benè versato. In thorace, quantumvis summis & continuis anxietatibus fuerat afflictus, nil mali invenimus; omnia abdominis Viscera optimè erant constituta, solo hepate excepto; totum enim deprehendimus induratum, cujus superficies ubique inæqualis erat, propter glandulas induratas & magnitudine auctas. Harum nonnullæ erant magnitudine capitis aciculæ, aliæ semen lentis æquabant. In abdominis cavitate magnam aquæ copiam deteximus absque ulla notabili graveolentia.

O B S E R V A T I O LXXXVII.

In simili alio Hepar itidem malè affectum, unà cum Calculo in ductu cystico.

Vir quidam, cùm à longo tempore ascite laborasset, tandem multis remediis incassum adhibitis, animam efflavit. Cadaveris ejusdem aperiendi ansam mihi suggesit Joachimus Schraderus, Chirurgus minimè ineptus, qui dilectioni quoque interfuit. Nulla, præter hepar induratum, viscera malè erant constituta; vesicam felleam admodum magnam, (uti Vid. Figur. 69.) aquoso (at nullo modo amaro aut bilioso) humore refertam conspeximus, in cujus ductu cystico Calculus occurrebat Ciceris majoris magnitudine, qui meatum in totum obstruebat.

Figur. 69. Declaratio.

- A. Vesica fellea humana ab aqueo humore valde extensa.
 B. Calculus in meatu cystico hærens.

OBSERVATIO LXXXVIII.

Vteri in alterutrum latus retractio.

UTerum præter naturam in hoc vel illud latus torqueri, situmque naturalem mutare, nonnunquam exploravi digitis in viventibus de dolore hypogastrii, mingendi desiderio continuo, & conatu expellendi frequentissimo conquerentibus. Semel tantum in cadavere offendit os uteri in latus sinistrum fuisse retractum, sicut Fig. 69. ostendit. Quid mali inde contraxerit ægra, me latet, qui curationi ejus haud præfui. Hoc tamen scio, ab eodem affectu non fuisse enectam. Credibile tamen aliquid incommodi attulisse ægrotæ, quia ex illo uteri situ perverso, mihi non satis expedita esse potest, quatenus enim os uteri in hoc vel illud latus contrahitur, eatenus quoque os vesicæ sequitur, utpote arcto nexu cohærentia. In hoc utero, quod admodum rarum est, tertium reperitur ligamentum teres, aut rotundum (uti vulgo illa ligamenta nuncupantur) non è fundo, sed è latere cervicis uteri oriundum.

Figur. 69. * Explicatio.

- A. Uterus humanus in sinistrum latus retractus.
- B. Os Uteri internum.
- CC. Ligamenta teretia.
- D. Ligamentum teres tertium præternaturale.

OBSERVATIO LXXXIX.

Calculus Vesicæ cum hujus ad digitum usque latitudinem purulentâ incrassatione.

ANNO 1672. Juvenis quidam viginti quinque præter propria annorum, Calculo Vesicæ laborans, in Nofocomio nostro Lithotomiæ sese subjecit, at præter spem Calculum educere haud potuit Operator; quantumvis forcipe complecteretur eum, & fragmenta quædam extraheret. Mortuo ægro,





Fig. 71.





Fig. 70.



ægro, Cadaver ejus aperui, calculumque inveni à vesica ita obsesum, & compressum, ut paucis tantum Urinæ guttis locus superesset. Vid. Fig. 70. Vesica digitum transversum crassa, separabilis erat in tunicas innumerabiles, inter quas materiam purulentam, variis in locis pinguedini liquefactæ ad amussim respondentem, deprehendi. Hæc materia purulenta per factum à me vulnus copiosè effluebat, quemadmodum aquam è tibiis oedemate obsessis affundi videmus, post factam in cadavere incisionem. Inter calculum & vesicam parum aut nihil dictæ materiæ purulentæ repertum est; quantumvis eam quoque inter ureterum tunicas, ut & eas quæ renes ambient, conspexerim.

Figur. 70. Declaratio.

- A A.** *Hominis vesica urinaria ab attritu calculi summoperè incrassata.*
- B.** *Calculus ingens.*
- C C.** *Ureterum portiones.*

O B S E R V A T I O X C.

Vesicula Fellis sæpius (præsertim in vitulis) bifurcata, ast rarissimè, si unquam, in totum duplex.

DE gemina Vesicula fellea, in hepate reperta, multæ existant observationes in Anatomicorum monumentis. Rarissimum tamen (si unquam contigerit) ejusmodi naturæ lumen existimandum esse puto. Multoties cystin felleam bifurcatam offendit, præsertim in vaccis & vitulis, uti Fig. 71. & 72. demonstrant, quarum aliquot balsamo imbutas in ædibus meis reservo: Ast ne unquam quidem duplice felleam vesiculam inveni. In duplice Vesicula fellea duplex quoque reperiatur ductus cysticus, sine quo vesicula in totum duplex non foret habenda, & hoc me nunquam invenisse profiteor: Omnes quas vidi hactenus, fuerunt vesiculæ bifurcate uno tantum ductu cystico gaudentes.

Figur.

Figur. 71. & 72. Declaratio. *nide pag: 63*

- A A. *Vesicula fellea è corpore bovina desumpta.*
- B. *Bifurcatio ejusdem.*
- C. *Ductus Cysticus.*
- D. *Crucialis apertio, ut tunica interior calculosa facta conspi- ci possit.*
- ddd d. *Tunica interior calculosa.*
- E. *Vituli vesicula fellea bifurcata.*

O B S E R V A T I O X C I .

Ilei affectus veræ causæ, per varia exempla demonstratæ.

Qualis sit affectus Ileos (quem vulgo etiam *Miserere mei* vocant) quæque propriè ejusdem causa, haud satis convenit inter Medicos. Nonnulli credidère in eodem intestini tenuioris fieri circumvolutionem seu contorsionem, (Belgicè *een kinkel in 't Gedarmte*) sicuti in farciminum (Begicè *Beulingen*) præparatione deprehenditur. Alii è contra pernegant, intestina posse in nodum circumvolvi, quandiu mesenterio sunt annexa. Putrefacto verò mesenterio. (quale semel atque iterum me vidisse memini) idem utique evenire posse arbitrantur. Quod si verò attendamus ad ea, quæ post mortem observare nobis contigit, oportet ut statuamus, Ileon Atoniam esse intestinorum, & præcipue tenuium, concomitantibus vomitionibus frequentissimis, alvi adstrictione, & non raro quoque doloribus valde atrocibus, imò morte repentina. Hæc intestinorum Atonia provenit primò à Nervis intestinorum, si non in totum, saltem ex parte obstruetis: unde otiantur intestina, & præsertim tenuia, imò motu peristaltico naturali destituuntur, utpote spiritibus animalibus deficientibus. Secundò, eadem oritur ab obstructione intestinorum, quam vel excrementa indurata vel deglutita ossa, similiaque solida alia inferunt. Tertiò, susceptio seu ingressus intestini (Belgicè *een inneenschieting*) subinde affectum istum gignit, sive ingressus iste ortum ducat à motu peristaltico præpostero, sive à motibus convulsivis, imò à nimia dilatatione.






Fig. 10 catalogi Seq.

Pag. 85



dilatatione particulæ intestini, aut ab ejusdem nimia constrictione; unde pars magis ampla partem arctiore in sese recipere apta redditur, in hoc vel illo intestinalorum motu. Quartò, hujus mali causam invenio contractionem & coarctationem esse intestini, quod aliquoties adeò contractum reperi, ut vix minimum dígitum admitteret, neque deglutita nec flatus penetrare sineret. Vide Fig. 73. Quintò ab hernia intestinali idem affectus sæpiissime provenit. Et demum Sextò, inflammationem quoque intestinalorum ad causarum seriem referre oportet. A Nervis intestinalium obstructis ortum habuisse hunc affectum in uxore cujusdam Viri Docti, (quæ nuper in totalem alvi adstrictionem & vomitum continuum sine notabili dolore, sine febri inciderat, unde mors subito sequebatur) nullus dubito. Quod intestina à functione sua quoque desistant, simul ac vel ab excrementis induratis, vel deglutitis ossibus, aliisque similibus solidis intus obturata sunt, in cadaveribus me bis animadvertisse memini. Tertio, hoc malum à susceptione seu ingressu intestini unius in aliud provenire, non est dubitandum, imò bis publicè idem demonstravi (Vid. Fig. 74.) in intestinalibus filii cujusdam Pistoris, ut & aliis cujusdam hospitis, à me exemptis & dissectis; qui, dum viverent, multis malis fuerant correpti, sed præsertim ventris doloribus, idque horâ unâ atque alterâ post pastum. Tertium exemplum hujus affectus conspexi in cadavere à me dissecto, præsente Joachimo Schradero Chirurgo satis perito. Dixi quoque hujus mali causam esse intestinalum coarctationem, Vid. Figur. 73. In cadaverum nempe apertione aliquoties observavi intestina ita coarctata, ut ne minimum quidem dígitum admitterent. Si igitur in hoc casu excrements paululum indurentur, aut si flatibus transitus denegetur, quid mirum, homines subito ex intolerabili dolore & inflammatione interire?

Figur. 73. & 74. Expositio.

A A. *Intestini jejunii portio, cuius medium*

a. Valde est coarctatum aut contractum.

B. Pars ejusdem intestini, in cuius medio b. susceptio comparet.

O B S E R V A T I O X C I I .

Enormis intestini Coli dilatatio.


PUella quinque annos nata, jam à longo tempore conque-rebatur de torminibus ventris. Quæ dolores leniendi, flatus discutiendi, vermesque necandi vim obtinent, aliquo-ties adhibebantur, at incassum omnia; unde perseverantibus doloribus tandem ex hac vita migrabat. Aperto cadavercu-lo, præter eam intestini coli partem, quæ rectum nominari incipit, vix ullum (mirum dictu!) abdominis viscus conspi-cere potui, idque propter enormem extensionem in dicta in-testini coli parte, sub qua cætera latitabant viscera.


O B S E R V A T I O X C I I I .

Uteri motus imaginarius, & verus.

AN uterus in fœminis extra puerperii statum locali motu nunc sursum nunc deorsum moveatur (uti non pauci voluere Authores) examini hic subjicere, extra rhombum meum foret, qui non solum brevitati studeo, verùm etiam ea sol-lummodo, quæ ipse met sum expertus, tibi, benevole Lector, communicare allaboro. In transitu tamen hoc assevero, me satis mirari non posse eos, qui tantum utero adscripserunt motum, ut ipsum diaphragma ab eodem sursum propelli-simò eundem fauces ipsas invadere crediderint. Alii sibi per-suaserunt uterum resiccatum ad præcordia ascendere, ut hu-mectaretur, dicentes hepar gratosi vaporis fontem esse, & u-terum eapropter ad hepar ascendere, ut è fonte isto hauri-ret. Relictis nugis istis propria absurditate corridentibus, cer-to certius esse autumo, Uterum sepe summopere movere in partu, omnesque partus conatus naturales ab utero fere pen-dere. Qui conatus post partum non raro adeò vehementer perseverant, ut uterus semet ipsum invertens è corpore pro-cidat. In aliis puerperis paucis horis à partu expertus sum uteri motum adeò fuisse evidentem, ut Obstetrices, imò & Puerperæ saepius mihi dixerint, alterum adhuc restare in u-tero

Fig. 75.





tero fœtum. In hoc casu meam ipse manum ventri applicui, motumque adeò notabilem reperi, ut manus tanquam à fœtu propelleretur: imò aliquando ita sese elevebat uterus in hoc vel illo latere, ut extra corpus prominaret, idquè tali duritie & tumore, ut non valdè ea in re exercitatus pro certo dixisset, se caput infantis sentire; quos tamen motus mox in contrario latere sensi. Nunc videbar mihi genu, nunc genas sentire, sicut in gravidis cum partū tempus instat: Postquam verò manum utero inferui, non fœtum, sed uterum esse animadvertis.

O B S E R V A T I O X C I V .

*Prodigiosa Ureteris, integrum puris pintam continentis,
dilatatio.*

Nil magis admiratione dignum crediderim, quām vasa membranacea, quò magis distenduntur, eò magis sæpe ab humore heterogeneo incrassari. In arteriis hoc evidenter demonstravi Observatione 37. & 38. & in ureteribus hoc quoque locum habere videtis Fig. 75. Ureteres aliquando ita esse dilatatos, ut digitum admittant, rarum non eit. Rarissimum tamen, & inauditum, ureterem pintam materiæ purulentæ continuisse; magisque adhuc mirum est, itidem pus exitum quæsivisse per annexas fibras, ut mox referam. Anno 1673. præsentibus Dom. Doctore van Tongeren & Chirurgo van Ulzen, cadaver cujusdam mulieris aperui, quæ à longo tempore tantis tortuibus & cruciatibus tam immanibus vexata fuerat, præsertim quum purulentam redderet urinam; ut multoties mortem appeteret, antequam vitæ finem inveniret. Renis dextri superficies admodum erat inæqualis, Afelli majoris lactes (Belg. *Hom van een Cabeljauw*) referens: In Ureteris dextri infima parte supra insertionem in vesicam calculus hærebat nucis avellanæ magnitudine. Vide Fig. 75. In interiori ureteris parte offendebam filamenta membranosa transversim posita. Pars media dicti ureteris ita erat extensa, ut pintam ad minimum contineret. Ex hoc tumefacto & materiâ purulentâ repleto uretere, vidimus innumerabilia vascula alba, turgida, & setam tenuem casta, ver-

sūs hypochondrium sinistrum tendere. Ubinam terminarent, sat accuratè (exoptatâ ulterius scrutandi commoditate à morosis Consanguineis denegatâ) investigare minimè licuit. Hæc vascula neutquam venæ lacteæ , multò minus sanguineæ erant. Cum vasis lymphaticis nullo modo quoque conveniebant. Peculiare vasorum genus, imò quasdam fibras (non novas, sed eas, quæ membranas constituunt, quarum beneficio lumbis alligantur ureteres) fuisse crediderim, quas cavas semper esse, existimo. Atque ex hac & similibus observationibus forsan nascetur ansa exactiùs determinandi vias illas, de quibus hactenus per incertas conjecturas in Anatomicorum Republica fuit strepitus.

Figur. 75. Expositio.

- A. Media pars ureteris dextri pure repleti.*
- B. Calculus in infimâ parte dilatati ureteris hærens.*
- C. Vasa Sanguinea per ureterem dispersa.*
- c. c. c. c. c. Vascula per contentum niveo colore tincta, & versus hypochondrium sinistrum repentina.*

O B S E R V A T I O X C V .

Post Dysuriam Scirrhosa Intestini Recti incrassatio & mira coarctatio.

Quid grandia molimur tenues & miseri mortales! qui tot lethalibus morbis sumus obnoxii , ut nemo facile illos recensere posset. Nullibi tamen homines magis afflidunt quam circa vias excretioni inservientes ; ubi , si altiores egerint radices, difficillimè possunt eradicari. Quotidie ad vitam sustentandam nobis edendum, bibendum, &, quod superfluum est, evacuandum. Si verò viæ , hisce operibus destinatæ malè sint affectæ, mors vitæ saepius anteponitur afflictis. Amicus quidam in flore ætatis, temperamento melancholico , antè triennium in Hyberniā ob negotia peragenda profectus, de mingendi difficultate conqueri cœpit, quæ brevi tantum sumpsit incrementum, ut assiduè ad urinam guttatim egerendam incitaretur , idque tanto cum cruciatu, &

& continuo conatu, ut perferre non potuerit. Quid fit? Brevi post, alterum non minoris momenti malum, caput quoque exerere cœpit; nimirum fæces alvinas liberaliter excernendi impotentia, dubio procul ab illis continua conatibus urinam reddendi, unde intestinum rectum non solum fuit incrassatum, & scirrhosum factum, verùm etiam in totum ferre coaluit: vix enim, ac ne vix quidem stilum straminis crassitie in universum admittebat, unde miser nec urinam nec fæces alvinas excernere potuit, nisi guttatum, & quidem continuè ichorosâ & purulentâ materiâ remixtas, cum assiduis, tantisque cruciatibus, ut omnes homines ejus præsentiam refugerent. Denique in patriam redux, contulit sese Amstelodamum, & me aliosque consuluit, ast incassum, morbis factis insanabilibus. Hisce malis perpetim incrementa sumentibus, tandem animam Deo reddidit æger, occasionem nobis relinquens malum penitus perscrutandi. Aperto igitur cadavere, in utraque renum pelvi Calculum inveni horrendum, & præter hosce in renis dextri medio adhuc aliud ingentem. Ureteres & vesica benè erant constituta. Intestinum rectum in universum ita incrassatum deprehendi, ut pollicis crassitatem ferè superaret, & ita induratum, ut anceps hærerem, an carnosum an verò cartilaginosum esset dicendum. Cavitas quoque dicti intestini straminis latitudinem haud superabat, & quod notandum, tam firmiter erat connatum ossi sacro, ut cultelli cuspis ad separationem minimè sufficeret, sed cu-neo ferreo malleoque ligneo eandem peragere coactus fuerim; imò, mirum dictu! cum summo labore ea disjunxi. Hæc omnia Balsamo nostro præparata à nobis reservantur in dicti ægri memoriam, & historiæ raritatem.

O B S E R V A T I O X C V I .

Similis Recti intestini Incrassatio.

EX eodem affectu supracitato, puta Intestini Recti incrassatione & scirrhositate, nuper hic Amstelodami quoque denatus est Dominus , qui à longo tempore iisdem cruciatibus & conatibus fæces alvinas expellendi fuerat vexatus. In eo tamen dictum intestinum non adeò erat coar-

Etatum, quin minimum digitum fortiter adigendo intudere potuerimus. Hunc affectum, quia raro obvenit & paucis innotuit, alio atque alio modo conati sunt curare. Inter eos non deerant, qui haemorrhoides esse credebant, perque incisiones auferendas statuebant, quod etiam incassum tentatum fuit. Ego, qui huic ægro semel atque iterum tantum adfueram, Intestini Recti scirrhositatem esse judicabam, quod eventus quoque edocuit; quia tamen ipse æger ad incisionem instituendam valde erat proclivis, & ferido eandem urgebat, calculum quoque apposui, ast omnia sine successu; obiit enim aliquot post septimanis. In tali casu tamen, cura palliativa foret anteferenda, emollientibus scilicet, & dolorem lenientibus enematibus; magna enim remedia magnas sæpè inferunt noxas, dum leniora nullas gignunt, & interea afflictos demulcent, & dulci iisdem sunt solatio.

O B S E R V A T I O X C V I I .

Placentæ extractio à peculiari funiculi in eandem insertionis modo redditur difficultis.

O Bstetrices non raro cum anxia sollicitudine in placentis, post foetum in lucem editum, extrahendis occupari, mirum quidem videtur negotii istius ignaris: ast verò si res penitus investigaretur, nemini admirationi foret: sæpius enim in earum potestate non est, placentam ex voto arreptam educere. Ecquid verò in causa sit, hactenus à nemine satis perspectum reperi. Nonnulli autem, placentam nimis arcte utero adhærere, propter firmiorem coalitionem vaorum uteri cum vasis placentæ, in quo tamen eos falli crediderim. Alii in placentæ putrefactione, & substantiæ ejus laxitate, imò & in ore uteri nimis strictè occluso causam difficultis istius extractionis consistere statuunt. Nemo verò, quod sciam, mentionem facit ejus, quod omnium maximi hic est momenti, nimirum funiculi centralis insertio in placentam: scilicet quando præcisè in centrum placentæ idem inseritur, ut plurimum difficillimè abscedit; non raro enim coguntur Obstetrices placentas ita constitutas digito indice lædere ut abscedant, Vid. Fig. 1. sequentis Catalogi. Si verò in hoc vel illud latus implantetur, facili negotio, & quidem sua sponte, sequi-

sequitur foetum in lucem prodeuntem. Eadem hujus est ratio, quæ corii in orbem scissi cum adhærente in sui centro funiculo; hoc namque corio madefacto, & lapidi etiam ponderosa applicito, idem levi operâ è terra evelli potest: si verò lateraliter attigatur funiculus, irritum erit opus.

O B S E R V A T I O X C V I I I .

Hernia Cystica, cui ex terrore juncta Bubonocele.

HErniam magis esse extensionem, aut expansionem peritonæi, quam rupturam, aut dilacerationem ejus, haud dubito, quin inter Medicorum filios satis constet. Hic affectus nomen mutuatur à contento: sic Hernia dicitur intestinalis, ab intestino in ea contento, & omentalibus ab omento, &c. Non minus etiam, quum vesica urinaria prolabitur in scrotum, Hernia cystica dicenda foret, qualis mihi bis occurrit cum Andrea Boekelmanno Chirurgo expertissimo. Amplissimus vir Dom. N. N. Mercator Amstelodamensis, ab aliquot annis in tantam mingendi difficultatem incidit, ut urinam reddere nequiverit, nisi manu scrotum elevando comprimeret. Reticuit hoc malum tam diu, donec simul, mirum dictu! in Bubonocelen solo terrore incideret: Dolium enim ingens vini deimproviso rumpebatur in ejus Cella, unde ita obstupevit præsens, ut illicè in bubonocelen incideret. Id quod semel mihi adhuc observare contigit in alio, qui solo terrore subito herniosus factus erat, retulitque mihi supracitatus Chirurgus in herniis sanandis versatissimus, se se hoc quoque pluries observasse. Hæc igitur Bubonocele coëgit ægrum aliorum manus auxiliares implorare; Vocabar ergo cum D° Bellangerio, Medicinæ Doctore eximio, Andrea Boekelmanno, Petro la Nou, & Petro Adriani filio, Chirurgis dexterissimis. Verumenimverò Bubonocele tam arctè comprimebatur à tendinibus muscularum adsitis, ut nullus nostrum ægro opitulari potuerit, ita ut brevi diem suum obiret. Multipli-
cis hujus herniæ apertioñem concesserunt nobis consanguinei, in qua notavimus, bubonocele dissecta, intestini Ilei portionem inflamatam, & gangrænæ (ut sæpius contingit) obfessam, aperturamque (ut vulgo loquuntur) vel potius dilata-

tationem adeò exilem aut arctam circa tendines musculorum abdominis, ut digitus pertransire vix potuerit; unde dicti intestini portio reponi neutquam potuit. In Scroto posthac totam Vesicam urinariam prolapsam offendimus.

O B S E R V A T I O X C I X .

Renum & Ureterum Ovillorum mirabilis expansio.

Vesicam Urinariam ob perpetim affluens lotium sæpius in magnam molem crescere, mirum non est: utpote quæ propter substantiam membranaceam serum continuè appellens promptè imbibit, eodemque accumulato, admodum extenditur. Verumenimverò ipsos renes ab impedito urinæ exitu in immensam adeò molem sese expandere, ut vesicæ urinariæ instar sese nobis exhibeant, omnium expectationem superat, & nullius non admirationem meretur. Ante duos circiter annos Chirurgus diligentissimus & rerum Anatomicalrum amans, Vogelesangh, ad dissectionem duos nobis attulit Renes Ovillos, ita extensos & humore aquoso repletos, ut duas ferè pintas uterque contineret. Ureteres admodum tortuosi & tantæ erant capacitatis, ur radicem majorem pastinacæ admitterent. Utraque renum tumentium extremitas substantiam naturalem glandulosam non amiserat, spatum verò intermedium constabat ex membrana. Intrinsecè tubuli pelvis cellulas magnas repræsentabant, tantæ capacitatis, ut nucem juglandem viridi cortice obductam admitterent. Urinam in Vesica Urinaria contentam facili negotio exprimebam versus ureteres & renes, verumenimverò ab ureteribus & renibus versus vesicam non nisi vi adhibitâ, idque parcissimè per exiguum foraminulum in medio cujusdam clausuræ membranaceæ, quam vesicam inter & ureteres inveniebam. Talis, inquam, erant constitutionis dicta foraminula, ut è vesica urinaria versus ureteres & renes satis liber esset urinæ transitus, contraria verò compressio ab ureteribus & renibus versus vesicam maxima ex parte erat frustranea, unde dubio procul oborta fuit urinæ regurgitatio, & temporis progressu talis renum & ureterum expansio. Hosce renes cum annexis ureteribus & portione vesicæ in Musæo nostro reservamus:

mus: ita ut de rei veritate non sit dubitandum, sed cuilibet, occasione datâ, liberum, insolitam hanc partium Urinariarum difformitatem apud me contemplari.

O B S E R V A T I O C.

Glandis in Pene vera structura noviter detecta.

Inster omnes, qui hactenus descriptionem Penis nobis dêre, Authores, haud infimum locum occupat Anatomicus oculatissimus, mihiq; dum viveret, peculiari amicitia junctus, Regnerus de Graaf; qui tamen hoc argumentum non omnimodè absolvit, sed nonnulla ulterius ab aliis investiganda posteritati reliquit: imò quoad glandem penis superficiariè rem egisse, & solum in opinionibus aliorum acquiescisse videtur; ceu patet in Tractatu ejus de *Virorum Organis generationi inservientibus*, ubi fol. mihi 139. hæc reperiuntur verba: *Duobus corporibus nervosis & urethra jam descriptis, in anteriori quasi parte apponitur substantia quedam reliquis penis partibus carnosior apparens, quæ apud Anatomicos Glans, Balanus, & à similitudine Cerasum quandoque nominatur.* Non solum autem hicce Anatomicus, verùm etiam omnes alii tam Veteres quam Neoterici hanc penis partem sicco quasi pede transeunt; quantumvis in Chirurgia maximi sit momenti, hanc partem benè nosse, ut postea patebit.

Johannes van Horne b. m. Promotor olim meus, in Microcosmi descriptione pag. mihi 149. hunc in modum de glande penis loquitur. Hisce (est illi sermo de corporibus nervosis) impositum est caput, quod à similitudine glans dicitur, carne constans molli & flaccida, sensus exquisitissimi, præsertim ubi turget.

Veslingius glandem penis ex substantia carnosa, molli spongiosaque conflari autumat, & præterea de ea nil refert.

Blasius in Veslingium: Glans hæc extremitati imponitur, ut caput cervici; parte enim sui inferiore & quasi basi aliquantulum penem suo ambitu excedit, in superiore verò leviter in mucronem obtusiorem definit. Hæc ille.

Bartholomæus Cabrolius carnem esse diversam à carne musculosa & glandulosa fatetur in sua Dissectione Anatomica Corporis humani.

Thomas Bartholinus in sua Anatome Glandem Penis carnem esse similiter profitetur, non mollem & flaccidam, ut Joh. van Horne, sed sensilem magis & solidiorem, quam in reliquo penne est.

Vesalius de humani corporis Fabrica, pag. mihi 649.
Quum autem ad eam usque penis regionem perrepere (loquitur de corporibus nervosis) in qua jam glandem efformatura sunt, in acutum feruntur & carnosa glandis substantia ipsis obnascitur. Hæc ille.

Adriani Spigelii verba sunt: *Glans ultima pars penis, est duobus corporibus nervosis obnata, quæ nonnihil ambitu quoque excedit, cum coronæ modo circulo cingatur; anterius tamen acuta est, exquisitum habet sensum, substantiamque spongiosam, ut penis, sed solidorem.*

In *Realdo Columbo* haud infimæ notæ Anatomico, ubi de glande penis agit, hæc solummodo extant: *Deinde deorsum versus inflectuntur (ligamenta, seu corpora nervosa penis) & ad glandis fines implantantur, quæ glans reliquis penis partibus minus dura existit.*

Ecce varias primi subsellii Anatomicorum de Glandis in penne structurâ opiniones! quas siquidem cum genuinâ istius particulæ descriptione mox secuturâ studiosè conferre volueris, actutum animadvertes, neminem istorum Heroûm in præsenti negotio rem acu tetigisse. Hoc enim asseverare ausim, ne ullum quidem (quod sciam) glandem penis tales, qualis revera est, antehac observasse; Nec mirum, cum adeò difficilis sit perscrutationis: Cultellus certè Anatomicus haud sufficit, imò planè inutilis est huic detectioni. Si pho quo utimur ad vasa infacienda, vix quoque huic rei aptus est; quamvis ipse ansam mihi dederit hujus partis veram compagem conspiciendi, quæ in hunc usque diem in tenebris latuit. Postquam igitur integrum penem, crurore omni exhausto, materiâ ceraceâ replevi, glandemque postea in lamellas transversas dissecui, reperi eandem materiâ dictâ esse infarctam, id quod mihi ansam præbuit suspicandi Glandem penis haud esse substantiæ carnosæ: proinde, ut quid hîc veri subesset clarius elicerem, ad experimenta configubiebam. Scilicet primò, sanguine è pene expresso & aquâ siphonis beneficio eluto, corpora nerveo-spongiosa crassiora, ab alijs corpora nervosa penis, imò ligamenta penis dicta, flatu replevi,

plevi, & vinculo injecto arctissimè ligavi, sperans fore, ut post exsiccationem mihi pateret, qualis esset vera hujus glandis constitutio. Ast incastum. Hoc enim experimento in conspectum quidem venit vera substantia dictorum corporum, ut & glandis interior, neutquam verò exterior. Èa enim inflatione intumuit & induruit quidem interior Glandis pars, flaccida tamen mansit pars Glandis exterior. Vid. fig. 75.

Hisce visis tubulum circa penis radicem indidi corpori nerveo-spongioso tenuiori Urethræ, ab aliis Corpus Spongiosum Urethræ dicto, ac tum flatu adacto intumuit simul cum eo pars glandis exterior, interior verò neutquam, sed flacciditatem retinuit. Hoc animadverso, credere cœpi, corpus (vel, ut alii volunt, corpora; duo enim esse autemant Anatomici) nerveo-spongiosum crassius & maius à corpore nerveo-spongioso tenuiore & minore esse diversum; & hoc cogitans tertium & ultimum experimentum institui, quod omnibus modis expectationi meæ satisfecit. Per tubulum nempè æneum circa penis radicem, ubi ad ossa pubis proximè accedit, insertum corpus nerveo-spongiosum majus & crassius flatu extendi, & post repletionem digitis tam diu penem detinui, donec eodem tubulo, è dicto corpore extracto, & corpori nerveo-spongioso minori & tenuiori indito, idem corpus flatu quoque replevissem; quo factò, totum deinde penem ligavi & exsiccavi: at verò quām difficile sit flatum in dictis corporibus continere, usque dum omnia exsiccata sint, palam fiet iis, qui in posterum idem experiri ac imitari volent. Post exsiccationem, penem & glandem ejus in lamellas dissecui, (Vid. figuræ 76, 77, 78, 79 & 80.) & reperi penis glandem nîl aliud esse quām veram continuationem tam corporis nerveo-spongiosi majoris & crassioris, maximam penis partem constituentis, quām minoris & tenuioris Urethræ, maximam & præsertim inferiorem ejus partem ambientis, sine ulla substantiæ mutatione.

Hæc autem corpora nerveo-spongiosa ita sunt constituta & posita, ut crassius & majus interiorem glandis partem constituant, minus & tenuius exteriorem, quam undiquaque ambit. Vid. fig. 81. & 82. Hæc duo corpora, nempe crassum & tenuem, à se invicem sunt separata septi intemedii beneficio, (vid. fig. 81. & 82 *) ita ut flatus per tubulum adactus ex uno corpore in aliud raro perveniat; raro inquam, quia semel atque ite-

rum tantum me illud observasse memini: & quantumvis Regnerus de Graaf statuat, inflatis corporibus nervosis (nobis nerveo-spongiosis majoribus & crassioribus) spongiosam Urethræ substantiam (nobis nerveo-spongiosum minus & tenuius,) etiam intumescere, & vice versa, (unde quoque deduxit notabile commercium eorum corporum inter se) nos tamen contrarium experimur; & frequentissima penum dissectio me edocuit, perquam raro illud contingere, nisi supra memoratum septum fuerit laesum; vel etiam per commercium vasorum sanguineorum, quod notabile est. Si enim corpus nerveo-spongiosum majus & crassius infletur, ut plurimum simul quoque inflantur venæ per penis dorsum repentes, (vid. fig. 75. quæ faciem exteriorem penis cum vasis sanguineis per dorsum repentibus demonstrat) quarum ramuli corporibus nerveo-spongiosis etiam inserviunt, & sic aliquando fieri potest, quod statuit supracitatus Anatomicus dexterimus. Porro etiam male observavit idem Regnerus de Graaf spongiosam Urethræ partem (nobis corpus nerveo-spongiosum minus & tenuie) sensim glandi appropinquantem magis ac magis attenuari gracilioremque reddi, tandemque in glande obliterari; potius enim dictum corpus in glandis extremo maximum & crassissimum existit, imò totam partem glandis exteriorem conficit. Vid. fig. 76, 77, 78, 79. & 80. & è contrà, quò magis corpus nerveo-spongiosum majus & crassius glandis partem extremam attingit, eò gracilis evadit, neque glandis extremum assequitur. Vid. figuræ mox recitatas.

Hisce probè animadversis ulterius inquirendum est, quid boni hæc observatio in Praxi Medica præstet.

I. Quia hæc tenus noto notius videbatur, Glandem nîl aliud quam carnosam & fungosam esse substantiam, penique adnatam, hinc nequidem per somnium in ullius Anatomici mentem irrepit, Glandem penis solum esse continuationem (prout revera est) omnium corporum nerveo-spongiorum, sine ulla mutatione substantiæ; Et eapropter plerique minus solliciti fuere de immodi-
ca hujus partis à continui solutionibus metuenda hæmorrhagia. Quam verò periculose sit glandi vulnus infligere, aut exulcerationem in ea nasci (præsertim si profundius penetrant ulcera aut vulnera, & ad corpus nerveo-spongiosum majus & crassius pertin-
gant) norunt ii, qui nobiscum animadverterunt, homines aliquan-
do ex leviori hujus partis vulnere aut ulceræ in vitæ discrimen-
fuisse deductos (vid. Obs. 42.) & præsertim si erigatur membrum
virile.

vīrile ita læsum; unde tanta sanguinis copia non raro ad glandem confluit, ut vix compesci possit ejusdem eruptio. Itaque cautè agendum, si ulceribus obsessa sit glans, ne intrinsecum lædatur. Læsiones superficiales minus periculosas esse experti sumus, modo non obsideant medium istius partis in glande, quæ ambitu suo penem excedit, & glandis Corona audit, ubi vasa sanguinea per dorsum penis repentina satis capacia sunt, quæ quocunque modo læsa ingentem sanguinis copiam periculosè fundere solent.

II. Si glans ulcere maligno obsessa amputanda sit, vinculum antea injiciendum esse ejus constitutio indicat, ut enormis hæmorrhagia præcaveatur. Vid. Obs. 30.

III. Notandum in Glande, Ulcera ibidem in suprema parte Urethræ periculosiora esse, ob metum majoris hæmorrhagiæ, quam ea, quæ urethræ imam partem occupant: propterea quod hæc magis sint remota à corpore nerveo-spongioso majori & crassiori, per quod arteriæ multò ampliores disseminantur, & in quod idcirco sanguis majori quantitate irruit, quam in corpus nerveo-spongiosum minus & tenuius. Credibile quoque est, in illo casu, de quo legitur in supracitato Tractatu Reg. de Graaf pag. mihi 149. læsum fuisse corpus nerveo-spongiosum majus & crassius, quia 14 lib. sanguinis tam brevi temporis spatio vix ac ne vix quidem ex læsione Urethræ aut ejus corporis nerveo-spongiosi tenuioris & minoris potuissent effluere, utpote vasculis sanguineis minimis ibidem existentibus.

IV. Constat glandem raro in totum posse tendi aut erigi, nisi utrumque corpus nerveo-spongiosum, ut & eorum nervi & vasa arteriosa bene sint constituta. Si verò aliqua hisce partibus accidat obstructio, in totum & æqualiter non eriget se glans, ut necesse est in coitu. A vasorum arteriosorum laudabili constitutione quoque dependere glandis erectionem dico, circa venosa verò non est cur ita solliciti simus, quandoquidem rarissimè ulla in iisdem obstructio reperitur: Sanguis enim per penem & glandem redux, non per minutissimos ramulos neque per corpus reticulare, ut loquitur Malpighius, regreditur, sed per venarum patentia & visibilia oscula, aut foramina. Venæ enim per penem distributæ si non omnes, saltem tot, quot unquam offendi, sunt poris magis & visilibus foraminibus pertusæ, cribri instar, quemadmodum quoque in vena splenica vitulina (vid. fig. 83. & 84.) conspicitur, quod nunquam hactenus observatum esse putem. Ejusmodi vena-

narum perforatio in causa est, quod sanguis per penem redux cito possit a penae regredi, pene momento flaccescente. Certè si penis & glandis ejus Corpora nerveo-spongiosa ut & eorum vasa venosa ritè examinentur, maximè illa cum splenis vitulini substantia ejusque vasorum venosis convenire observabuntur, glandulis spongiosis bene elotis. Hujus autem glandularum elotionis, & per venas aquæ beneficio eductionis, sine ulla tamen membranæ ambientis lœsione, primum me inventorem audeo profiteri, qualem etiam me agnovit olim Joh. van Horne Professor Anatomiae dignissimus. Anno scilicet, ni fallor, 1664. nullo Anatomie corum de tali encheirisi cogitante, varios lienes vitulinos præparaveram, quos mox memoratus Celeberrimus Professor dicipulis, imò publicè, cum applausu demonstrabat. Sed hoc obiter. Revertar ad propositum. Iстis autem lienis vitulini post inflationem levem exsiccati glandulis educatis, intrinsecum apprimè cum penis intrinseco convenire, palam fiet: id quod corpus nerveo-spongiosum majus & minus à nobis in pene & glande ejus dicitur, illud in splene vitulino per fibras nervosas designatur: quæ fibræ in liene ovillo non ita copiosæ existunt, in humano vero earum nullas invenio; quantumvis Sylvius contrarium statuerit, & hypotheses non usquequa congruas inde stabilire allaboraverit. Interim non solum ratione substantiæ fibrosæ, aut nerveo-spongiosæ convenient penis humanus & lien vitulinus, verum etiam respectu venarum, quæ eodem ferè modo pertusæ sunt. Quod si Authores, qui penis vasa depinxerunt, imò descripserunt, pervolvantur, apparebit quam pauci sint circa venas internas, per dicta corpora distributas, imò sicco quasi pede eas transeunt, & nonnulli in totum eas extare negant; & quid mirum? difficillime enim in conspectum producuntur.

Thomas Bartholinus inquit, penem habere arterias, venas, & nervos; venasque per penis partem exteriorem & interiorem distribui afferit; prætereaque nihil.

Regnerus de Graaf de dictis venis internis nil nobis commemoravit, ubi Penis Vasa describit.

Vesalius hisce verbis liberè fatetur se harum venarum distributionem per penis intrinsecam substantiam nunquam vidisse, & quamquam, ait, haec Vasa (loquitur de venis & arteriis) ad penis corpora pertingant, vix tamen sectione assequor, quo itinere in corporum cavitatem inserantur. Si causam hujus difficultatis

per-

A 18 J

Fig. 75.

Pag. 99




Fig. 80.



Fig. 79.



Fig. 78.C




Fig. 77.B.




Fig. 76.A




Fig. 84.



Fig. 83.A




Fig. 82.





Fig. 81 A



perscrutemur, facile inveniemus eam. Unica tantum methodus, quā dilucidari possunt hæ venæ internæ, mihi constat, idque solā penis inflatione & exsiccatione, post sanguinis elotionem. In illa inflatione simul inflantur venæ non solum per penis superficiem, verū etiam internæ, cribri ferè in modum pertusæ, quæ post exsiccationem cultello Anatomico examinari possunt; Vid. fig. 84. Lit. C. & si quis alio modo hasce perscrutetur, oleum & operam perditurus est. Ratio est, quia substantia venæ internæ propter porositatem confunditur facillimè cum penis substantia intrinseca porosissima.

Figur. 75. Expositio.

- A. *Penis Virilis inflatus, exiccatus, & in duas partes secundum longitudinem divisus, ut intrinseca conspicerentur.*
- a. a.a. *Arteria per substantiam nerveo-spongiosam dispersa.*
- B. *Pars Glandis exterior non inflata, qua propter in exsiccatione omnem spongiositatem amisit, unde membranam crassam repræsentat.*
- b.b. *Pars Glandis interior inflata, quæ pars & vera continuatio est corporis nerveo-spongiosi majoris & crassioris.*
- C. *Meatus Urinarius.*

Fig. 76, 77, 78, 79, & 80. Explicatio.

- A. *Taleolus s. portio Glandis penis, quæ Corona audit, & proximè sita est in loco, ubi præputium peni adnascitur.*
- a.a. *Dicti taleoli pars exterior, quæ continuatio est corporis nerveo-spongiosi tenuioris urethram ex parte ambientis, quæ tanti non est momenti, quanti quidem in sequenti fig. B.*
- b. *Pars dicti taleoli interior, quæ continuatio est corporis nerveo-spongiosi crassioris & majoris.*
- B. *Sequens portio s. Taleolus glandis penis.*
- a.a. *Dicti taleoli pars exterior, quæ respectu prioris taleoli major.*
- b. *Eiusdem pars interior, quæ respectu prioris minor.*
- C. D.E. *Eiusdem glandis taleolos demonstrat, qui successivè diminuti, internæ substantiæ diversitatem indigitant.*

Fig.

Figur. 81. Dilucidatio.

- A. *Penis inflatus, exsiccatus, & secundum longitudinem divisi, ut intrinseca facies appareret.*
- B. *Exterior glandis pars nerveo-spongiosa, quæ tenuioris & subtilaris est texturæ aut substantiæ.*
- C. *Interior glandis pars nerveo-spongiosa crassioris est texturæ aut substantiæ.*
- D. *Nerveo-spongiosa pars Urethræ.*
- E. *Urethra.*
- F. *Arteriaæ per penis interiora distributio.*

Figura 82.

Solius Glandis abscissæ intrinsecam faciem exhibet.

Fig. 83. & 84. Expositio.

- A. *Portio Venæ splenicae vitulinæ secundum longitudinem dissecta, ut perforationes ejus videri possent: quæ vena cribri instar perforata per Lienem disseminatur, & non statim obliteratur, ubi lienem intraverit, uti Highmorus & alii voluerent.*
- B.B. *Ejusdem abscissi rami.*
- C. *Portio Venæ per corpora nerveo-spongiosa distributæ, secundum longitudinem dissecta.*

F I N I S.

MUSÆUM ANATOMICUM
RUY SCHIANUM,
S I V E
CATALOGUS
RARIORUM,

Quæ in Authoris ædibus assertantur;
adornatus ab eodem

FREDERICO RUY SCH,

M. D. Anatomes, Chirurgiæ ac Botanices Professore

A M S T E L O D A M I

Adduntur Variæ Illustrationes, ut & Icones æneæ.



A M S T E L O D A M I,
Apud J A N S S O N I O - W A E S B E R G I O S.
M. D. C. C. X X I.

МИОНОГАЛАЧИВЗУМ
ПУДРНЭГУДЯ
СИБОЛАТАС
АМУЯОЛЯЯ

НОРЦЯ ОДЯЧЕДЛ

С М

ЛЖЕСКИ

Nobilissimo & Amplissimo Viro

D^o. JOANNI COMMELINO

Reipublicæ Amstelodamensis Senatori gravissimo, Fau-
tori & Amico longè honoratissimo,

Omnia fausta precatur

FREDERICUS RUY SCH.

Nobilissime & Amplissime Vir,

T singularis Tua Rerum quarumvis Natur-
lium peritia, & imprimis quoque Tua erga
me mihi perspectissima benevolentia meritò an-
sam mihi suggerunt, hanc Cimeliarchii mei
Descriptionem Amplissimo mihiq[ue] Carissimo
Nomini Tuo consecrandi: tum ut extet mo-
numentum aliquod veteris jam à viginti & ultra annis cultæ
amicitiæ nostræ, tum ut paginæ ipsæ hoc nomine publico
fiant commendatores. Profecto sive quærendus erat Fautor
de me benè meritus, cui hæ chartæ inscriberentur, neminem
conspiciebam cui plus deberem; sive deligidus Judex, qui
de his & similibus existimare unus omnium optimè posset,
nullum reperire poteram, cui justius eadem dedicarentur
quām Tibi, *Vir Nobilissime*. Quapropter & sponte quasi suā
ad Te solum tendunt, idque ex occulto grati animi sensu; imò
ob insignia Tua erga me & (si hoc addere fas est) Filium
quoque meum merita assidue impellor ad eorundem publicum
elogium. Haud enim satis Tibi fuit tot favoris & sinceri
affectus indicia in me conferre, quin insuper benignitatem
Tuam ad istum natu majorem Filium meum extendere quo-
que Tibi placuit; quam ipse adhuc nuper (ut alia nunc non
commemorem) in Musæoli sui extructione abundè est exper-
tus,

tus; dum istud variis exoticis, ex utraque India allatis Semi-nibus liberaliter augere atque ornare voluisti. Dabit ipse mecum operam, ut hæc gratissima dona, non sint incassum à Te seminata; potius gratiarum cùm flores tūm fructus quilibet occasione Tibi referre allaborabit. Interim hunc, quem Tibi offero, Rariorum Catalogum, benigna fronte acceptes, & conatus meos æqui bonique consulas, velim, neque eundem ex sua magnitudine suoque pretio, at solū ex meo Tibi observantiam meam testandi desiderio ponderes. Deus Opt. Max. Te, *Nobilissime Vir*, diu servet in columem, omneque felicitatis genus in te, Tuosque clementer effundat. Amstelod.
9 Martii cl̄o l̄o c xc.



M U-

MUSÆUM ANATOMICUM
RUY SCHIANUM,
S I V E
CATALOGUS
R A R I O R U M ,

Quæ in Musæo Authoris asservantur.

**TUMBA ERECTA VARIIS SCELETIS, &c.
 INSTRUCTA.**

Nº I. In arce hujus Tumbæ collocatum Caput osseum nuper nati, cum hac inscriptione:

Nullum sæva Caput Proserpina fugit.

In hoc Capite sequentia notatu digna.

1. Offa syncipitis, occipitis, & frontis, ubi primò osseam induunt naturam, nempe in sui medio, secundùm proportionem magis quam in adultis prominent, suntque ibidem loci multò solidiora.
2. Ex hac parte duriore, tanquam centro ossificationis, innumerabiles striæ ossæ videntur protractæ, quod in initio ossificationis semper locum habere reperio.
3. Annulus osseus ab ossis petrosi infima parte adhuc separatus est, in superiore verò jungitur Ossi temporum per symphysin sine medio.
4. Officula auditus in suo naturali situ, quæ demptâ in utroque latere membranâ Tympani luculenter apparent. Ea-

dem Officula in recenter natis haud minora esse quam in adultis, hic observabile.

5. Notabilis separatio aut distinctio inter os squamosum & Lapidosum, quae in foetu sola cohaerent membranula.
6. Dentum in tenella illa aetate constitutio, qui quantumvis imperfecti, osseam tamen jam natu sunt firmitudinem.
7. Os occipitis est quatuor partibus manifestissime coagumentatum. Harum partium maximam tribus rimis sibi invicem oppositis gaudere, luce meridiana clarius constat.

Nº. II. Sub eo Capite, aliud exiguum Embryonis abortivi quatuor mensum, Caput osseum exhibetur;

In quo observandum supra dictas strias clarius adhuc posse cerni.

Nº. III. Sequitur Sceleton pueri tres circiter annos nati, dextrâ Psittaci sceleton tenens.

Volat irrevocabile Tempus.

In hoc pueri Sceleto observanda sunt,

1. Cranium in Bregmate esse clausum, fontanellâ jam obliteratâ.
2. Dens molaris quartus in maxillæ superioris utroque latere, exitum sibi querens, ante tertium ipsam maxillam perforat.
3. Spina Ossis Illi cartilaginea, qualis non solum in hoc sceloto, verum etiam in omnibus junioribus existit; quod si non bene observetur in scelopœia, facile spina isthac cartilaginea amittitur.
4. Os Ilium utrumque est tribus partibus constans, prout semper in junioribus.
5. Patellæ in totum cartilagineæ.

Nº. IV. A dextra Sceleti memorati aliud sex septimanas nati Sceleton humanum conspicitur vexillum dextrâ gerens.

Fru-

Frusta cruento marte carebimus.

In Eo memorabilia occurunt sequentia.

1. Inferior pars ossium pubis cartilaginea, superior verò jam ossea.
2. Omnes epiphyses, non solum veræ (sic puto omnes processus articulatorios, qui veræ parti ossis adnascuntur, vocandos esse) verùm etiam omnia carpi & tarsi officula merè adhuc cartilaginea sunt ; utroque osse calcis excepto, in quo osseum quid apparet.
3. Dentes incisorii, qui eruptione alios ut plurimum præcedunt, quantumvis crassiori membrana adhuc investiantur, transparent.
4. In Sutura Lambdoidea Officulum triangulare, quod in Epilepsia commendant Authores nonnulli.
5. Processus mammillaris in utroque latere adhuc deficit, itaque pro vera Apophysi est habendus, postea enim ex osse temporum erumpit.
6. Processus vertebrarum spinosi, quæ spuriæ sunt Apophyses, (propterea quod veræ parti ossis, seu corporibus vertebrarum, epiphyseos in modum adnascuntur, & in usum cum apophysibus convenient) è cartilagine in hoc, sicut in similibus sceletis, constant. Cautè itaque in sceletopoeia tractandi, alias enim decidunt.
7. Vertebras è quatuor partibus constare hoc ætatis tempore, skeleton istud demonstrat.
8. Capitis ossa, secus ac in recens natis, futurarum beneficio jam cohærent.

Nº. V. A sinistra sese offert Sceleton octo menses nati, Lancem gerens.

Notanda Sequentia.

1. Canalis osseus in osse petroso adhuc deficit, prout in ea ætatula communiter contingit.

2. In

2. In sinistro latere Tympani membrana pellucida, ita ut Auditus officula transpareant in suo situ naturali.
3. Cætera convenient cum præcedenti.

Nº. VI. A latere sinistro comparet Sceleton Viri adulti manu dextrâ pectori impositâ.

Notanda.

1. Officula lachrymalia nullo modo læsa, quemadmodum frequentissimè accidit in Sceletorum confectione, propter eorum tenuitatem.
2. Quæ in iisdem officulis reperiuntur foramina communia, transitui ductus lachrymalis destinata, multo capaciora sunt solito.
3. In futura squammosa lateris sinistri varia reperiuntur Officula Wormiana.
4. Spina Ossis Ilii (quæ spuria est Apophys; quoniam epiphysos in modum Ossi Ilio adnascitur) ossa facta, notabilis linea à vera ossis parte separata est.
5. Ossa pubis à se invicem haud ita dehiscunt in inferiore parte, ac in muliere; unde in viris angustior redditur pelvis, idque non solum in hoc sceleto, verùm etiam in omnibus virorum sceletis illud ita sese habet.
6. Os caudæ non ita retro, aut posteriora versus, reflexum est, ac in Mulieribus, sed magis ad ossa pubis accedit.
7. Costas crassiores & rotundiores existere in Viro quam Muliere, hic quoque appetat.

Inter duo Sceleta minora supra memorata, & Nº. 3. & 4. insignita, jacet cadaverculum Foetus septem mensium, balsamo per aliquot annos nitidè conservatum, & lapidis instar induratum, cuius dextra flores fugaces, puta rosas, &c. continet, hominis fragilitatem denotantes, cuius symbolum est:

Ipsa dies aperit, conficit ipsa dies.

In hoc Fœtus cadaverculo indurato sequentia
notanda.

1. Quâ cinctum est caput , Corona , ex floribus naturalibus est confecta, quorum petala sunt perpetua; illa enim non solum nunquam decidunt, verùm etiam naturalem fervant colorem; quod à me ita factum puta, ut illa cum subiecto, nunquam corrumpendo, convenienter.
2. Fovea in capitis fontanella , (quod fœtibus denatis familia-
re, signumque est animam reliquisse corpusculum) satis evi-
dens est.
3. Cadaverculum lapideam obtinet duritiem in universum;
Visceribus in corpusculo relictis, eandemque duritiem obti-
nentibus.
4. Color naturalis propemodum adhuc integer.

Nº. VII. Huic fœtui Balsamo conservato adstat Sceleton Abortus quadrimestris falce minans iustum ; cuius dictum :

Nec parcit imbellis juvencæ poplitibus.

In eo Sceleto sequentia memoratu digna.

1. Striarum protractiones in cránio instar aquæ in glaciem de-
generantis.
2. Ea pars ossis temporum, quæ os squamosum audit, in
sua ossificatione præcedit eam partem, quæ os lapidosum
dicitur.
3. Dicti ossis os Orbiculare quarto mense osseam induisse sub-
stantiam, hic videmus.
4. Maxilla inferior in tam tenero abortu magis est acumina-
ta in suo medio, quàm in ætate proiectiori.
5. Quænam partes Ossium innominatorum primò osseam in-
duant naturam, hic luce meridianâ clarius constat.
6. Nil ossei adhuc appareat circa Carpum , Metacarpus verò
planè osseus.

7. In Tarso vix Osseum quid reperitur , Metatarsus è contra osseam duritiem jam obtinet.
8. Ossa digitorum manus , ea quæ sunt in digitis pedum in sua ossificatione præcedunt.
9. Os pectoris eo tempore nîl ossi adhuc habere,hic clarè constat.
10. Claviculæ in totum fere ossæ , ut & costæ , exceptis eorum epiphysibus.
11. Processus anteriores maxillæ inferioris (ab aliis Coronæ, aut processus acuti dicti) veras apophyses haud esse , hoc exiguum sceleton demonstrat. Existunt enim dicti processus in prima ossificatione , & non erumpunt ex vera ossis parte ; quod de essentia veræ apophyseos esset , itaque non immeritò à me pro apophysibus spuriis habentur.

Nº. VIII. Sub dicto sceleto reperitur aliud octo mensium , dextrâ tenens Vesicam urinarium , è cane desumptam.

Homo Bulla.

In eo Sceleto sequentia visuntur.

1. Carpus planè cartilagineus.
2. In tarso Calx osseam induit duritiem , cætera Pedis ossa adhuc cartilaginea.
3. Patellæ in totum cartilagineæ.
4. Omnes epiphyses totius sceleti cartilagineæ.
5. Maxillam inferiorem è duabus partibus constare in foetu recens nato , certum est : at verò earum unio non fit cartilaginis interventu , uti Authores autumant , imò quotiescumque illud exploravi , semper reperi , hasce duas partes , membranæ ope cohærere , quemadmodum in hoc subiecto videri potest.
6. Os innominatum lateris sinistri decliviorē habet situm , quam dextri ; idque neutiquam propter malam conformatiōnem , sed ob sceleti situationem , ante ejus exsiccationem ; id quod multis imposuit Chirurgis , existimantibus os femoris exarticulatum esse , quum offendenter alterutrum protra-

tractius esse post lapsum, & dolores immanes. Hoc dico sæpius dependere à situ & corporis protractione, unde decliviorē acquirit situm, & insequente osse femoris, crus longius nobis videtur.

7. In osse pectoris octavo mense gestationis sex septemve ossi cula rotunda, secundūm dicti ossis longitudinem positā, sæpius inveniuntur, hic vero nonulla ex iis sunt gemina.
8. Fontanella in capite perquam exilis.

Nº. IX. A dextra memorati sceleti reperitur Sceleton fœtus humani maturi, tubam deauratam maxillis comprehendens.

Memento temporis novissimi!

Nº. X. Pueri quadriennis Sceleton, varia crepundia manibus gerens.

Vita humana lusus.

In eo Sceleto notanda.

1. Offa pubis osseam eo ætatis tempore induisse naturam, hic constat.
2. Offa innominata in tres partes esse separata, hoc sceleton quoque demonstrat.
3. Patellæ planè adhuc cartilagineæ.
4. Offa Calcis, Tali, Tesseræ, ut & maximum ex tribus offibus innominatis, in osseam degenerarunt substantiam; dum cætera duo innominata, seu cuneiformia, ut & naviculare, cartilaginea remanserunt.
5. Epiphyses ferè omnes osseam nactæ sunt rigiditatem, inter quas & veram offis partem multum cartilaginis intercedit.
6. Offa Femoris, Tibiæ, Suræ & Humeri, figuram habent magis rectam, quam in adultis confuevit.
7. Ex offibus carpi duo osseam substantiam nacta sunt, idque in utroque latere.
8. Os pectoris ex undecim officulis rotundis (quod raro si unquam visum) conflatum.

No. XI. Sceleton quinque circiter annorum pueri, à cuius dextra corculum humanum, balsamo induratum, filo serico dependet.

Omnia sunt homini tenui pendentia filo.

In eo notanda.

1. Ossa utriusque tarsi (ossibus navicularibus exceptis) osseam induisse duritiem.
2. Os pectoris è quinque ossiculis rotundis constans.
3. Inter processum Anchoriformem, & veram ossis Scapulae partem, multum cartilaginis interpositum esse; quod indicio est, dictum processum Apophysin spuriam esse.
4. Duo ex anterioribus ossibus carpi videmus verè osseam natæ duritiem; cætera adhuc cartilaginea sunt, sicuti in præcedenti sceleto.
5. Summus humerus, qui processus est scapulæ, hic planè adhuc cartilagineus.
6. Spina ossis ilii in totum cartilaginea.
7. Inferiorem epiphysin ossium humerorum veram esse epiphysin, luce meridiana clarius hic constat, inter eam enim & veram ossis partem cartilago intercedit.
8. Idem reperitur in inferiori epiphysi ossium quæ Radii dicuntur.
9. Superiores epiphyses ossium cubiti (nempe olecrana) cartilagineæ adhuc existunt, nîque ossei in iis invenitur.
10. Epiphyses superiores seu capita ossium brachii è duobus ossibus eo ætatis tempore constare, conspicitur.
11. Trochanteres majores ut & minores Epiphyseos more veræ ossis parti adnascuntur; itaque pro spuriis Apophysibus quoque habendi.
12. Inferiores epiphyses ossium surarum osseam naturam induerunt, superiores verò cartilagineæ adhuc existunt.
13. Omnia utriusque tarsi ossa (solo Naviculari excepto) ossea facta.
14. Ossicula auditus lateris sinistri naturalem occupant in osse petroso situm.

Nº. XII. Sequioris sexus Sceleton satis procerum strophiolo lachymarum abstersionem repræsentans, cum hoc symbolo,

Mundus lachrymarum Vallis.

Notanda.

1. Sceleton fæmininum esse, satis indicant costarum tenuitas, ut & distantia quæ inter inferiorem partem ossium pubis animadvertisit.
2. Amplior quoque tota pelvis quam in Viro.
3. Os Pectoris è quatuor ossibus constat, mucro verò in totum adhuc cartilagineus; quod nobis indicio est, ætate nondum fuisse provectum; tractu temporis enim numerus dictorum ossium in osse pectoris ita diminuitur, ut in senio non raro simul cum mucrone ex uno osse constet.

Nº. XIII. Basis Tumbæ variis humanis ossibus repleta, cæmeterium repræsentat.

Æqua Tellus recluditur pauperis Regumque pueris.

Lit. A. Caput osseum in quo notanda.

1. In futura squammosa sinistri lateris, circa basin processus mammillaris, ossiculum Wormianum.
2. Alterum par futurarum mendorum (cujus beneficio latera ossis sphœnoidis ossi frontis conjunguntur) magna ex parte obliteratum. Exinde dicta ossa per symphysein fine medio unita sunt.

L. B. Hominis Caput osseum.

Notanda.

1. Palatum mirum in modum depresso.
2. Sutura sagittalis in totum obliterata, in cuius parte postica

- fovea rotunda visitur. * An à trepanatione?
 3. Sutura coronalis circa os temporale finistrum obliterata.

L. C. Hominis Caput osseum.

Notanda.

1. Sutura sagittalis ad nasi usque radicem extensa os frontis in duas partes dividit.
2. In utroque latere ossis frontis sulci longi inveniuntur, ornam ducentes è foraminibus supra oculorum orbitas sitis, in iis locantur nervi per musculos frontis distributi.

L. D. Vetulæ Caput osseum.

Notanda.

1. Utraque maxilla non solùm edentula, verùm etiam in sua altitudine ita diminuta, ut vix dimidia latitudo supersit. Vide Observationem 83. & figur. 65.
2. Maxima, imò prodigiosa reperiuntur in hoc capite foramina in exteriore parte orbitalium oculorum sita, quæ apud Spigelium foramina quarta ossis cuneiformis audiunt. An hoc à prima conformatione, an verò ob senectutem, haud facile est determinare.

L. E. Caput osseum, in quo notanda:

1. Sutura sagittalis ad nasi radicem usque exorrecta.
2. Cavitas in infima parte ossis frontis perquam exilis, quam Authores ab illo futuræ decursu ad nasi radicem usque ori, autumant; verùm aliquoties contrarium quoque observavi.
3. In futura Lambdoidea varia Officula Wormiana; inter quæ duo triangularia, eaque ad latera, ubi sutura sagittalis cum lambdoidea conjungitur.
4. Processus mammillares ossium temporum cavernulis referti.

L. F.

L. F. Caput osseum, in quo notanda:

1. Sutura sagittalis, sicut in præcedenti, ad nasi radicem extensa.
2. Ossiculum Wormianum exiguum in futura secunda mendosa, quod valde rarum.
3. In superiore & exteriore parte ossium Zygomaticorum insignis processus osseus (rarissimè si unquam antea visus) reperitur.

L. G. Caput Osseum hominis adulti.

Notanda.

1. In latere sinistro Ossiculum Wormianum in futura squammosa.
2. Inter Ossicula Wormiana vix majus reperitur, quam in sutura coronali hujus capitis. Illud similiter haud frequens.
3. Vomer cum septo narium per osseam substantiam unitus, quod sæpiissimè contingit in adultis, unde ansa oborta apud nonnullos dubitandi, utrum hæc duo ossicula unum, an verò duo essent.
4. Muscularum temporalium vestigium insigne cum margine eminentiori in osse frontis & syncipitis.

L. H. Pueri octo circiter annos nati Caput osseum.

Notanda.

1. Notabilis hîc est distinctio & separatio ossis occipitis ab osse sphenoideo; quod solum in junioribus cernitur: tandem enim hæc duo ossa conjunguntur per osseam substantiam.
2. Hic visu pulchrum, quomodo in dentium renovatione interstitia alveolorum à prorumpente dente extrudantur, imò in nihilum redigantur.

L. I. Caput osseum hominis adulti.

Notanda.

1. Ossicula Wormiana varia in Sutura Lambdoidea.
2. Geminum ossiculum Triangulare inter Suturam Sagittalem & Lambdoideam.
3. Ossicula Wormiana varia in Sutura secunda mendosa.

L. K. Caput Osseum.

Notanda.

1. Sutura sagittalis ad nasi radicem usque protracta; quod sexus varietatem neutiquam denotat.
2. Varia ossicula Wormiana exigua in Sutura Coronali, inter quae unum valde ingens.
3. Ossiculum Wormianum in Sutura Coronali.
4. Tot Ossicula Wormiana in Sutura Lambdoidea, ut dimidia pars dictæ futuræ gemina appareat.

L. L. Adulti Caput Osseum.

Notanda.

1. Sutura sagittalis in totum ferè oblitterata.
2. In ossis occipitis medio prominentia ossea præternaturalis apparet.

L. M. Pueri caput osseum.

Notanda.

1. Sutura squammosa dextra maxima ex parte gemina.
2. Idem reperitur in sutura Lambdoidea.

L. N. Ca-

L. N. Caput osseum senile.

Notanda.

1. Os triangulare inter Suturam Sagittalem & Lambdoideam.
2. Varia ossicula Wormiana in Sutura Lambdoidea.

Nº. XIV. Varia ossa humana inter dicta Capita ossa disseminata, ut Cæmeterium repræsentarent.

Inter dicta ossa primò nobis occurrit os humeri sex annos circiter nati, cuius epiphysis superior seu caput, ut & epiphysis inferior, propter decoctionem in aqua simplici separatæ sunt. Vide Nº. I.

Duo ossa cubiti ejusdem pueri, epiphysibus per decoctionem orbata, olecrano ne quidem excepto, quod indicum est, ipsum olecranon epiphyseos in modum veræ ossis parti adnasci. Itaque pro apophysī spuria quoque habendum olecranon. Vide Nº. II.

Os femoris ejusdem pueri incurvatum, cuius epiphysis superior & inferior non solum post decoctionem deciderunt, verùm etiam uterque trochanter five rotator: hinc clarè constat, dictos trochanteres spurias esse apophyses, & veræ parti ossis epiphyseos more adnasci. Vide Nº. III.

In Theca A. sequentia reperiuntur.

In primo & supremo Repositorio exhibentur.

Nº. I. Partes generationi inservientes fœtus maturi sequioris sexus, cum annexis vesica urinaria & portione intestini recti. In uteri vagina semilunare hymen, prout ordinariè in illa ætatula comparere consuevit, conspicitur; solet enim in puellis cum tempore accrescere in circulum, in cuius centro, in statu naturali apertura semper remanet. Conspiciuntur quoque utrimque arteriæ umbilicales cum uracho impervio.

Nº. II. E Puerpera novem dierum venæ spermaticæ portio

Q

cera-

ceraceâ materiâ repleta, in qua capacitas dictæ venæ notabilis; extra puerperium & in non gravidis neutiquam ita capaces venæ spermaticæ.

Nº. III. Vena jugularis equina, in cuius altera extremitate conspicitur valvula connivens, aut membranula semilunaris valvulam mentiens, & tamen ad valvulæ officium explendum inepta. In altera verò extremitate ostium rami è dicta vena producti occluditur verà valvulâ.

Nº. IV. Stomachus cum intestinis embryonis quatuor mensium.

In Repitorio secundo reperiuntur.

Nº. I. Vesica Vitulina geminam mentiens, utpote in cuius postica parte adhæret quasi secunda vesica, priori & verâ amplior, cui crediderim ortum dedisse Urachum præter naturam dilatatum, qui in hoc animalium genere secundum naturam semper reperitur pervius.

Nº. II. Sceleton fœtus quatuor mensium, brachiolorum elevatione quasi exsultans.

O mibi nunc, Ossibus molliter quiescentibus!

Nº. III. Partes generationi inservientes à quatuor mensibus gravidæ.

Notanda.

1. Hasce partes viginti sex annis tam nitidè conservavi, ut videantur recenter exsiccatæ.
2. In dicto Utero quoque decumbit fœtus Balsamo conditus & lapidis instar induratus, cujus symbolum,

*Formatus, denatus, & sepultus in eodem.
Sic Uterus mibi Tumulus.*

3. Vaginam in gravidis longiorem esse hic appareat.

4. Ve-

4. Vesicam non semper insequi hanc vaginæ cxtensionem similiiter hic observari potest.
5. Annexa etiam hic comparent ligamenta uteri teretia, quæ hic diceres in antica potius quam postica uteri parte hærere, idque ob fundum uteri graviditatis tempore in altum sese elevantem.
6. Notatu quoque dignum est, eo loci ubi intestinum rectum cum vagina coalescit, parietem illum haud esse tam spissum, prout sibi communiter quis imaginaretur, & quam facile, dum hæ partes malè affectæ sunt, sibi invicem mala sua communicent: adeo ut gangræna illic exorta tam facilè à vagina ad intestinum rectum transeat.
7. Quam ampla sint in gravidis vasa sanguinea uterina, hic quoque apparet.
8. In vesica flatu leviter extensa, nulla ruga, nulla fovea; tam verò naturaliter constituta, ac si urinâ esset distenta.

Nº. IV. Huic utero cum foetu in eo occluso adstat Sceleton
quatuor mensium cum dimidio, sinistrâ
dictum uterum tangens.

Nec poterat Tumulo nobiliore tegi.

Notanda.

1. In ejus sterno nil ossei adhuc apparet.
2. Officulum triangulare inter Suturam Sagittalem & Lambdoideam reperitur.

Nº. V Sceleta gemellorum quatuor mensium.

Dextrum manibus elevatis, gaudium quasi præ se ferens, cælum respicit.

Simistrum verò dextrâ oculis lachrymantibus applicitâ, mortis suæ præmaturæ eventum sinistrum deplorare videtur: sic igitur gemelli dispari quasi affectu exprimunt Democritum & Heraclitum.

Nº. VI. Renis humani, in lamellas scissi, portio.

Notanda.

1. A. A. Vasa sanguinea per renem dispersa & materiâ ceraceâ oppleta.
2. B. B. Canaliculi per quos urina ad pelvim dederuntur.

Nº. VII. Ren Humanus prodigiosæ magnitudinis, Iagenæ figuram referens.

Notanda.

1. Per ejus membranas notabilia vasa sanguinea disseminantur, inter quæ, licet repleta, varia tamen adeò exilia existunt, ut visus aciem ferè fugiant.
2. Arteria Renalis s. Emulgens, ab omnibus membranis & pinguedine denudata, quibus alias occultari solet.
3. Tubercula, potius glandulæ renales induratæ & tumefactæ è renis substantia expullulantes, & Lit. a. a. insignitæ.

In Repostorio tertio.

Nº. I. Intestini Ilei humani portio pedamento insistens.

Notanda.

1. Mesenterii, cui dicta intestina cohærent, vasa Mercurio vivo turgida.
2. Naturalem situm servarunt dicta intestina, quorum vasa sanguinea Mercurio vivo quoque sunt infarcta.

Nº. II. Sceleton septem mensium foetus abortivi, sinistrâ gerens intestina & stomachum gallinæ.

Pecudum fibras rimatur & exta.

Notanda.

1. Aciculæ variæ stomacho infixæ sunt, quas deglutiens gallina, ex iis nonnullæ stomachum perforarunt. Vide Nº. I. a. a.
2. In

2. In osse pectoris quatuor observantur officula rotunda.

Nº. III. Pila è pilis vaccinis in stomacho vaccæ reperta.

Nº. IV. Portio vasorum pulmonis, Arteriæ scilicet, Venæ, & Asperæ Arteriæ, super invicem ita positæ, ut naturalem positionam aut situm ferè servent.

Notanda.

Omnia dicta vasa repleta in subtilissima vascula desinunt, arboremque (quod visu pulchrum) repræsentant.

Nº. V. Thecula fenestrata quatuor Sceletis Embryonum ditta, quorum primum & maximum duorum mensium cum dimidio, intestina ranæ nitidè inflata & condita dextrâ gerit.

Notanda.

1. Caput corporis respectu solito more ingens, & maxima ex parte membranaceum.
2. Ossis frontis ossificatio primùm sese offert circa oculorum orbitas; sic & os occipitis circa foramen maximum medullæ egressui dicatum.
3. Nulla adhuc ossificatio in loco ossium bregmatis.
4. Maxilla superior in totum ossea, ut & maxilla inferior, quarum utraque in oblongum est protracta, & acuminata sicut in canibus.
5. Claviculæ osseæ, ut & costæ.
6. Offa innominata partim ossea, partim cartilaginea, quorum ossificationem in medio eorum incipere palam hic est.
7. Officula carpi merè cartilaginea sunt, metacarpii verò ossea.
8. Digitorum officula, osseam substantiam induere incipiunt, & arenæ magnitudine est illud, quod ossis naturam induit.
9. Officula metatarsi jam ossea, digitorum verò cartilaginea.

Nº. VI. Proximè succedens Sceleton, in eadem Thecula fenestrata locatum, duorum circiter mensium est, finistrâ

gerens pulmonem ranæ inflatum & scissum, ut intrinsecum videre liceat.

Notanda.

1. Cranium in totum membranaceum, exceptâ superiore parte orbitæ Oculorum.
2. Utraque maxilla jam osseam duritiem acquisivit.
3. In ossibus innominatis levissimum ossificationis initium observatur, puncti candidi specie.
4. Metacarpii ossicula, ossificationem arenæ in modum exiguum exhibent.
5. Tota spina dorsi merè cartilaginea, imò ferè membranacea videtur.

Nº. VII. Sequitur ordine tertium embryonis septem circiter septimanarum Sceleton, in eadem Thecula fenestrata positum, sinistrâ gerens polypum è sinu longitudinali desumptum.

Notanda.

1. Hic Polypus tantam habebat tenacitatem, ut eximi & exsiccari potuerit, venam referens. Quo ipso, multi fuêre decepti in pectoris affectibus, cum tuiliendo ejusmodi polypos rejecerunt, credentes sese venas expectoratas offendisse. Hosce polypos nil aliud esse, quam serum stagnans & incrassatum in bronchiis pulmonum aut aliis vasis venosis, luce meridianâ clarius constare, existimo.
2. Parum aut nihil in sui ossificatione à præcedenti discrepat.

Nº. VIII. Quartum hujus Thecæ fenestratae Sceleton embryonis duorum circiter mensum, sinistrâ gerens ovum humanum, dextrâ verò Ephemerum.

Nascentes morimur.

Notanda.

1. Caput in totum membranaceum, exceptâ superiore parte utrius-

utriusque orbitæ Oculi. Imò in totum convenire videtur cum Sceleto supramemorato №. 6. insignito.

2. Caput goffypio repletum est, ut rotunditatem retineret.

№. IX. Dictæ Thecæ fenestratæ adstat Sceleton sex mensum, sinistrâ gerens racemum calculorum è corpore humano excretorum, qui calculi limosâ substantiâ cohærent; dextrâ verò ostendit varios calculos, è vesicula fellea humana desumptos, qui figurâ & æqualitate summopere inter se convenient, imò posticam partem patellæ æquant.

Homo natus de muliere, brevi vivens tempore, repletur multis miseriis.

Notanda.

1. In osse pectoris tria ossicula Sphærica reperies, cætera cartilaginea adhuc existunt.
2. Membrana Tympani in laeo latere integra & pellucida, per quam videmus ossicula auditus in suo situ.
3. In carpo, tarsoque nil ossei apparet, metacarpio & metatarso in utroque latere ossei existentibus.

№. X. Arteriæ Pulmonalis ramus ingens, ceraceâ materiâ refertus; unde ramusculi, etiam minutissimi, clariùs in oculos incurruunt.

Notanda.

1. Repletorum ramusculorum capillarium extremitates, ob tenuitatem vix ac ne vix quidem videri posunt sine microscopio.
2. Omnes membranæ visui obstantes in totum ablatæ, ita ut vascula appareant nuda.

№. XI. Testis Virilis Balsamo induratus, & à tunica vaginali denudatus, fervatâ propriâ seu albugineâ.

Notanda.

Lit. A Testiculum demonstrat.

B Pa-

THECA A REPOSITORIUM III.

- B Paraftata seu epididymis, per cuius superficiem vasa sanguinea innumerable sparguntur & quidem artificiosè repleta.
- C Globus Epididymidis major.
- D Globus Epididymidis minor.
- E Vasa spermatica præparantia siphone repleta miro nenuco cohærentia, & serpentino cursu repentina.
- F Musculus cremaster.

Nº. XII. In eodem Pedamento reperitur tunica vaginalis ejusdem testiculi, cum annexo musculo cremastere.

Notanda

Omnia esse præparata, ut parum aut nihil à naturali statu recesserint; vasa nempè repleta, naturalis capacitas & cavitati dictæ tunicæ ita sunt conservatæ, ut quasi adhuc inflata appareat tunica vaginalis.

Nº. XIII. Hominis vesicula fellea.

Notanda.

In ea multi calculi ciceris magnitudine, qui quoad formam patellæ haud absimiles sunt.

Nº. XIV. Vituli splen à parenchymate glandulofo & ambiente membrana separatus.

Notanda.

1. Arteria splenica ex parte repleta.
2. Vena secundum longitudinem dissecta, ut ejus perforatio, & in progressu obliteratio aut annihilatio clarius videri possent.
3. Sulci, in quos dicta vena terminatur.

Nº. XV.

Nº. XV. Vituli Arteria splenica ab omnibus fibris splenicis denudata, cui adhuc annexitur vena splenica, in qua ejusdem obliteratione quoque apparet.

Nº. XVI. Membrana vasculis sanguineis minutissimis ditata; quorum, quantumvis ceracea materia infarctorum, extremitates, tamen sine microscopio in sensu haud incurrent, propter subtilitatem suam.

Nº. XVII. Pueri duos circiter annos nati portio intestini ilei & coli, cum annexo cæco & processu vermiformi.

Notanda.

1. Dicta intestina mesenterio & mesocolo cohærent.
2. Vasa Mesaraica repleta.
3. Glandulæ numerosæ per dictum intestinum ileum dispersæ, lumini candelæ si exponantur, apparent.
4. Intestinum Colon magis magisque angustatum in processum vermiformem desinit, secus ac in ætate proiectioribus, in quibus intestinum cæcum circa processum vermiformem magis protuberat, ut excrementis esset diverticulo. Vide fig.

Nº. XVIII. Foetus quatuor mensium Sceleton, sinistrâ gerens margaritas, quas indice dextra commonstrans, quasi hoc innuit:

Cur velim ea diligere quæ sunt in mundo?

Nº. XIX, XX, XXI. Humani intestini Ilei portiones.

Notanda.

1. Vascula sanguinea ceracea materiâ ad minimâ usque ita infarcta, ut intestinum adeò rubeat ac si esset inflatum.
2. Variis in locis eadem materiâ fibræ intestinorum musculosæ seu transversæ videntur oppletæ.

Nº. XXII. Leporis intestini Coli & Cæci portio, Balsamo
nitidè præparata.

1. In intestino variæ occurunt glandulæ.
2. Interior superficies seu tunica tam mirum in modum est contorta, ut cochleam seu instrumentum, quo in Hollandia ad aquas è profundo hauriendas utuntur (*Belgice een Handwater-malen*) repræsentet, & hoc in omni lepore locum habere reperio.

Nº. XXIII. Uterus cochleæ marinæ gravidæ cochleis exiguis refertissimus.

Notanda.

1. Hunc Uterum Asperæ Arteriæ æmulum, & ex multis annulis cartilagineis esse compositum.
2. Totam uteri cavitatem Cochleis exiguis esse refertam, interposita materia spongiosa aut potius fibrillis spongiæ instar contextis.

Repositorium IV.

Nº. I. Uterus humanus Balsamo induratus, & ita præparatus, ut omnia quæ ad uterum pertinent, vaginâ exceptâ, oculos incurant. Vid. litteras, per quas particulæ omnes denotantur.

A Uteri corpus in sinistrum latus retractum. Vide Observat. 88.

B Os uteri internum.

C Duo ligamenta, lata dicta.

D Ovaria.

E Tubæ Fallopianæ, s. Oviductus inflati, cum earundem fimbriis.

F Vasa sanguinea repleta, & per uterum disseminata.

G Ligamentum tertium teres, præter naturam huic utero connatum, de quo mentio facta Obs. 88.

Nº. II. Uterus humanus (de quo mentio facta est Obs. 85.) per medium dissectus & Balsamo nostro induratus, in quo occurunt.

Notanda.

1. Uteri cavitas sanguine coagulato referta.
2. Ovario dextro sanguinis coagulati grumus adhæret; & quia Uteri ut & Tubæ dextræ cavitates sanguine erant turgidæ, admodum probabile est, eundem sanguinem è Tuba in Ovarium stillasse, sicque eidem accrevisse. Hæc omnia litteris sequentibus demonstrantur.

A. Uterus in duas partes divisus, in cuius cavo sanguis coagulatus a appareat.

B B Ovaria.

C Sanguis coagulatus ovario dextro agglutinatus.

DD Ligamenta lata.

EE Ligament teretia.

FF Tubæ Fallopianæ cum annexis fimbriis.

GG Vasa sanguinea per uterus dispersa.

HH Ova humana.

I Os Uteri internum.

Nº. III. Sequioris sexus Foetus humanus sex mensium cum dimidio, in liquore jam à multis annis ita conservatus, ut nil præter animam amiserit. Hujus symbolum:

Nec Mors, nec Vita relictæ.

Notanda.

1. Naturalis color, magnitudo, crassitiesque, sine ulla rugis ita conservata sunt, ut Pictori inservire possit dictus foetus: videtur enim recenter è vita discessisse.
2. Umbilicalis funiculus inter pedes visibilis, planè naturaliter quoque constitutus.
3. Situm naturalem quoque servavit.

Nº. IV. Cerebrum humanum Balsamo lapidis instar induratum & inversum.

Notanda.

1. In Balsamatione parum aut nihil amisit de sua magnitudine, ita ut integrum crani sui capacitatem possit replere.
2. Glandula pituitaria & infundibulum (Lit. A.) tam affabre præparata & cerebro annexa, ut in recenti cerebro haud luculentius demonstrari possint.
3. Ambæ glandulæ (B.) ponè infundibulum consitæ.
4. Medulla oblongata, fissurarum beneficio in duas partes divisa, quarum antica minor, major & profundior postica.
5. Protuberantia annularis. D.
6. Cerebri quadripartiti anteriores & posteriores lobi. E. E.
7. Cerebellum lamellatim dispositum. F.
8. Nervi olfactiorum. G. G.
9. Nervi Visorii. H. H.
10. Nervi oculorum motorii. I. I.
11. Nervi Pathetici. K. K.
12. Par 5^m. secundùm Willisum, & 3^m. Veterum. L. L.
13. Par 6^m. Willisi f. 4^m. Veterum. M. M.
14. Par auditorium. N. N.
15. Par vagum O. O.
16. Nervi accessorii. P. P.
17. Par nonum Willisi & septimum Veterum.
18. Par decimum Willisi.
19. Infundibulum, artificiosissimè præparatum, servatà ejus cavitate.
20. Tenuis Meninx, s. pia Mater.

Nº. V. Pars cerebri anterior Balsamo firmata, pedamento insistens.

Nº. VI. Ejusdem cerebri portio, in qua corticalis substantia à medullari discernitur.

Nº. VII. Portio Humani intestini Ilei & Coli, cum annexo Intestino Cæco, & ejus processu vermiformi.

Notanda.

1. Valvulae coli.
2. Glandulae in processu vermiformi.
3. Calculi magnitudine capitis aciculae majoris, per membranas coli dispersi; glandulas esse in lapideam substantiam degeneratas, non dubitavi amplius, postquam illud in intestinis equinis luce meridianâ clarius inveni & conservavi.
4. Cellulae Coli.
5. Tria Coli ligamenta.

Nº. VIII. Vasculum ligneum, laccâ expolitum, & Pilorum manipulum continens, quorum nonnulli Spithamæ longitudine visuntur.

Notanda.

1. Hosce Pilos reperi in Atheromate omenti, pugni majoris magnitudine. Vide Observ. 18.
2. Nullus horum pilorum gaudet radicibus visilibus.

Nº. IX. Pars cranii homicidæ, in perversa decollatione à Carnifice gladio in duas partes divisa.

Repositorium V.

Nº. I. Duo ossa femoris post fracturam tam inconcinnè reposita, aut saltem post repositionem tam male conservata, ut fracturarum extremitates super invicem positæ & coaliæ, ossa valde reddiderint decurtata.

Notanda.

1. Variæ exostoses, quarum nonnullæ acutæ & tenues, non raro in causa sunt, ut afflicti, etiam sanati, adhuc impensè doleant, dum incedere primò conantur; id quod haud

- mirum, cum in incessu musculi ab acutis istis prominentiis atterantur.
2. Dictæ exostoses non solum circa callum, in ambitu fracturæ reperiuntur; verum etiam supra fracturam, è parte sana proruperunt.
 3. Circa originem harum exostosum hoc notandum, easdem enasci ex illis foraminulis, in quæ implantantur fibræ tendinosæ, quibus evulsis ansa datur earundem eruptioni, quod in luxationibus similiter aliquando quoque accidit, cuius exemplum vide in osse subsequentे №. 2 & 3.

№. II. Ovis os innominatum, in quo sequentia notatu digna occurunt.

Notanda.

1. Non solum in ambitu acetabuli (in quo caput ossis femoris rotatur) multum ossis expullulavit, verum etiam in ipso acetabulo. Hæ ossis expulsiones s. exostoses ortum duxerunt ex evulsione eorum ligamentorum, quorum beneficio os innominatum ossi femoris coarticulatur: idque ab ictu vehementiori, unde simul etiam os femoris frangebatur. Hanc meam opinionem confirmant quoque ossa №. 3 & 4. pedamento communi insistentia, quorum os primum os femoris est supracitatum, post fracturam vitiosè ferrumina-
tum. In quo variæ quoque reperiuntur exostoses è sana parte prominulæ. Os secundum, dicto ossi femoris adsumtum, inferior pars est ossis tibiæ canis venatici, qui inse-
quendo Cuniculum à saltu altiori in pedis luxationem incidit, unde ligamenta quoque ex osse evellebantur & eodem in loco variæ exostoses à me post mortem ejus sunt repertæ.

№. V. Syntaxis ossium utriusque pedis filo æneo tam affabré concinnata, ut fila oculos vix incurvant.

№. VI. Sceleton Pueri recens nati, capiti osseo hominis adulti insistens, quod illi loco pedamenti inservit. Sinistrâ contineat portionem peritonæi cujusdam herniosi, in quo perito-
næo visui exhibetur hernia omentalís.

Post Funera prosum.

Notanda.

1. Hic luce meridiana clarius constat, in eo affectu hernioso peritonæum quidem dilatari & extendi, idque vel in hoc vel in illo loco, non verò disrumpi.
 2. Vasa spermatica sub peritonæo decurrere, aut per superficiem ejus exteriorem repere. Quod si Authores super hac re consulantur, illi dicta vasa inter peritonæi duplicaturam procurrere autumant; nos verò *talem*, quam illi descripsere, duplicaturam haud admittimus.
 3. Dicti Sceleti caput ferrâ maximâ ex parte divisum est, ut falcis veram constitutionem, sicut & duræ matris duplicaturam cerebrum à cerebello dividentem, videre licet. Cætera convenient cum aliis prægressis Sceletis.
 4. In capite osseō, quod dicto Sceleto pro pedamento est, futura sagittalis ad nasi radicem usque extenditur.
 5. Inferior ejus maxilla omnibus alveolis (uno excepto) destituta, dimidiā partem suæ altitudinis amisit, unde foramina nervi quarti paris exitui destinata, in supremo maxillæ visuntur.
 6. Maxilla superior tantum quoque de sua altitudine (propter alveolorum annihilationem) amisit, ut vix calami scriptorii latitudo remanserit.
 7. Foramen ossis cuneiformis, quod falso quartum audit, (non solùm enim insculptum est ossi sphœnoideo, verū etiam ossi zygomatico, & maxillari) & in exteriori parte orbitæ oculi invenitur, tantæ est capacitatis aut latitudinis, ut nuci avel lanæ facile viam præbeat.
- Notandum hic quoque, ossa, in quibus dictum foramen exsculptum est, nempe os sphœnoideum, os zygomaticum, & os maxillare, diminui necesse esse.
8. In Tumbæ Basi caput osseum reperitur, in quo foramen dictum ejusdem capacitatis est.
 6. Foramina nervorum visoriorum exitui destinata, ut & foramen quintum & sextum ossis sphœnoidis multò quoque ampliora propter ossium diminutionem. Ita ut in senio non solùm

solum partes moliores, puta musculi, pinguedo &c. aliquando summopere diminuantur, verum etiam aliquando partes ossae.

10. In dicto capite osseo duo quoque exstant ossa triangularia inter suturam sagittalem & lambdoideam.
11. Ossicula Wormiana varia reperiuntur in suturis squamosis ossium temporalium.

Theca B. Repositorym I.

Nº. I. Particula pulmonis, è foemina, inflata & spongiæ æmula; in qua vesiculæ pulmonales, substantiam pulmonis constituentes, luculenter apparent.

Nº. II. Particula pulmonis, è Viro, inflata, pedamento insistens, in cuius bronchiis pulmonalibus calculus ingens, & præter eum, variii adhuc calculi eidem pedamento insistentes.

Notanda.

1. Vesiculæ pulmonales innumerabiles visuntur diversæ magnitudinis.
2. Vascula sanguinea transversim secta.

Nº. III. Particula pulmonis vitulini inflata, in qua vesicularis substantia, vasorum vestigia, ut & septa membranacea, pulmonem in varios lobos dividentia, apprimè visuntur. In eodem pedamento variii quoque calculi, è pulmone bovino desumpti, conspiciuntur.

Nº. IV. Ejusdem vitulini pulmonis portio, in qua mox dicta septa membranacea ab inflatione instar spongiæ expansa, ut & tumor flatulentus reperiuntur.

Nº. V. Pulmonis Vitulini portio, in qua septa supradicta magis adhuc sunt expansa.

Nº. VI. Pulmonis lobulus ab annexis lobulis ita separatus, ut ne quidem læsa sit ambiens ejus membrana, unde inflatus à me exsiccatus est. Huic annexitur ramulus asperæ arteriæ.

Sub dicto Repository primo.

Nº. VII. Pedamentum variis particulis pulmonis inflatis instructum.

Notanda.

1. Particula pulmonis, cuius septa membranacea ita sunt extensa, ut cellulas adiposas repræsentent.
2. Ejusdem pulmonis portio, cuius ambiens membrana est ablatâ, & sic medullæ fambuci ad amusim respondet.
3. Portio pulmonis inflata, cuius vasa transversim secta apprimè apparent.
4. Portio dicti pulmonis in varios lobos divisa.
5. Particula pulmonis, cuius membrana, quantumvis tenuissima existat, flatu tamen in cellulas innumerabiles separata est.
6. Pulmonis inflati portio, quæ ab ambiente membrana suspensa manu separata est, & sericum ad contactum mentitur.
7. Membrana pulmonis tenuissima.

Nº. I. Vituli lien à glandulis seu parenchymate glanduloſe separatus, & inflatus, per cuius superficiem vasa lymphatica numerosa inflata disseminantur.

Nº. II. Anatis os alæ fractum & sanatum.

Notanda.

Hujus fracturæ callus ex materia osseo-spongiosa, diploës in crano instar, constat; id quod aliquoties in homine quoque observavi: ita ut haud nimis fidendum sit iis, qui au-

tumant fracturarum callum semper tantæ esse firmitatis, ut ossa olim fracta & ferruminata citius (si denuo fracturam patiantur) in loco vicino, quām in dicto callo frangantur.

N^o. III. Pulmonis vitulini portio non inflata, ut vasa sanguinea per pumonis lobulos dispersa melius in conspectum producerentur.

Notanda.

1. Vascula sanguinea ceraceâ materiâ ita repleta, ut ne quidem eorum extremitates oculis sine microscopio assequi possimus.
2. Lobulorum subdivisiones.
3. Clarè hîc constat vasa sanguinea unius lobuli nullum habere commercium cum alterius lobuli vasibus, intercedente membranâ, aut septo membranaceo. Imò membrana cujusque lobuli ambit tantùm lobulum proprium: vasorumque ramuli prospiciunt tantùm suo proprio lobulo. Hoc ita sese habere in pulmone vitulino expertus sum. In Homine verò non semper (si unquam) illud locum habere, videsis N^o. 4.

N^o. IV. Pulmonis humani particula aëre non distenta, propter mox memoratam rationem.

Notanda.

1. Vascula sanguinea ceraceâ materiâ tam affabré eò usque sunt oppleta, ut eorum extremi ramusculi, qui vix microscopio detegi possunt, etiam ceram receperint.
2. Materia ceracea plurimis in locis per arterias adacta, & ad lobulorum vesiculas perducta, easdem replevit vesiculos pulmonales. Exinde in Hæmoptysi palam fit, quomodo sanguis rapidior factus, propter hanc vel illam causam, nempe calorem, tenuitatem &c. aliquando per arterias ad vesiculos pulmonales, & ex iis ad asperæ arteriæ ramusculos deductus, per os rejiciatur.

N^o. V. VI. VII. Pulmonis vitulini non inflati portiones, quarum vascula materiâ dictâ infarcta sunt.

Notanda.

1. In hisce perspicilli ope extremitates vasorum melius adhuc deteguntur.
2. Lobulorum divisiones clariùs h̄ic quoque apparent.
3. Lobulorum dictorum subdivisiones h̄ic quoque ita apparent, ut quisque lobulus grani hordei cortice obducti magnitudinem repræsentet.
4. Vesiculæ pulmonales ex parte materiâ ceraceâ, per arterias adactâ, oppletæ visuntur.

N^o. VIII. Bovinæ asperæ Arteriæ pars, per cuius ramuscum variæ hydatides disperguntur, qui affectus, quantumvis bobus magis quām hominibus proprius sit, non raro tamen in pulmone humano pariter reperitur.

Notanda.

In hisce Hydatidibus observatu dignum est, easdem flatu à me fuisse repletas, exsiccatas, & ita conservatas, ut naturalem ferè magnitudinem & formam reservarint.

m^o. IX. Fœtus quatuor mensium Sceleton dextrâ penem juvenis, in taleolas dissectum, gerens, in cuius interioribus nonnulla, à nemine hactenus detecta, egregiè demonstrantur. Vide Obser. 94.

Quantum est quod nescimus!

N^o. X. Vascula sanguinea per membranas dispersa, & Mercurio vivo repleta, ut ramifications & inosculationes arteriarum conspici possint.

N^o. XI. Inter repositorium secundum & tertium parieti affixa conspicuntur varia Vascula sanguinea, materiâ ceraceâ repleta, & ab omnibus adhærentibus membranis ita separata,

ta, ut nîl membranacei supersit: quod rarissimum censeo; præfertim quia minutissimi ramusculi sunt infarcti, & ab omnibus adhærentibus separati. Vide Lit. A, B, C.

Repositorium III.

Nº. I. Sceleton infantis sex mensium, cuius caput osseum portione Omenti, sericum repræsentantis, tegitur.

Nascimur ad mortem, Morimur ad vitam.

Notanda.

1. Sternum ex quatuor ossiculis constat.
2. In tarso & carpo nîl ossei adhuc appetet.
3. Deformitas exigua reperitur in maxillæ superioris medio.

Nº. II. Placenta uterina ab Obstetricie in evulsione dito indice magna ex parte in duas parte divulsa, & porrò plures ante annos tam artificiosè à me Balsamo præparata, ut hisce diebus Pictor sublequenti figurâ primâ eam repræsentârit.

Figur. I. Expositio.


A Placenta Uterina.


B Fissura ab Obstetricis dito indice facta, dum placentam evellet.

C Locus ubi funiculus sese in placentam insinuat, circa quem locum observatu dignum est, quò magis ad centrum sese insinuat funiculus, eò difficiliorem esse extractionem. Vid. Obs. 97.

D Pars arteriæ umbilicalis funiculi quæ miro flexu sese reflexit, quod in recenti funiculo nodum repræsentat, è cuius multiplicitate Obstetrics temerariæ augurantur foetuum numerum, ab hac puerpera posthac luci exponendorum.

Fig. 1.





Nº. III. Gallinæ Uterus cum annexo ovario, &c.

Notanda.

- A Uterum denotat, in quo ovum per aliquod temporis spatiū, ad sui perfectionem, imò corticis obductionem, detinetur.
- B Uteri vulva, s. vagina.
- C Oviductus miro flexu contortus.
- D Infundibulum s. Ovarii introitus.
- E Oviductus expansio, s. Tuba Fallopiana.
- F Calices è quibus vitelli sunt elapsi.
- G Calicum pedunculi, è quibus dependent Vitelli.
- H Vitellorum racemos.
- I Vitelli majores in racemi ambitu locati.
- K Vitelli minores, circa racemi centrum positi.

Nº. IV. Effœtæ Gallinæ Uterus cum oviductu.

Notanda.

1. Degeneratio ejusdem uteri & oviductus, cùm gallina est effœta.
2. Non omnes circumvolutiones oviductus oblitteratae comparent.

Nº. V. Gemellorum sex mensium Sceleta, Brachiis contortis
se se mutuo amplectentia.*Prima, quæ vitam dedit, hora carpsit.*

Notanda.

1. In unius sterno tria reperiuntur ossicula rotunda, in alterius verò tantum unum, quod ossificationis diversitatem innuit, eorumque opinionem falsam esse ostendit, qui tempus ossificationis tam præcisè determinare gestiunt.
2. In tarso & carpo nîl ossei adhuc appetet.

3. In infimâ parte capitî ossi utriusque Sceleti omnia officula ab omnibus membranis, pinguedine, & musculis tam nitidè sunt mundata, ut nîl visum impedit; & sic summa differentia nobis occurrit inter officula horum tenellorum Sceletorum, & ossa adulorum; id quod visu mirum & delectabile.

Nº. VI. Placenta uterina humana cum suo funiculo umbilicali.

Notanda.

1. Omnes arteriæ à me sunt repletæ materiâ albâ, venæ è contra materiâ rubrâ; quæ variegatio aspeetu jucunda.
2. Tam artificiosè præparata eit Placenta, ut naturalem magnitudinem, formam, & crassitudinem reservârit.

Nº. VII. Crepidæ è Corio humano confectæ.

Nº. VIII. Cutis in filamenta dissoluta, quæ fila sericea non malè referunt.

Nº. IX, X, XI. Funiculi umbilicales à fibris & membrana ambiente separati, quorum vasa sunt inflata, & tam artificiosè exsiccata, Balsamoque præparata, ut naturalem capacitatem, sine rugis aut foveis, retinuerint.

Nº. XII. Pars cerebri humani anterior Balsamo imprægnata & lapidis instar indurata.

Notanda.

1. Omnes cerebri gyri & anfractus egregiè conspiciuntur.
2. Quantumvis indurata sit dicta cerebri portio, nulla tamen ruga in ea invenitur.

Nº. XIII. Pars venæ portæ ossefacta è corpore hydropticæ.

Nº. XIV.

Nº. XIV. Embryonis quatuor mensium Sceleton, cuius pedes ad cursum directi; dextrâ gerit particulam Ossis Femoris carie infecti.

Neque ulla est aut magno aut parvo lethi fuga.

Notanda.

1. Hæc ossis particula desumpta est post mortem è femore cūjusdam mulieris, tumore spongioso obseßæ.

2. Quantumvis os femoris in dicta ægra, magna ex parte esset cariosum & in multa fragmenta, propter dictum affectum, divisum, omnia tamen fragmenta erant nivea, & nulla nigredine inquinata; quod plures observavi, quando dicti tumores ante obitum non fuerant aperti, & si aëri denegatus fuerat introitus.

Nº. XV. Portio intestini Ilei è lepore desumpta, in qua glandulæ intestinales luculenter seſe offerunt.

Nº. XVI. Cordis bovini auricula dextra, lapidis instar, jam à viginti quinque annis nitidè conservata.

Nº. XVII. Membrana, per cujus duplicaturam vascula sanguinea, sanguine proprio infarcta, tam subtilia distribuuntur, ut visus aciem fugiant; Microscopii tamen beneficio ramusculorum extremitates, imò corpus reticulare Malpighii, in sensus incurront.

Nº. XVIII. Ramus arteriæ pulmonalis ceracea materia oppletus, & ab omnibus membranis separatus, arboremque repræsentans.

Nº. XIX. Cerebrum ovinum Balsamo lapidis instar induratum.

No-

Notanda.

1. Ita reclinatum est cerebrum istud, ut duo ventriculi anteriores, imò & tertius ventriculus, conspici possint.
2. In eo quoque luce meridiana clariùs conspiciuntur Glandula Pinealis, Testes, Nates, Medulla Oblongata, ut & ejusdem medullæ oblongatæ crura, &c.

Nº. XX. Cor infantis balsamo conditum, & ita præparatum, ut foramen ovale, duo ventriculi, paries, utraque auricula, valvulæ, imò & vasorum exortus compareant.

Nº. XXI. Cor ovinum balsamatum, in quo auriculæ naturalem capacitatem retinuerunt. Prætereà ibidem vasorum exortus observatur.

Notanda.

Vasa coronaria Mercurio vivo sunt infarcta.

Nº. XXII. Cor ovinum jam ante viginti & sex annos Balsamo induratum.

Nº. XXIII. Cuniculi corculum Balsamo tam nitidè præparatum, ut naturaliter adhuc turgidulum appareat.

Nº. XXIV. Cor ex anate desumptum.

Nº. XXV. Uterus ovinus, in quo varia officula supersunt à prægressa imprægnatione, fœtu in utero denato, & per partes expulso

Notanda.

1. Vasa ceraceâ materiâ ita oppleta, ut eorum cursus serpentinus demonstrari possit.
- aa. Uteri Cornua; potius Uteri Bifurcatio; semper enim pars posterior uteri in duas finditur partes, quæ cornua repræsentantes, cornua audiunt.

BB. Ovi-

B.B. Oviductus.

C. Vagina.

D. Vesica.

E. Meatus urinarius.

F. Ovarium sinistrum.

Nº. XXVI. Hominis intestini Jejuni portio.

Notanda

1. Valvulæ conniventes luculenter in ea detectæ.
2. Lit. A. Tumorem designat in eodem intestino, qui à flatu subortus est, postquam exterior tunica leviter fuit læsa; ejusmodi tumores quoque oriri in arteriis, à sanguinis propulsione, qui Aneurismata audiunt, postquam alterutra tunica læsa est, omnibus constat.

Repositorium IV.

Nº. I. Hominis intestini Coli, & Ilei portio, cum annexo intestino Cæco & appendicula vermiformi.

Notanda.

1. Glandulæ numerosæ in dicta intestini Ilei portione.
2. Glandularum acervus in processu vermiformi.
3. Valvularum intestini Ilei, (aut si mavis Coli,) naturalis constitutio tam affabré reservata est, ut nil deficiat; & sic facillimè concipi potest regressum exrementorum è Colo & Cæco ad Ileum in statu naturali prorsùs esse impeditum.

Nº. II. Diversæ portiones intestini Ilei è Puer.

Notanda.

Omnis sunt inversæ, ut glandulæ intestinales melius in conspectum producerentur.

Nº. III. Pueri biennis stomachus.

T

Nº. IV.

Nº. IV. Intestini Jejuni humani portio, cuius valvulas conniventes reperi oblitteratas, aut in nihilum redactas; cuius affectus nullus Authorum, quod sciam, adhuc mentionem fecit.

Notanda.

In dicto processu materia lapidis instar dura reperitur.

Nº. V. Offa pedis ovilli ita exarticulata, ut animal coactum fuerit supra dorsum pedis incedere.

Nº. VI. Hominis intestinum Cæcum à Colo separatum; huic annexus est processus vermiformis.

Notanda.

1. In dicto processu vermiformi corpuscula, lapidis instar dura, post mortem inveni.

2. Dictus processus glandulis scatet.

3. Per Cæcum variæ quoque glandulæ disseminantur.

Nº. VII. Intestini Ilei è Vitulo desumpti portio.

Notanda.

1. Totum intestinum à vasorum repletione artificiosa rubet, quasi esset inflatum; atque hinc ratio & modus veræ inflammationis deduci potest.

2. Glandulæ numerosissimè per dictum intestinum disseminatæ.

Nº. VIII. Fætus recenter in lucem editi omnia intestina mesenterio adhuc cohærentia, naturalemque situm occupantia.

Notanda.

1. Quanta sit differentia inter intestinum Cæcum recens nati & adulti, hic apparet.

2. Le-

2. Leviter sunt inflata, & Balsamo ita indurata, ut nulla fo-
vea in iis reperiatur.

Nº. IX. Uretetis calculosi portio, ita extensa ob calculo-
rum transitum frequentem, ut minorem
digitum facilè recipiat.

Nº. X. Intestini Ilei humani portio.

Notanda.

1. Vasa sanguinea ceracea materiâ infarcta.
2. Vascula unius lateris cum alterius vasculis communicant
& se se invicem osculantur.
3. Valvularum Conniventium vascula sanguinea, eâdem mate-
riâ sunt oppleta; vide fig.

Nº. XI. Trunci Arteriæ magnæ & Arteriæ pulmonalis cir-
ca cordis basin abscissi, idque è corpore Vitu-
lino, recenter in lucem edito.

Notanda.

1. Dicti trunci repleti sunt.
2. Ductus arteriosus, per quem sanguis in fœtu immediatè ex
arteria pulmonali in arteriam magnam transfunditur, hîc
quoque conspicitur.

Nº. XII. Fœtus humani sex mensium Sceleton.

Nº. XIII. Vituli Splen à parenchymate glandulofo seu glandu-
lis separatus, & inflatus, quantumvis nullibi membrana
eius lœsa sit; qui separandi modus à me ante viginti sex an-
nos est inventus.

Nº. XIV. Hominis intestinum Duodenum, in quo paucæ aut
nullæ valvulæ conniventes communiter inveniuntur.

Nº. XV. Hepatis portio, in qua glandulæ hujus Visceris
luculentissimè apparent.

Nº. XVI. Infantis caput balsamatum, lapidis instar induratum, & corona laurea (margaritis intertexta) nitidè cinctum, & sic pedamento suffultum.

Nº. XVII. Arteriæ ramus repletus, mirum in modum rarusculos suos spargens.

Repositorium-V. & infimum.

Nº. I. Fœtus humanus octo mensium cum dimidio rostrum piscis Gladii dentibus asperioribus præditum humero gerens.

Ab fata, ab aspera fata!

Nº. II. Infantis quinque menses nati Sceleton, dextrâ ramum arteriæ ceraceâ materiâ infarctum elevans; sinistra verò vituli intestinis innixum.

Quid grandia molimur tenues!

Notanda.

1. In osse sterno ossicula solito numerosiora, imò nonnulla gemina.
2. Dentes incisorii eruptionem minantur.
3. Varia ossicula Wormiana inter os frontis & sphœnoidis, præsertim in latere dextro.
4. In Occipitis osse foraminulum præternaturale.
5. Nil ferè ossei in carpis.
6. In tarso verò nonnullæ cartilagines osseam induerunt substantiam.

Nº. III. Infantis bimestris Sceleton, dextrâ gerens fasciculum florum naturalium, quorum colores admodum amoeni jam à plurimis annis superstites manent; prout sunt Amanthoides Africana, Stœchas citrina latifolia, Gnaphalium, &c. Ab ejus sinistra dependet catena, cui affixus est calculus

culus ex vesica fellea humana desumptus, qui nucis moschatae magnitudinem refert; quibus quasi exprimit juventutis florem, & senectutis spinam.

Notanda.

1. Sinus longitudinalis per fontanellam egregie transparet.
2. Circa os pectoris idem ferè observatur ac in præcedenti.
3. Officula auditûs in sinistro latere in situ naturali visuntur.

Nº. IV. Sceleton sex mensium, è cujus dextra Margaritæ funiculo constrictæ, ut & aliæ majores dependent; in sinistra gerit concham matris perlarum ut & varias margaritas filo constrictas; cujus symbolum:

Morte linquenda Omnia.

Notanda.

1. Duo ex incisiis dentibus in maxilla superiori proruperunt, inferiores è contra sub crassiori membrana adhuc latitant.
2. In Tarso, Talus, Calx, Os Naviculare & Tesseræ, ex parte osseam induerunt naturam.

Nº. V. Venæ brachii humani ceraceâ materiâ repletæ, in quibus variæ protuberantiæ, valvulas denotantes, apparent.

Repositorium I.

Nº. I. Penis cum annexa Vesica ex Ove desumptus, cujus meatu urinario magna ex parte deficiente, urina sese exoneraverat per foramen in postica penis parte: qui affectus in homine aliquando quoque occurrit, & sterilitatem affert.

Nº. II. Intestinum Cæcum cum Coli portione è fœtu recens nato, in quibus observatu dignum est, Cæcum cum processu vermiciformi canalem esse uniformem, absque peculiari

culiari prominentia, quemadmodum in ætate proiectioribus.
Vid. figur. 2. Observatu quoque dignum, Ileum & Colon
eiusdem esse capacitatis.

Figur. 2. Explanatio.

A Intestini Ilei portio, ubi in Colon sese inserit.

B Intestini Coli portio.

C Intestini Cæci cum processu vermiciformi confusio, & instar
cornu arietini contorti.

Nº. III. Portio arteriæ magnæ, circa egressum è Corde abscis-
sa, cuius valvulæ ossefactæ, coaliæ, & planè deformes red-
ditæ. De quibus mentio facta est in Observatione 69. Vide
quoque Fig. 57. Obsrv. 69.

Nº. IV. Intestini Ovini portio, cuius vasa repleta.

Repositorium II.

Nº. I. Portio Coli Leporini glandulis refertissima.

Nº. II. Ureteris Equini portio.



Nº. III. Fœtus humani Sceleton quatuor mensium cum dimi-
dio, dextram in altum elevans, sinistrâ verò exiguum
serpentem gerens, cuius cauda in os inserta circulum repræ-
sentat.


Finisque ab origine pendet.

Nº. IV. & V. Renes Ovini prodigiosi inflati & Balsamo præ-
parati cum annexis ureteribus.

Circa hos notanda.

I. Inter omnes dissectiones Anatomicas, quas celebravi hacte-
nus, nunquam casum rariorem ostendi; utrumque enim re-
nem ita expansum inveni, ut uterque pintam cum dimidia
liquoris contineret. Quæ extensio suborta fuit ab impedito





urinæ libero exitu ad vesicam, unde renes ita sunt extensi & substantiâ adeò tenues facti, ut videantur vesicæ urinariæ, excepto utriusque extremo, ubi carneo-glandulosam retinuere substantiam. Hic affectus (quoniam consistit in dilatatione & expansione enormi, ob continuum & irritum expellendi conatum) cum hernia coincidit, ac proinde jure merito Hernia renalis nominandus est.

2. Arteriarum ceraceâ materiâ infarctarum cursus naturalis in hisce expansis renibus melius, quam in renibus benè constitutis, videri potest.
3. Ureteres admodum tortuosi, & circa exortum tantæ capacitatis, ut pastinacam majorem recipere possint.
4. Utrumque renem exiguo foramine aperui, ut interiora melius conspici possent, ubi variae concamerationes membranose apparent.

Nº. VI. Vesica ex eadem Ove desumpta, quæ veram causam remoræ urinæ manifestat: si enim attendas introitum ureterum in vesicam, litteris AA denotatum, nullam visibilem reperies aperturam, attamen aliqualem fuisse ante exsiccationem, sequens probat experimentum. Per tubulum ureteribus insertum vi quadam adactus flatus, aliquatenus vesicam intrabat. Dico, *vi quadam*, quoniam flatu leviter adacto haud extendebatur vesica, propter membranulam illud impedientem. Tubulo vero in vesicam inserto, statim ureteres imò & renes flatu extendebatur.

Notanda.

BB. Ureterum extrema, ubi vesicam intrare consueverunt, demonstrant, ubi consideratu dignum est, dicta extrema ita esse extensa, ut duos globulos nucis juglandis crassitie præsentent.

CC. Rotundarum & exiguarum membranarum vestigia denotant, quæ obſtaculo fuere, ne urina in vesicam liberè descendere potuerit.

D. Sphincter dictæ vesicæ.

E. Vas Lymphaticum per pelvim & renem dispersum.

FF. Re-

FF. Renum extremitates, quæ glandulo-carnosam retinuere substantiam

Nº. VII. Sceleton Embryonis humani trium mensium, sinistrâ ferens spinas ex Echinomelocacto desumptas, stellamque repræsentantes. Dextrâ verò in cœlum elevatâ pro symbo-lo habet:

Per aspera ad Astra.

Nº. VIII. Capsula in qua annulus aureus, qui loco adamantis, aut alterius lapidis pretiosi, calculum huma-num continet octangularem, in vesica, dum viveret ægra, tam affabré politum ut mirum appareat intuenti. Vide Observationem primam, ubi inauditam reperies histriam.

Nº. IX. Vesica Humana tribus ureteribus instructa, quorum unusquisque seorsim sese exonerat in vesicæ cavi-tatem.

Nº. X. Gallinæ Africanæ intestinum cæcum, per quod Striæ membranose variæ distribuuntur.

Nº. XI. Vituli splen à parenchymate glanduloſo & ambiente membrana separatus, cuius arteria cerace à materiâ infarcta.

Nº. XII. Arteria splenica vitulina repleta, & ab omnibus fibris membranaceis circumfisis separata, ita ut nuda appareat arteria.

Repositorium III.

Nº. I. Equi, recens in lucem editi, Intestinum Cæcum, cum annexa portione Coli & Cæci.

Notanda.

I. Valvulæ Coli ita coalitæ, / ut exrementorum transitus in to-

THECA c REPOSITORIUM III. 149

- tum fuerit impeditus, unde mors subitanea suborta fuit.
2. Triplex ligamentum in Colo, sicut in homine.
3. Hinc triplices quoque sunt valvulae conniventes in Colo, cellulas repræsentantes.

Nº. II. Intestini Ilei humani portio, in qua diverticulum satis magnum & præternaturale reperitur. Vide fig. 3.

Figur. 3. Explicatio.

AA. Intestini Ilei portio.

D Diverticulum præternaturale.

Nº. III. Hepatis vasa à glanduloso parenchymate separata, & tam affabré concinnata, ut variis in locis ne quidem capillaria Vaseula defiant.

Notanda.

A Vena cava per hepar dispersa.

B Vena portæ.

C Vena umbilicalis in ligamentum mutata.

D Ductus venosus itidem in ligamentum degeneratus.

Nº. IV. Gemellorum humanorum, sex menses cum dimidio natorum, Sæleta nivea, arteriam rubicundâ materiâ opulentam humeris gerentia.

*Nos dulcis vitæ exfortes & ab ubere raptos abstulit
atra dies, & funere mersit acerbo.*

Notanda.

1. In osse pectoris unius tria reperiuntur ossicula rotunda, in alterius verò quatuor.
2. Auditûs ossicula nondum perfecta, luculenter in statu naturali visuntur.
3. Observatu dignum, tantum discriminis intercedere inter utriusque fontanellæ latitudinem.

Nº. V. Arteria Pulmonalis à Vesiculis pulmonalibus separata,,
& in ramusculos minutissimos divisa ; Huic connectitur
portio arteriæ magnæ à corde abscissa.

Notandum.

A Ductum arteriosum , inter arteriam pulmonalem & arte-
riam magnam situm, indigitat.

Nº. VI. Parieti hujus thecæ adhæret portio arteriæ pulmona-
lis à vesiculis pulmonalibus tam affabré separata, ut ejus
extremitates plusquam capillares optimè sint conser-
vatae.

Nº. VII. Fœtus humani maturi Sceleton gerens arteriæ ra-
mum, qui pectori innititur.

*Cum tantum in vita restet transire malorum, liber ab
his letho, latus sine voce triumpho.*

Nº. VIII. Intestini Jejuni Vitulini portio, glandulis refertif-
sima , cuius vasa, ceraceâ materiâ sunt oppleta.

Nº. IX. Septum lucidum è Cerebro Hydrocephali octo an-
nos nati.

Notanda.

1. Pars inferior hujus Septi infernè cerebro erat connatum,,
& variis in locis pertusum aut perforatum , ita ut lym-
phaticus humor in ventriculis contentus, ex uno ad alte-
rum ventriculum potuerit profluere.
2. Latex aquosus in ventriculis de die in diem ita accreverat,,
ut pintam dimidiā & ultrà invenerim ; unde cerebri sub-
stantiam diminutam reperiebam.
3. Totum caput in majorem molem erat extensum , futuris
ita hiantibus, ut digitum facilè interponerem, quemadmo-
dum videtis Nº. X.

Nº. X. Pars cranii è mox memorato Hydrocephalo.

Nº. XI. Vituli Splen à glanduloso parenchymate separatus, in quo arteriâ repletâ, venæ obliteratio eleganter visui occurrit.

Nº. XII. Vetulæ Uterus cum annexis Vesica Urinaria, Ovariis, Tubis Fallopianis, Ligamentis, Intestino Recto, &c. Præterea innumerabilia vascula sanguinea per uterus diffusa, & ceraceâ materiâ infarcta visuntur.

Notanda.

1. In sinistrum latus contractus est uterus, de quo affectu legitur Observat. 88. me scil. semel tantum hunc affectum post mortem invenisse; hic autem secundum habemus exemplum.
2. Ovaria in nihilum ferè redacta in hac vetula.
3. Tubæ præter naturam ovariis connatæ, & occæcatæ, sterilitatem incurabilem arguunt. Vid. Obs. 83.
4. Omenti portio utero connata.

Nº. XIII. Embryonis humani trium mensium cum dimidio Sceleton, sinistrâ ferens ranæ stomachum, cum annexis intestinis inflatis.

Quid grandia molimur tenues!

Nº. XIV. Vituli Splen à glanduloso parenchymate separatus, & inflatus, cuius arteria repleta.

Nº. XV. Uterus humanus artificiosissimè Balsamo conditus, ita ut omnia naturalem magnitudinem & situm conservant. Præterea, vesica cum annexis ureteribus inflata, naturalem capacitatem, situm, & rotunditatem, sine rugis aut foveis reservavit. In eadem vesica fibrarum cursus nitide quoque videri possunt.

Notanda.

- a Vesicam designat.
- bb Ureterum portiones.
- c Meatus urinarius.
- d Vagina.
- e Os uteri.
- f Rugæ in superiori parte vaginæ.
- gg Ovaria.
- hh Ova.
- ii Ligamenta lata.
- kk Rotunda, potius teretia Ligamenta.
- ll Tubæ Fallopianæ.
- mm Earum fimbriæ.
- nn Vasa sanguinea per uterus dispersa.

Nº. XVI. Leporis Parastatæ Mercurio vivo repletæ, in quibus notatu dignum est, Mercurium per vasa ejaculatoria adactum, non solùm parastatas, verùm etiam quædam alia vascula minutissima versùs abdomen tendentia, replevisse.

Nº. XVII. Embryonis duorum mensium cum dimidio Sceleton, sinistrâ gerens asperam arteriam fœtus quatuor mensium.

Quo vivamus, vivere desinimus.

Nº. XVIII. Equi Ren Succenturiatus naturalem magnitudinem & constitutionem habens.

Nº. XIX. Ventriculi humani portio, cujus pylorus annulum repræsentat, quod in ventriculis humanis semper ferè locum habere reperio.

Nº. XX. Hominis Vesiculæ Seminales ceraceâ materiâ albâ oppletæ cum annexis vasis ejaculatoriis & prostatis.

Nº. XIX. Arteriae ramus major ab omnibus fibris denudatus, & ceraceâ materiâ infarctus.

Re-

Repositorym IV.

- Nº. I. Ren humanus Balsamo præparatus , cujus ureter tortuosus à calculorum transitu summopere extensus est.
- Nº. II. Portio ventriculi humani incisa, in qua venarum repletarum cursus luculenter videri potest.
- Nº. III. Senis decrepiti caput osseum nitidum , & propter alveolorum in nihilum redactionem edentulum , pedamento infistens.
- Nº. IV. Gigantis os syncipitis sinistrum , cujus dextrum reservatur in Museo Nobilissimi, Amplissimi, Consultissimi que Viri D. J. Witsen augustæ Amstelodamensium Republicæ Consulis , & Studiorum omniumque bonorum Mæcenatis eximii.

Notanda.

Tam prodigiosæ magnitudinis dictum os est, ut integro hominis capiti pro galea inservire possit, quod ansam dedit non nullis dubitandi, an hominis, an verò quadrupedis majoris esset os syncipitis. Verum enim verò consideratis considerandis palam fiet, humanum esse. Libitinarius Templi Novi hujus civitatis dixit nobis sese illud inter alia ossa effodiisse, cujus curiositas tanta non erat, ut cætera quoque reservaret. Præterea in omni convenit cum osse syncipitis humani, solâ magnitudine exceptâ. In eo ossiculum Wormianum magnum reperitur; Arteriarum vestigia aut sinus in interiori superficie haud quoque deficiunt. Præterea nullius animalis quadrupedis caput osseum tanta gaudet cavitate, ne quidem Elefantis, cujus caput olim ferrâ aperuit.

Nº. V. Magna portio intestini Coli ex homine desumpta, in cuius extremo contorsio mirabilis.

Nº. VI. Vesica humana , in qua obliquæ insertiones uretrum clarissimè apparent.

Nº. VII. Intestini Coli & Ilei portio, in qua circulos Coli semilunares, seu valvulas conniventes triplices esse, ex triplici ligamento videmus.

Nº. VIII. & IX. Vitulorum Lienes à parenchymate glandulofo separati, & inflati, ut supra quoque innui. Si Lienem Nº. 7. respicias, venæ obliteratio, quamprimum ea lienem intravit, optimè apparebit.

Nº. X. Ren humanus in totum ferè consumptus, in quo pelvis tripartita est, & ureter summopere dilatatus.

Nº. XI. Asperæ arteriæ humanæ portio per medium distecta, ut annulorum constitutio lumini opposita melius conspiceretur.

Notanda.

1. Asperam arteriam partim esse cartilagineam, partim membranaceam, omnibus constat; sed verò circa partem cartilagineam videtis varias bifurcationes in utroque extremo, quod notatu dignum existimo.
2. Partem membranosam asperæ arteriæ œsophago connatam fibras obtinere secundùm corporis longitudinem exorrectas, & abbreviationi dictarum partium destinatas, hic quoque luce meridiana clariùs constat. Vid. figur.

Nº. XII. Duo Renes cum ureteribus, è cadavere juvenis desumpti, & Balsamo conservati, in quorum pelvibus ut & tubulis Renalibus calculi ingentissimi hærent. Vid. Observ. 95.

Nº. XIII. Gemellorum placenta uterina duplex.

Notanda.

Vasa unius ceraceâ materiâ albâ referta sunt, alterius verò rubrâ, & sic eadem sese invicem interficiant, sine ulla tamen connexione, aut inosculatione, non aliter ac radices fibro-

THECA D REPOSITORIUM I.

155

fibrosæ variarum herbarum, proximè sibi adfitarum, sibi invicem cohærent. Atque talis structura toties mihi occurrit, quoties duæ placentæ uterinæ sibi invicem accumbunt.

Nº. XIV. Septem mensium foetus Sceleton, jaculo ictum minans.

Damna quidem celeres reparant cœlestia Lunæ:

Nos ubi decidimus,

Quo pius Aeneas, quo Tullus dives & Ancus,

Pulvis & umbra sumus.

Quis scit an adjiciant hodiernæ crastina Lunæ:

Tempora Di superi?

Repositorium I.

Nº. I. Missa humeri pars superior ab humoribus acrioribus ita exesa, ut ante obitum plane à parte inferiore esset separata. Vide Observ. 81. ubi Tumoris ossivori mentionem feci.

Notanda.

Quod dolor exiguus admodum fuerit in principio, ut æger ipse nobis retulit: aliquot tamen septimanis ante obitum intollerabili dolore fuerit vexatus.

Nº. II. Octo dierum puerperæ Uterus cum annexis Tubis, Ovariis, Ligamentis, Vagina, & Vesica.

A Corpus uteri valdè adhuc crassum & latum.

B Os uteri internum.

CC Tubæ Fallopianæ cum fimbriis.

DD Teretia ligamenta.

EE Ute-

E E Uteri Ligamenta lata.

F Vesica admodum exigua, quemadmodum eam inveni; nec flatu magis extendere volupe fuit.

G Vasa sanguinea per vesicam distributa, ubi consideratu dignum, tot vasa in interiori superficie, & quidem in infima parte reperiri, & præsertim circa sphincterem ejus, ut mirum non sit, calculosos facillimè incidere in sanguinolentam mictionem propter calculorum attritionem.

H Meatus urinarius.

I I. Ovaria.

K K Ureterum portiones valdè distentæ.

L Vagina.

Nº. III. Utero dicto incumbit Sceleton quatuor mensium, brachiis extensis vesicæ cavitatem & innumera vasa quasi inspiciens pro symbolo habet:

Quo minimè credis gurgite piscis erit.

Nº. IV. Pueri triennis Intestinum Cæcum cum processu vermiciformi, ut & valvulis Coli.

Nº. V. Idem è puero novem annorum.

Nº. VI. Leporis intestinum Colon, cuius tunica interior, loco valvularum conniventum, circularis seu cochleæ instar fœse habens.

Nº. VII. Ejusdem animalis Colon intestinum cum annexo Cæco, glandulis scatente, undè intrinsecè planè glandulosum appetet Cæcum intestinum.

Nº. VIII. Placenta uterina fœtus septem mensium, cuius vasa tam affabré infarcta, ut extrema variis in locis solo microscopio propter tenuitatem oculos incurvant. Prætereà observatu dignum, sanguinem in arteriis umbilicalibus contentum quasi in globulos separatum fœse exhibuisse, quemadmodum materia ceracea post repletionem jam quoque repræsentat, ita ut credam arterias in tot cellulas fuisse divisas; quod

quod nunquam antehac observatum neque ullibi me legisse memini.

Nº. IX. Portio intestini Ilei, cuius vasa repletæ; variis quoque in locis calculi inveniuntur, quos glandulas lapidefactas esse nullus dubito, propterea quod pluries hoc observarim in equinis intestinis, idque circa glandularum acervum, inter quas nonnullæ benè erant constitutæ & nonnullæ lapidefactæ.

Nº. X. Portio Coli intestini circa Rectum, ubi nullæ cellulæ apparent.

Repositorium II.

Nº. I. Vesicula fellea bovina inflata, & Balsamo ita præparata, ut naturalem formam semper retinere apta sit.

Nº. II. Hominis Larynx cum osse Hyoide.

Nº. III. Rhombi piscis spina dorsi, cuius processus magna ex parte fuerunt fracti, & postea ferruminati.

Nº. IV. Capsula calculis humanis repleta.

Nº. V. Leporis stomachus, in quo observatu dignum est, introitum & exitum sibi invicem tam propè adstare; id quod in leporibus communiter observamus.

Nº. VI. Portio extremæ partis intestini Coli, cuius vasa ita infarcta ut totum rubeat intestinum.

Notanda.

1. In hac extrema parte intestini Coli nulla ligamenta secundum longitudinem exorrecta apparent; eaque de causa nullas cellulas aut valvulas conniventes hīc reperies, nec unquam in statu naturali reperiuntur.

2. Lit. A. chartula extremitati adsita, utriculos, seu vasorum cellulas indigitat. Arteriæ hīc finem facere videntur, & sanguinem in dictas cellulas deponere, qui sanguis, ex iisdem

cellulis redux à venularum extremitatibus, in dictis cellulis radices quoque agentibus, suscipitur. Dictæ cellulæ in arteriæ repletione quoque sunt infarctæ, undè rotundæ arenulæ instar, & rubræ nobis microscopii beneficio obveniunt.

3. B Vasorum vascula, quæ innumerabilia sunt, demonstrat.
4. Chartula Lit. C. membranaceas appendiculas designat, quæ in obefis copiosa pinguedine gaudentes, & ab exteriori membra dicti intestini dependentes, multa obtinent vasa sanguinea; à nemine hactenus delineatas. Vid. fig. 5.

Figur. 5. Explicatio.

A Arteria mesenterica.

a a Arteriarum mesentericarum arteriæ.

B Membranæ adiposæ (ut ita loquar) ab exteriori membrana intestini Coli dependentes, & vasis sanguineis materiâ cereâ infarctis scatentes.

Nº. VII. Ovulum cortice duriore obductum, & in ovario gallinaceo inventum. Hoc pluries contingere demonstrant nobis Observationes curiosæ Harvæi, Bartholini, Corn. Stalpart vander Wiel, aliorumque Virorum de rebus Anatomicis & Medicis benè meritorum.


Nº. VIII. Quatuor mensium foetus Sceleton, sinistrâ tenens fasciculum vasorum Lymphaticorum ante viginti & quinque annos è corpore desumptorum, inflatorum & ita conservatorum, ut valvulæ luculenter appareant.


Difficilia quæ pulchra!

Nº. IX. Pedamentum in quo insistunt:

1. Pueri vena jugularis inflata, & ab una parte aperta, ut vera valvulæ constitutio immediate ostendi posset.
2. Exigua venæ portio inflata & ab utraque parte aperta, in cuius cavo simplex valvula, sanguinis regressui in totum non resistens. Prætereà in eadem exortus cujusdam ramuli cum ejus annexa valvula visui sese exhibet.

Nº. X.





Nº. X. Vasa Lymphatica inflata, exsiccata, & post exsiccationem ab una parte abscissa, ut valvulae immediatè viderentur.

Nº. XI. Alveolus ligneus, in quo membrana Amnios nitidè præparata.

Nº. XII. Ovum gallinæ prodigiosum.

Repositorium III.

Nº. I. Vituli recèns nati Vesica cum annexo Uracho pervio.

Nº. II. Hominis portio intestini Ilei & Coli, cum annexo processu vermiformi.

In iis notatu dignum, Colon intestinum, post prægressam herniam inguinalem prodigiosè fuisse extensum, id quod in herniosis pluries me observasse memini.

Nº. III. Lien humanus admodùm ingens, & ab omni parenchymate glanduloso separatus, cum annexa stomachi parte.

Notanda.

1. Nullis fibris transversis, quemadmodum in liene vitulorum & oviū, gaudere lienem humanum, hīc apparet.
2. Vena splenica Lit. A prodigiosæ capacitatis est, quod plures observo in liene præter naturam extenso.
3. Cursus aut progressus arteriæ splenicæ Lit. B admodum tortuosus.

bbb Dictorum vasorum capillares ramulos indigitant.

4. C Arteria per Omentum dispersa & Epiploica dicta.
5. D Arteria Hæmorrhoidalis.
6. E Venæ & arteriæ per stomachum distributæ, Vasa brevia dictæ.
7. F Pars stomachi sinistra.
8. G Sto-

8. G Stomachi introitus, Os sinistrum dictus.
9. H Pars Gulæ.

Nº. IV. Pedamentum supra quod Renes humani & omnis generis calculi variis exiguis pedamentis insistentes, reperiuntur.

In hoc pedamento magno Lit. A indigitatur Ren humanus tam artificiosè Balsamo conservatus, ut naturalem magnitudinem, latitudinem, & crassitatem conservaverit.

Notanda.

Lit. aa Vascula sanguinea per dicti Renis superficiem dispersa, & infarcta, communisfrant.

b Arteria renalis s. emulgens ceraceà materiâ oppleta.

c Ureter leviter inflatus ut naturalem capacitatem conservaret, in quo nulla subsidentia, aut fovea præternaturalis, seu rugæ inveniuntur: sed tam artificiosè conservatus, ut nullo modo à naturali uretere in corpore adhuc existente, & urinâ repleto, recedat.

d Vascula sanguinea per dictum ureterem disseminata & repleta.

B Ren humanus maxima ex parte in corpore extabefactus cum annexo uretere.

C Ureter humanus admodum (propter calculorum transgressum) extensus, in cuius pelvi calculus instar majoris radicis Zinziberis. Vide Observat. 56.

D Portio ureteris cuiusdam filiæ, ob calculum in eo hærentem denatæ.

E, F, G, H, I, K, L, M, N. demonstrant varia pedamenta exigua diversis calculorum generibus instructa.

Nº. V. Vituli aspera arteria cum ramusculis materiâ rubrâ infarctis, & tam artificiosè præparatis, ut naturalem situm representent.

Nº. VI. Abortus quatuor mensium Sceleton, dextrâ gerens cystin felleam cuiusdam fœtus abortivi.

Nympharum in gremio debuit ille mori.

Nº. VII. Portio Coli, Cæci, & Ilei è corpore humano.

Notanda.

A Coli portio, quam circa Cæcum aperui, ut duæ Coli, s. Ilei valvulæ veræ, ut & triplices valvulæ Coli conniventes, & cellulas Coli producentes, conspici possent.

B Processus vermiformis intestini Cæci admodum exiguus.
bbb Ilei glandulæ singulares.

Nº. VIII. Foetus sex mensium Stomachus cum omnibus annexis & inflatis intestinis.

Nº. IX. Caput osseum humanum nitidissimum pedamento insistens.

Nº. X. Vituli portio Mesenterii, cuius vasa repleta.

Nº. XI. Jejuni intestini humani portio, in qua valvulæ conniventes affabre visuntur.

Nº. XII. Vituli Vesica fellea bifida, ab aliis incongruè duplex habita. Vid. Observ. 90.

Nº. XIII. Intestini vitulini portio, in qua glandulæ miliares numerosissimæ apparent.

Nº. XIV. Hominis Vesicula fellea, in cuius fundo aliquot diverticula, inque his calculosam substantiam inveni.

Nº. XV. Jejuni intestini humani portio, cuius non solum circuli aut valvulæ conniventes eleganter in oculos incurvant, verum etiam earum vascula sanguinea ceraceâ materiali oppleta.

Nº. XVI. Foetus humani quatuor mensium cum dimidio Skeleton, dextrâ tenens racemum piperis nigri; ita demonstrans,

strans, quoniam modo racematis crescat piper nigrum; sinistrâ verò minutissimam candelam gerens.

Vita hominis, lumen sub dio positum.

Nº. XVII. Ramus asperæ arteriæ ceraceâ materiâ albâ repletus, cum annexo ramusculo arteriæ bronchialis, & arteriæ pulmonalis, quæ arteriæ, variis in locis, per Anastomoses conjunguntur: imò cùm dictam arteriam pulmonalem materiâ ceraceâ replerem, arteria bronchialis simul quoque eandem admittebat.

Notanda.

- a Arteria Bronchialis.
- b Arteria Pulmonalis.
- cc Anastomoses.

Nº. XVIII. Calculus humanus ab Abrahamo Cypriano Med. Doct. & Lithotomo expertissimo exsectus, cujus superficies inæqualis, morum repræsentat maximum.

Nº. XIX. Calculus humanus pugni magnitudine.

Nº. XX. Ramus venæ portæ ex hepate humano, cuius ramusculi partim repleti, partim vacui, nitidissimèque à glanduloſo parenchymate separati sunt.

Nº. XXI. Portio Stomachi humani cum pyloro, qui circuli instar.

Nº. XXII. Embryo grani fecalis magnitudine cum annexa placentula, & funiculo umbilicali, jam à viginti quinque annis conservatus, & induratus.

*O dementiam credentium ex hisce primordiis ad
superbiam se genitos!*

Nº. XXIII. Portio Coli è puerō tres circiter annos nato,
in qua valvulae Coli cum annexo Cæco & processu ver-
miformi.

Notanda.

Lit. A Valvulas Coli designat.

B Intestinum Cæcum, quod ab adultorum Cæco valdè
differt.

C Vermiformem processum glandulis refertum.

Nº. XXIV. Portio intestini Ilei humani, cuius tunica exti-
ma ab intima, flatu dehiscit, unde intrinsecum reticula-
tum apparet.

Nº. XXV. Fœtus humani trium cum dimidio mensium Sce-
leton, gerens in capite ut & dextra manu Pajaneli semina
miranda.

Ab Utero ad Tumulum.

Nº. XXVI. Fœtus humani maturi Sceleton nitidissimum, cu-
jus caput osseum ferrâ apertum, ut intrinsecum exacif-
simè in conspectum produceretur.

Hæc mihi prima dies, hæc mihi summa fuit.

Repositorium IV.

Nº. I. Pueri Octo annos nati Sceleton nitidissimum, cuius
ossa nivis instar alblicant; innititur scipioni, & pro
symbolo habet:

Huc

Huc cursus fuit.

Notanda

1. Patellæ in sui medio tantum ossefactæ, in ambitu verò cartilagineæ.
2. Omnes epiphyses cartilaginis beneficio, veris partibus ossium ubique adhærent.
3. Tarsus, & Carpus ossefacti.
4. Ossa Innominata è tribus partibus constare hic luculenter apparet.
5. Epiphyses Corporibus vertebrarum adhærere, hic palam est, præsertim in inferiori spinæ parte.
6. In Sterno octo ossicula rotunda.
7. Ossicula auditū proprium locum adhuc occupant.
8. Processus Styloides cartilaginei.
9. Utraque maxilla dentibus omnibus niveis instructa.

Nº. II. Sceleton humanum nitidum, unius circiter anni cum dimidio, dextrâ sphæram gerens.

Est avido transmissus Olympo, non optans tot sœcula nosse, tot numerare dies.

Notanda.

1. Carpus cartilagineus.
2. Tarsus maxima ex parte osseus.
3. Patellæ in totum cartilagineæ.
4. Epiphyses ossium Femoris magna ex parte cartilagineæ.
5. Sternon octo ossicula rotunda obtinens.
6. Circa basin scapularum epiphyses cartilaginosæ observantur.
7. Idem reperitur circa spinam ossium Ilium, quæ magna ex parte, cartilaginea.
8. Omnes Trochanteres s. Rotatores spuriæ esse apophyses non est dubitandum, quia in hoc ut & aliis junioribus Sceletis, cartilaginis beneficio veræ ossis parti connascuntur.
9. In osse syncipitis sinistri lateris duo foramina præternaturalia.
10. Trans-

10. Transversos processus ossis sacri cartilaginis ope connatos esse in infantibus, h̄ic constat.
11. Ossa innominata ex tribus partibus esse composita, h̄ic etiam videmus.
12. Fontanella adhuc satis magna.

Nº. III. Sceleton humanum nitidissimum unius circiter anni, sinistrâ spicam ingentem Milii Indi ferens, cuius grana semen Coriandri magnitudine adæquant.

Prob Dii immortales, quam optabiliter iter illud ineundum est, quo confecto, nulla reliqua cura, nulla sollicitudo futura est!

Notanda.

1. Per superficiem exteriorem ossis frontis circa ejus medium Sinus longus decurrit, in quo vas sanguineum notabile reconditur. Hoc in capitis incisione observandum, ne lædatur illud; semper enim dictum vas ibi reperies, quantumvis sinus in cránio deficiat. Quando in prima conformatioне vas illud tam profundum habet situm, ut talem sinum efformare possit in cránio tenerrimo & molli adhuc existente, tunc solummodo occurrit Sinus dictus. In cæteris repit dictum vas paulò sublimius, nullum sinum in cránio efformans.
2. Processus summus, Humerus dictus, in utraque scapula planè cartilagineus, veraque epiphysis est.
3. Fontanella admodum exigua in hoc Sceleto.

Nº. IV. Sceleton humanum candidissimum septem circiter annorum, scipioni innitens.

Vixi, & quem dederat natura cursum peregi.

Theca E & F.

Triginta & quatuor Herbaria viva trium ferè annorum spatio
Y à me

à me confecta continent : scilicet ab eo tempore, quo Nobilissimi & Amplissimi Dnn. Consules Amstelodamenses Professionem Botanices in me contulerunt. In iis omnis generis plantæ, tam indigenæ quam exoticæ, nitidè à me exsiccatæ & conservatæ sine numero reperiuntur.

Repositorium I.

Nº. I. Uterus Ovinus cum annexa vesica.

Repositorium II.

Nº. I. Brachium humanum cum musculis ritè separatis, & jam ab annis viginti & quinque Balsamo conditis.

Nº. II. Utrumque Os Tibiae cum fibulis, è Cæmeterio mihi allatum ; quorum ossium partes inferiores supra juncturam aut ferrâ aut alio instrumento, dum viveret homo per infortunium amputatæ sunt. In iis notatu digna occur- runt :

1. In ferruminatione utrumque os in utroque latere circa amputationis locum esse coalitum.
2. In omnibus dictis ossibus eo in loco ubi membrana illa crassa reperitur, (cujus beneficio utrumque os secundùm longitudinem copulatur) innumerabiles exostoses videri : An propter alimenti exuperantem copiam, utroque pede ampu-tato ?

Nº. III. Portio intestini Coli humani, cuius cellulæ (ligamentis cultello dissolutis) in totum oblitteratae sunt. Unde constat cellularum constitutionem à ligamentis per longitudinem dicti intestini procurrentibus dependere.

Nº. IV. Brachium humanum, cuius musculi scalpelio separati Balsamo conservati sunt à pluribus annis.

Notanda.

Chartularum literæ quemque musculum indigitant.

- A Musculus palmaris.
- B Flexor carpi interior.
- C Flexor carpi exterior.
- D Flexor secundi internodii, seu perforatus, qui in quatuor partes carnosas fere separat, & sic ulterius quatuor tendinibus magna ex parte inferitur in quatuor ossa secundi internodii, pollice excepto, utpote peculiari musculo praedito.
- E Extensor carpi interior.
- F Extensor carpi exterior.
- G Pronator teres.
- H Pronator quadratus.
- I Supinator longior seu primus.
- K Supinator brevis.
- L Pollicis tertium internodium flectens.
- M Flexor tertii internodii digitorum S. Perforans.
- N Primi internodii pollicis flexor primus.
- O Primi internodii pollicis flexor secundus.
- P Secundi internodii Pollicis flexor primus.
- Q Pollicis tertium internodium extendens.
- R Secundi & tertii pollicis internodii extensor.
- S Primus digitorum extensor, tertium & secundum os (ut Spigelius vult) extendens. Verum ego existimo omnes digitos pollice excepto ab eo extendi, immo secundum extensorum Lit. T. insignitum huic musculo etiam esse annumerandum, & neutiquam ab extensore digitorum primo separandum.
- T Secundus extensor (ut Spigelius vult) qui ossa minimi digiti extendit; mihi vero portio primi extensoris esse videtur.
- V Primum internodium flectentes, seu Lumbricales musculi.
- W Biceps musculus.
- X Flexor cubiti secundus f. Brachialis.

Nº. V. Pueri Diaphragma cum annexo pericardio.

Notanda.

1. Dimidia ferè pericardii pars, tantam habet cum diaphragmatis parte tendinosa affinitatem, ut unum videantur corpus; imò ab invicem haud separari possunt sine dilaceratione. Contrarium videmus in canibus, ovibus, cæterisque animalibus, in quibus dictæ partes, à se invicem magis separatae comparent.
2. Dictum pericardium, suam naturalem formam & capacitatem retinuit in balsamatione.

Nº. VI. Maxillæ superioris portio ex ove desumpta, per quam ductus lachrymalis transit.

Notanda.

- A Particula orbitæ.
- B Principium ductus lachrymalis.
- C Finis ejus in infima naris parte.

Nº. VII. Eadem è corpore Bovino desumpta.

Notanda.

- A Duo puncta lachrymalia, quæ oscula sunt, per quæ oculorum latex aquosus ad ductum lachrymalem derivatur.
- B Bifurcatio ejusdem ductus, ut ex utroque punto lachrymali humorem hauriat.
- C Finis dicti ductus in infima naris parte.

Nº. VIII. Phiala portionem Lumbrici lati in liquore continens.

Nº. IX. Hydatis ingens ex hepate humano desumpta.

Nº. X. Testes viriles, quorum vasa repleta.

Nº. XI.

Nº. XI. Renis humani portio, in qua renales ductus copiosissimè conspiciuntur.

Nº. XII. Foetus octimestris Sceleton humanum sinistrâ gerens os femoris Anatis post fracturam ferruminatum.

Editus in lucem, jacui sine viribus infans.

Nº. XIII. Ejusdem ferè ætatis Sceleton humanum saltum per funem minans, in quo illi loco funis Plica Polonica est.

Communis ad Lethum via.

Repositorym III.

Nº. I. Embryo trium circiter mensium in liquore conservatus, cuius funiculus umbilicalis filum tenuē repræsentat, quod mihi indicio est dictum embryonem aliquot diebus ante partum fuisse denatum. Id quod minus periti non videntur observasse, qui in omni occasione, placentularum extractionem in embryonibus, ita commendant, ut pessimè ab iis audire debeant, si hoc omni tempore præstare nequeant.

Nº. II. Cor humanum magnum, à longo tempore tam affabré conservatum, ut hodie è corpore videatur sectum.

Nº. III. Quatuor mensium Foetus humanus, membranis involutus & nitidè conservatus.

Omnis Dies, omnis hora vitam nostram carpit, omnè denique momentum.

Quād nihil simus ostendit.

Nº. IV. Leporis intestinum Colon, cum annexo Cæco & particula Ilei, pedamento insistens.

Notanda.

1. In Ilei fine, ubi Cæcum inseritur, diverticulum reperitur glandulis refertissimum, Vid. Lit. A.
2. In Cæci fine, appendicula glandulosissima, B.
3. Glandulæ innumerabiles in intestino Colo, C.
4. In eodem pedamine seorsim reperiatur diverticulum glandulosum supra memoratum. D.

Nº. V. Hominis integra Spinalis medulla.

Nº. VI. Particula Stomachi ovini, cuius intrinseca superficies interiorem superficiem capitis papaveris repræsentat.

Nº. VII. Ovum humanum fœcundatum, quod in utero per aliquot dies moram contraxit; quod satis liquet ex superficie exterioris tunicae dicti ovi, quæ fibrosa, & placentæ rudimentum est.

Notanda.

Me illud hactenus in liquore reservasse, & ne quidem humorem in interiori tunica, quæ amnios audit, neglexisse, in cuius medio mihi videor (cœlo sereno existente) observare corpusculum rotundum, magnitudine capitis aciculæ minoris.

Omnia ex Ovo!

Nº. VIII. Embryo magnitudine majoris seminis Pæoniæ, cuius caput, respectu corporis, prodigiosum. Funiculus Umbilicalis pollicem longus, totius embryonis crassitatem adæquat; præterea observatu dignum est, placentulam tantæ esse magnitudinis & crassitiei, ut ne quidem fœtus trium mensium majorem obtineat.

Nº. IX.

Nº. IX. Quatuor mensium embryonis sequioris sexus pudendum, primâ fronte masculini sexus pudendum repræsentans, quod pluries antehâc observavi.

Nº. X. Placentæ portio in hydatides innumerabiles degenerata.
Vid. Observ. 33.

Nº. XI. Fœtuum varii pulmones, in liquore fundum petentes; quod certissimum indicium, omnes istos foetus ante partum fuisse denatos, & nunquam respirasse.

Nº. XII. Pullus gallinæ duobus rostris præditus.

Nº. XIII. Pueri Stomachus cum omnibus intestinis mesenterio & mesocolo annexis.

Nº. XIV. Eadem è puerō septem circiter annorum.

Notandum.

In iis distincta separatio apparet inter intestinum Jejunum & Ileum. In Ileo enim nullæ valvulæ conniventes, seu circuli, quibus Jejunum est refertissimum.

Repositorium IV.

Nº. I. Pes humanus pedamento insistens, cujus musculi à se invicem separati; quorum naturalis elegantia balsami artificio tam genuinè ab interitu vindicata, ut quilibet distinctam eorumdem notitiam inde sibi comparare facile possit.

Nº. II. Os Tibiæ, è cujus superiori parte per cariem inveteratam corruptâ in curatione vi naturæ propullulavit frustum osseum teres & cavum. Quo tibiæ osse Magister Joachimus Schraderus Chirurgus expertissimus, qui curationi præfuerat, Musæum meum ditavit, vide Figur. 6, 7, & 8.

Figur.

Figur. 6, 7, & 8. Explanatio.

- A Os Tibiae ab humoribus putridis magis incrassatum.
- B Caries.
- C Frustum osseum teres & cavum undiquaque ab osse tibiae separatum.
- D Frustum dictum separatim indigit.
- E Caries, quae cum superiori carie commercium habet.

Repositorium I.

Nº. I. & II. Vasa Hepatica non repleta.

Nº. III. Gallinæ duo intestina Cæca (quibus omnes gallinæ sunt ditatae) nitidè præparata & inflata.

Nº. IV. Septimestris fœtus Sceleron.

*Navita, quo pacto sœvis projectus ab undis,
Sic ego nudus humi jacui puer indigus omni
Auxilio vitæ, cum primum in luminis oras
Nixibus ex alvo matris natura profudit.*

Nº. V. Gibbosæ hominis vertebræ septem, sibi invicem coalitæ, & ita intortæ, ut corpus supremæ corpori infimæ sit conjunctum, Vide Observ. 67.

Nº. VI. Easdem ferè repræsentat vertebrae, ita coalitas.

Nº. VII. Aspera arteria ab annis viginti & sex conservata.


Repositorium II.

Nº. I. Aspera arteria ab omnibus vesiculis pulmonalibus separata.

Nº. II. Asperam arteriam inversam, pedamini insistentem, & arborem repræsentantem demonstrat, cui avis Sceleton adstat.


Nº. III.

Fig. 6.




Ossis tibiæ pars supior.


Fig. 8.



Ossis tibiæ pars infer.

Fig. 7.





Nº. III. Corii humani præparati portio.

Nº. IV. Caput infantis Balsamo induratum, & pedamento insistens.

Nº. V. Portio intestini Ilei humani, cuius vascula ceraceâ materiâ ita infarcta, ut totum rubeat intestinum, quasi esset inflammatum; in eo vasa minutissima, visus aciem fugientia, reperiuntur.

Nº. VI. Fœtus humanus sex mensium Balsamo imbutus, & lapidis instar induratus, cuius caput coronâ florum naturallium cinctum.

Notanda.

1. Facies sine rugis, admodum venusta.
2. In funiculo abscisso, vasa abscissa clarè visuntur.
3. Situm naturalem, quem habuit in utero, adhuc tenet.

Nº. VII. Hominis adulti maxilla inferior, maxima ex parte edentula, duobus dentibus molaribus exceptis, qui solâ membranâ maxillæ adhærent, alveolis nempe in nihilum redactis.

Nº. VIII. Fœtus humani Sceleton falcem manibus gerens.

*O miser hoc assidue times, quod semel est ferendum;
hoc times, quod in manu tua est, ne timeas. Lips.*

Nº. IX. Ramus arteriæ ceraceâ meteriâ infarctus, cuius minutissimi ramusculi conservati sunt.

Repositorium III.

Nº. I. Cujusdam meretricis famosissimæ, è morbo Gallico de-natæ, ossa duorum pedum filo æneo cohærentia.

Notandum.

Ex hoc morbo ita fuit enervata , ut dicta ossa levissima reddita nunc aquæ injecta , plumæ instar , supernatent.

Nº. II. Ejusdem meretricis ren dexter , cuius vasa renalia repleta ritè visuntur.

Nº. III. Ejusdem Uterus cum annexis.

Notandum.

Unius lateris Tuba Fallopliana seu Oviductus occæcatus est , ita ut ab hac parte infæcunda fuerit.

Nº. IV. Ossa Brachii ejusdem à morbo Venereo ita infecta , ut Ossa cubiti & radii non solum cariosa sint facta , verùm etiam mirum in modum intorta & incurvata.

Nº. V. Ejusdem meretricis caput osleum , nitidissimum quidem , attamen ab hoc affectu ita exesum , ut variis in locis sit pertusum . Aliis in locis adeò extenuatum , ut luci candelæ oppositum transpareat.

Notandum.

Index manus dextræ hoc malum tangit , quasi omnibus demonstrare & quemlibet exhortari vellet , cum hac inscriptione :

In tali tales capiuntur flumine pisces.

Nº. VI. Ejusdem os tibiae variis in locis exesum , in aliis incrassatum , aut crassius factum , cum hac inscriptione :

Imis hæret amor medullis!

Repositorium IV.

Nº. I. Tres costæ cujusdam animalis post fracturam ferruminatæ.

Nº. II. Hominis os tibiæ & femoris per akylosin coalita.

Notandum.

In osse tibiæ nullam reperi cavitatem, sed ita compactum & durum esse observavi, ut curiositatis ergo aliquot manubria ex iis confici curaverim.

Nº. III. Pars cranii superior, cujus crassities admiranda.

Nº. IV. Sceleti humani ossa cubiti & manus, in quibus notatum dignum, duo ex officulis carpi esse fracta, & post fracturam nunquam ferruminata, quantumvis aliquot annis post acceptam fracturam, à lapsu graviore ortam, superstes fuerit. Vide Observ. 4.

Nº. V. Vituli caput ossetum in quo duo ossa occipitis supra invicem posita inveniuntur.

Notanda.

1. In utroque osse foramen magnum exitui spinalis medullæ destinatum observamus.
2. In foramine supremo nî spinalis medullæ, sed cruorem inventit Chirurgus expertissimus J. Hartmannus, qui mihi hoc caput dono obtulit.

Nº. VI. Hominis ætatis proiectioris Intestina mesenterio & mesocolo cohærentia, in suo naturali situ.

Notanda.

1. Hæc intestina leviter inflata, & nitidissimè Balsamo conservata.
2. In iis exactam distinctionem observamus inter Jejunum & Ileum:

Ileum : Jejunum enim valvulis conniventibus est refertissimum, Ileum verò nullas habet.

Nº. VII. Equi aspera arteria cum ejusdem ramis.

Repositorym I.

Variæ Capitum Humanorum partes.

Repositorym II.

Nº. I. Fœtus humani Sceleton , sinistrâ ferens portionem arteriæ magnæ bovinæ in multas tunicas seu lamellas divisam.

*Nil difficile si velimus ,
Nil grave si attendamus.*

Nº. II. Arteria per splenem Vitulinum disseminata & infarcta.

Nº. III. Fœtus Humani maturi Sceleton , cuius caput osseum variis in locis pertusum , præsertim in ossibus syncipitis ; id quod multoties reperi in nuper natis, ab ossificatione impedita.

*Charontis unda scilicet omnibus ,
Quicunque terræ munere vescimur ,
Enaviganda , sive Reges ,
Sive Inopes erimus Coloni.*

Nº. IV. Fœtus humani octimestris Sceleton , sinistrâ Rosam Hierichunteam tenens.

Quasi herba solstitialis paulisper fui ; repente exortus sum , repentinè occidi.

Nº. V. Abortus quadrimestris Sceleton dextrâ falcem tenens , eaque iustum minans fœtui sex mensium Balsamo nostro condito.

Quis

Quis vellet tanti nuncius esse mali.

Notandum.

Capiti imposta corona è floribus naturalibus nunquam corrumpendis.

Nº. VI. Hominis os palati è cuius medio dens molaris prorupit.

Nº. VII. Capitis ossis varia ossicula triangularia.

Repositorium III.

Nº. I. Digitorum & plantæ pedis epidermis in duas tresve pelliculas disceptra.

Nº. II. Unio ossea s. ankylosis ossium Innominatorum & ossis Sacri.

Notandum.

Quantumvis dicta ossa per osseam substantiam sint unita, ut potè cartilagine interpositâ ossefactâ; attamen cartilago, quæ utrumque os pubis conjungit, nequaquam in os degeneravit; quod in homine rarissimè (si unquam) contingit.

Nº. III. Sternon humanum cum annexis cartilaginibus; in quo observandum musculos intercostales ex parte esse conservatos, ut vasorum sanguineorum distributio, ut & cursus fibrarum muscularum intercostalium visui apparerent.

Notandum.

Extremitates quoque cartilaginum costarum arctissimè connecti cum sterno, idque ligamentorum infra depictorum beneficio. Præterea arteriæ repletæ sunt, ut melius in conspectum producerentur, circa quas notatu dignum occurrit, dictas arterias, varios & notabiles ramos largiri muscularis intercostalibus, ut & ipsi sterno; sicuti hoc liquet ex annexâ figurâ 7.

Figur. 7. Expositio.

A Sternon ab antica parte sese exhibens.

a a a a Ligamenta, quorum fibræ instar stellæ aut striatim ex-
porrectæ, & à nemine haec tenus (quod sciam) descriptæ,
aut observatæ, quapropter operæ pretium duxi, eas deli-
neare.

b b b b. Innumerabiles ramusculi è vasis mammariis oriundi.

Nº. IV. Os Tibiæ Ovis, è nucha ejus exsectum, quo, præter
quatuor naturales pedes, ditata erat: pes verò iste, è nu-
cha pendens immobilis erat, & nullius usus.

Notandum.

In eo osse præternaturali nil substantiæ reperi; verum enim verò
tota ejus cavitas medulla molliori erat repleta, & loco mu-
sculorum in ambitu hujus ossis nil præter pinguedinem inveni.

Nº. V. Caput osseum cuiusdam hominis ætate proiectioris ser-
rà divisum, ut admiranda ejus crassities videri posset.

Nº. VI. Vituli Hydrocephali caput osseum prodigiosum, ro-
tundum, & ubique ferè pertusum ob ossis defectum, ita
ut laternam repræsentare videatur.

Nº. VII. Senis Os pectoris ex uno osse constans, cartilagine
ensiformi in totum quoque ossefacta.

Nº. VIII. Hominis os femoris, tibiæ, & patella, per ancylo-
sin unita.

Repositorium IV.

Nº. I. Simiæ caput albissimum.


Nº. II. Bovis costa post fracturam exactissimè à natura ferru-
minata.


Nº. III. Caput osseum humanum nitidissimum.

Nº. IV,

Fig. 9.

Pag. 178. cat.





Nº. IV. Pedamentum quinque ossibus maxillaribus structum

In quibus notatu digna occurunt:

1. Lit. A. Hic videmus, in dentium renovatione, dentem novum erumpentem, veterem propellere, & suo loco aut alveolo extrudere.
2. B. Hic apparet alveolos annihilari, si dentes exciderint ante dentium renovationem. Imò novus alveolus formatur à subsequentे dente.
3. C. Si non exciderit dens ante renovationem, qui sequitur dens tempore renovationis sèpissimè crassior & latior existens, interstitium osseum seu septum alveolorum, quod inter utrumque dentem reperitur, in nihilum redigit; prout hic observari potest.
4. Posteriorès dentes molares, os maxillare semper perforare in sua eruptione, hìc quoque videre est.

Nº. V. Superior pars cranii cum annexa dura matre, ut ejus cohæsio offendetur.

Nº. VI. Pars cranii humani superior, in qua ossiculum triangulare; nempe inter futuram Sagittalem & Lambdoideam.

Repositorium V.

Nº. I. Pedis humani cutis, servatâ naturali pedis figurâ.

Nº. II. Tibiæ humanæ os incurvatum, in cuius parte anteriore Tophus osseus.

Nº. III. Os tibiæ humanæ, post fracturam artificiosissimè ferruminatum.

Nº. IV. Os tibiæ humanæ, post fracturam artificiosè quidem safinatum; at verò cum exigua prominentia unius frusti fracti, idque propter fracturæ conditionem, quæ obliqua difficulter (quantumvis bene sit reposita) ita conservari potuit, quin aliquantulum mutaret situm.

Nº. V. Os femoris humani ab humoribus valdè expansum; qui affectus Belgicè dicitur *Been-suiger*, & ab eo affectu differt, qui Belgicè dicitur *Been-vreeter*. Vide Observationem 81.

Nº. VI.

Nº. VI. Affer, in quo Nº. I. Intestini humani portionem demonstrat, cuius vasa mesaraica infarcta. Nº. II. idem repräsentat. Nº. III & IV. Vasa mesaraica ab intestinis separata cum annexis nervis indigitat.

Nº. VII. Fœtus humanus ab annis 25. Balsamo conservatus, cuius musculi separati sunt. Manu sinistra gerit Omentum equinum.

Vulneror ut sanem.

Nº. VIII. Quinque mensium fœtus humanus masculini sexus, cum annexis funiculo umbilicali, membranis, amnio & chorio, & placentâ uterinâ.

Notandum.

Omnia tam affabré in liquore esse conservata, ut nil nisi anima deficiat.

Repository I.

Nº. I. Vasa pulmonis materiâ albâ artificiosissimè infarcta, quorum extremitates admodùm subtile.

Nº. II. Stomachus nuper natî, cum exigua particula intestini duodeni, tam artificiosè præparatus, ut naturalem magnitudinem, formamque reservârit, sine ulla ruga. Prætereà in ejus exitu, pylorus circuli instar curiosissimè visitur.

Nº. III. Duo Atheromata ossefacta, è pulmone bovino desumpta.

Nº. IV. Vesiculæ seminales viriles ita præparatæ, ut intrinsecæ cellulæ accuratissimè videri possint. Hæ cellulæ Apum favos repræsentant.

Nº. V. Varii calculi octanguli è corpore Vetulæ (de qua vide Observationem I.) exsecti.

Nº. VI. Glandulæ Intestinales.

Re-

Repositorium II.

- Nº. I. Cerebelli dissecti variæ portiones.
 Nº. II. Cor hominis adulti, in quo foramen ovale adhuc aper-
 tum remansit.
 Nº. III. Cor Humanum nitidè conservatum.
 Nº. IV. & V. Duo Corda, à Clarissimo Dº Stenonio post decoc-
 tionem ita præparata, ut fibrarum cursus luce meridianâ cla-
 rius videri possint. Atque (quod notatu dignum) isthæc corda
 pro me dissecuit eximius ille Anatomicus, paucis diebus ante-
 quam animam Deo redderet, ultimumque fuerunt ejus cultri
 Anatomici subjectum, referente Nobilissimo & Curiosissimo
 Domino Kerckringio, qui mihi ea transmisit.

Nº. VI. Cor Pueri.

Nº. VII. Spinalis medullæ principium.

Repositorium III.

- Nº. I. Hominis falx ut & infundibulum, tam eleganter exsic-
 cata, ut eorum figuræ apprimè appareant.
 Nº. II. Ren Succenturiatus ex corpore humano, ita præparatus,
 ut intrinsecam cavitatem perlustrare liceat.
 Nº. III. Portiones Cerebri humani Balsamo induratæ.
 Nº. IV. Omenti portio ferici instar præparata.
 Nº. V. Varia auditū ossicula.
 Nº. VI. Ramus venæ ex Aselli hepate desumptus; huic adhæ-
 rent varii vermes in hepatis substantia reperti.
 Nº. VII. Variæ intestini Coli humani portiones, quarum cel-
 lulæ in nihilum sunt redactæ, propter ligamentorum, secun-
 dum intestini longitudinem exorrectorum, resectionem.
 Nº. VIII. Varii Ossium affectus.
 Nº. IX. Antrum Highmori (seu cavitas, quæ in tertio pari
 maxillæ superioris invenitur) polypo refertum. Vide
 Observ. 77.
 Nº. X. Penis virilis taleoli, in quibus penis spongiositas appri-
 mè videtur.
 Nº. XI. Portio intestini Jejuni humani, substantia admodum
 A a crassifi

crassi, & quasi congelati; sic (mirum dictu!) omnia intestina apparebant.

Notanda.

Cum hoc cadaver dissecarem, præsens erat Expertissimus Dom. Dortmund Nosocomii Medicus meritissimus, mecum in admirationem raptus. Videbantur enim omnia quasi gelu indurata, & glacie splendente obsessa, idque tempore aestivo, & (ni fallor) mense Junio. Hoc mihi nunquam obvenisse fateor, nec unquam ab aliis fuisse visum memini.

Nº. XII. Vasculum sanguineum placentæ uterinæ tam subtiliter repletum, separatum, & exsiccatum, ut per totam vitam meam subtilius quicquam nec fecerim nec viderim.

Nº. XIII. Vesicula fellea humana à fundo ad extremum usque serpentino ductu repens.

Nº. XIV. Uterus Leporinus bifidus.

Nº. XV. & XVI. Variae Lacertæ.

Nº. XVII. Fœtus piscis vivipari Carchariæ, quinque circiter pollices longus, cum ejus funiculo umbilicali, & vitello. Vide figur. 8.

Figur. 8. Expositio.

A Fœtus Piscis Carchariæ.

B Funiculus Umbilicalis.

C Vitellum funiculo dicto appensum, per cujus superficiem varia vasa sanguinea distribuuntur.

Nº. XVIII. Lacerta Volans.

Nº. XIX. Crocodili fœtus.

Nº. XX. Serpens.

Nº. XXI. Vesica Ovis septi beneficio in duas partes divisa. Vide Observ. 8.

Nº. XXII. Omentum equinum.

Repositorium IV.

Nº. I. Vesica equina cum ureteribus, & vesiculis seminalibus inflatis, quæ vesiculæ neutiquam in varias cellulas dividuntur, quemadmodum in homine. Ad latera harum vesicularum duo glandulosa corpora inveniuntur, quibus equi ditati sunt.

Nº. II. Uteri humani altera pars, ita disjecta, ut uteri cavitas non fo-

solum; verum etiam cervicis interioris cavitas appareat.

Nº. III. Penis Equinus post inflationem, & exsiccationem in variis taleolos divisus, ut substantia interior appareat; quae ad amissim respondet substantiae osseo-spongiosae, quae intrinsecè in ossium extremitatibus reperitur, postquam ferra fuerunt divisa ossa.

Repositorium V.

Nº. I. Cellulæ adiposæ, per quas vasa sanguinea distribuuntur infarcta.

Nº. II. & III. Vitulorum Lienes, quorum arteria repleta.

Nº. IV. Superfoetationis Embryo, cum annexa placentula, in cuius funiculo umbilicali, hoc dignum erat observatu, quod variis hydatidibus esset obsitus.

Nº. V. Hydatis ingens, quam ab hepate dependentem inveni.

Nº. VI. Hominis tenuia intestina, quorum vasa ita repleta, ut mirari subeat.

Nº. VII. Leporis Vesica Urinaria cum testibus, quorum epididymides mercurio sunt infarctæ.

Nº. VIII. Intestina humana, quorum vasa sunt repleta.

Nº. IX. Vesicula fellea in duas partes divisa, cum appenso Ductu Cystico, Hepatico, & Communi; quodque notandum, è Ductu Cystico radices quidem proveniunt, sed non, uti Authores autuant, è fundo vesiculæ, ubi raro ortum ducere ejusmodi radices observo.

Notanda.

A Vesiculam in duas partes divisam ostendit.

B Ductum Cysticum simplicem.

C Radices ejus.

D Ductum Hepaticum per hepar dispersum.

Nº. X. Ductus Cysticus, è quo variæ radices (potius rami) idque è corpore bovino.

Nº. XI. Vitulorum Lienes curiosissime præparati. In quibus Venarum obliterationes, quamprimum lienem intraverunt, luculenter apparent.

Nº. XII. Hominis Intestinum Duodenum cum annexo ductu pancreatico, & vasis felleis.

Notanda.

- A Intestinum Duodenum.
- B Ductus Pancreaticus cum suis ramusculis per Pancreas distributis.
- C Vesicula Fellea.
- D Ductus Cysticus.
- E Ductus Hepaticus per Hepar distributus.
- F Ductus Communis dicti intestini infimam partem perforans.
- Nº. XIII. Vesica humana cum annexis vesiculis seminalibus & prostatis.

Supra dictas Thecas positae sunt minores Theculae.

Thecula A.

Partes Generationi inservientes cum annexis, è Virgine desumptae, circa quas sequentia notanda.

1. Uterum suam naturalem reservasse figuram & magnitudinem, idque sine ulla ruga.
2. Quia nunquam peperit, Uterum respectu earum, quæ uto gessere, exilem admodum esse.
3. Uterum vasis sanguineis scatere, quæ maxima quidem ex parte, è vasis hypogastricis originem ducunt, nonnulla vero quoque videmus originem habere è vasis spermaticis.
4. Ovaria tantæ esse longitudinis, ut mirari subeat.
5. Vesicam Urinariam inflatam sine rugis à pluribus annis à me esse conservatam, sine ulla subsidentia aut fovea.

Sequentes Literæ unamquamque partem demonstrant.

- A Uterus.
- B B Ovaria, per quorum superficiem ova prominent.
- C C Tubæ Fallopianæ flatu distentæ,
- ccc Dictarum Tubarum fimbriæ.
- DD Partes membranaceæ inter Tubas & Ovaria, quæ Ligamenta Uteri lata audiunt, sed falsò; horum interventu Tubæ quidem ovariis alligantur, non verò Uterus peritonæo, nisi in statu præternaturali.
- E E Vasa spermatica partim per ovaria, partim per dictas membranas, Ligamenta Lata dictas, repentes, ad uteri corpus tendunt.
- F F Utraque vena spermatica, quarum dextra è cavæ truncu, sinistra verò ex emulgente, aut potius vena enali ortum dicit.

ffff

- F**ff Dictarum venarum ramusculi per ureteres dispersi.
xxxx Earundem ramusculi per membranas renum, & præser-
 tim per adiposam, distributi.
G Uteri vagina cum Clitoride & ejus cruribus.
H Intestinum Rectum.
I Perinæum.
K K Ligamenta Teretia, aliis *Rotunda* dicta.
L Vesica urinaria cum suis ureteribus inflatis.
II Ureterum insertiones in vesicam.
M Vena cava.
N N Venæ renales.
O O Renes artificiose Balsamo præparati & indurati, naturali
 magnitudine & figura reservatis.
P P Renes Succenturiati.
p p Venæ per renes succenturiatos distributæ, ortumque du-
 centes ex venis renalibus.

Thecula B.

Partes Generationis cujusdam mulieris Uteri procidentiam per-
 pessæ, cum annexis: in iis observatu digna sunt.

- 1.** Uterum ob prægressam imprægnationem majorem esse illo,
 cuius descriptionem supra exhibui.
 - 2.** Vaginam multo capaciorem esse propter uteri prolapsum.
 - 3.** Uterum, Vesicam, Ureteresque naturalem figuram & mag-
 nitudinem reservasse.
 - 4.** Arteriam renalem s. emulgentem dextram, duplicem esse.
 - 5.** Figuram utriusque renis succenturiati neutiquam convenire.
- Sequentes Literæ unamquamque partem designant.

- A** Uterus vasis sanguineis scatens.
B Teretia Ligamenta.
C Vagina.
D Os uteri internum.
E Meatus Urinarius.
F Vesica urinaria.
G G Ureterum portiones abscissæ.
H Arteria magna ceraceâ materiâ infarcta.
II Arteriæ renales, quarum dextra gemina.
K K Arteriæ spermaticæ è trunco arteriæ magnæ sub arteriis
 renalibus oriundæ.

L L Arteriæ Lumbares.

M Arteria Mesenterica.

N N Rami Iliaci arteriosi.

O O Eorundem ramusculi per uterum , vesicam , & vaginam distributi.

P Ren sinister.

Q Q Arteriæ per renem distributæ.

Thecula C.

Variæ Asperæ Arteriæ.

Thecula D.

Thorax è præparata cute furis suspensi confectus , in cuius postica parte duo stigmata visibilia remanserunt post cutis præparationem.

Thecula E.

Placenta Uterina, cuius justa forma , magnitudo & crassities , post indurationem & exficationem reservatæ.

In ea quoque vasa ita sunt infarcta, ut vel minutissima videri possint.

Thecula F.

Pueri biennis intestinæ omnia , mesenterio & mesocolo cohærentia , in quibus notandum , Jejunum nullis gaudere valvulis conniventibus.

Notanda.

Lit. A. Intestinum Rectum indigitat.

B Intestinum Colon.

C Intestinum Cæcum.

D Appendicula Intestini Cæci.

E Intestinum Ileum.

F Intestinum Jejunum.

G Intestinum Duodenum.

Thecula. G.

Sceleton polydactylon monstrosum , cuius figura reperitur in curioso Spicilegio Nobilissimi Kerckringii.

Quoniam in fluvio nostro 't Y inventum fuit cadaverculum , pro symbolo habet.

Ah Fata, Ah aspera fata!

Notanda.

1. Caput osseum corporis respectu maximum.
2. Ossa capitis solito duriora.
3. Fontanella duplo major.
4. Ossa temporum exilia admodum.
5. In Sutura squamosa lateris sinistri duo Ossicula Wormiana.
6. Ossa nasi latiora, & magis, quam in aliis recenter natis, depresso.
7. Oculorum orbitæ nonnihil deformes.
8. Dehiscentia in parte inferiore maxillæ superioris sub naso.
9. Maxilla inferior ex unico osse constat, quod rarissimè (si unquam) visum est in recens natis; præterea prominentiam osseam cristæ gallinæ æmulam habet in maxillæ inferioris medio, idque non solum in parte anteriore, verum etiam in posteriore.
10. Sub processibus maxillæ inferioris alæ ossæ seu latæ prominentiæ ossæ visuntur.
11. Dentes varii videntur in eruptione versari.
12. Costæ brevissimæ, digitumque transversum longitudine vix superantēs.
13. Scapulæ tam exiles, ut sex mensium fœtus majores habeant; Claviculæ è contra naturalem habent magnitudinem.
14. Sternon totum osseum, & quasi è tribus ossibus conflatum, sicut in homine adulto, & pro ratione corporis justo minus.
15. Ossa humeri brevissima, ut & ossa brachiorum & cubitorum.
16. In carpis varia exigua ossicula apparent.
17. In manu dextra septem digiti.
18. In sinistra sex, & præter eos, pollex duplex.
19. In pollice & digito auriculari, rotunda quædam appendicula.
20. Ossa femoris brevissima.
21. Ossa suræ & tibiæ transversi digiti longitudine.
22. In Tarso varia ossicula rotunda.
23. Pes dexter octo gaudet digitis. Sinister novem digitos habet.
24. In Metatarso dextro sex ossicula reperiuntur.
25. Metatarsus sinistraliter septem ossiculis ditatus est.

Thecula H.

Viri Partes Generationi inservientes cum annexis, exsiccatae & tam affabre concinnatæ, ut omnia naturalem constitutionem reserverant. Vesica inflata, nullam habet rimam, aut foveam, at verò ingens calculus, in ea à me inventus, quem in vesica reliqui.

Thecula I.

Quatuor Sceleta Fœtuum novem mensium.

Fœtus humanus quinque ferè mensum cum omnibus suis involucris & annexa placenta uterina in liquore & situ naturali, tam nitidè conservatus, ut videatur adhuc vivere.

Peculiare hujuscे Abortus fatum, sequenti dicto innuitur:

*Immature projectum, Balsamus mature exceptit,
Ne mortem immaturam exciperet matura corruptio.*

Præter hæc omnia, adhuc plurima alia Musæum meum fovet, quæ hic, ob rationes reticendas, non commemorantur.

F I N I S.